

Universitäts- und Landesbibliothek Tirol

**Chronik des Minoriten-Guardians des St. Jakobs-Klosters
in Olmütz, P. Paulins Zaczkovic, über die
Schwedenherrschaft in Olmütz von 1642 bis 1650**

Zaczkovic, Paulinus

Wien, 1881

Olomucium Moravorum

[urn:nbn:at:at-ubi:2-7101](#)

OLOMUCIUM MORAVORUM

seu

Brevis Annotatio omnium,

qvae Moraviae Metropolis, per novem annos a Svecis obsessa
et capta, perpeti debuit.

Descripta

Ab A. Rdo. Rigo. Patre Magistro

Paulino Zacezkowitz de Gniazdow,

SS^{tae} Theologiae Doctore, toto illo Novennio ad S. Jacobum Guardiano
Ord. Minorum S^u Francisci Conventualium.

Ad Lectorem.

Ecce habes optime Lector Marcomannos, seu Moravos! Hi communiter cum sua Metropolitana et in marchionatu Moraviae civitate Olomueensi primaria gloriabantur, Virginem esse Moraviam, nec unquam ab aliquo hoste, imo (ut scribit Curtius) nec ab Alexandro Magno, fuisse captam, nec forte cogitabant aliquid simile, quod eis Anno Domini 1641 contigit eventurum. Sedebat Moravia semper secura in pace, divitiis et deliciis, ac iucunditate plena. Proh dolor! De ea Threnorum Primo, non recordata finis fui. Scitis ne O, Marcomanni! qui fidunt secundis rebus, voluptatibus se dedunt, genio indulgent, ac in umbra prosperitatis sedentes, ut plurimum decepti, se delusos et aestui expositos vident. Sederunt olim Israelitae manducare et bibere, et surrexerant ludere, et ecce vindicta a Deo, ut ex eis 23. millia occidantur. Exodi 30. (?) Sedet Balthazar in convivio iucundus, et in pariete supra digito Dei appetet sententia scripta. Daniel 5. Qui ergo decipi non vult, non extollatur in rebus prosperis, meminerit potius adversitatis, seqvaturque exemplum Italorum, qui bonum vinum aqua miscent, et non facile inebriantur, et noxam corpori non

adducunt. Si forte Marcomanni minus temperate vixerunt, et vinum prosperitatis cum aqua modestiae non miscuerunt, non illi mirentur, quod eis acciderint haec. Saltem aliarum vicinorum provinciarum mira et horribilia futurae calamitatis indicia: bella, fames, pestilentiae, et communis vivendi ratio eos admonere debuit. Non secus Moravis factum, atque iis, qui in eodem templo clausi advertunt, paulatim inclinati parietes, crepare trabes, scindi et dissolvi fornicem, omnes certam et praesentem expectant templi ruinam; in templo Suae Caesareae Maiestatis simili ditiones aliquae inclusae, et civitates, excipientur ne Marcomanni, et eorum Olomucium ab huiusmodi ruinis et periculis? Refertur Lib. 2. Comentarii. Pii papae 2. de rebus moralibus Urbis Fulginensis in Italia: Regulum olim ibidem ut alterum Epulonem vixisse, et a quodam viro Sancto quaesiisse, an regno suo, et tantis deliciis etiam posteritas aliquando privanda esset? Respondisseque illum: privandam; cum scilicet boves circum moenia civitatis volarent; responsum Tyrannus pro risu accepit; Verum Nepotibus regnum illud fulgineum in possessione ac pace tenentibus Ioannes Wiretensis, Alexandrinus patriarcha, obsidione urbem aggressus, explicatis velis, quibus insigne, seu symbolum inerat pars boum, stante vento, et agitante vexilla, volare quodam modo videbantur. Refricavit memoriam iuxta vaticinium, illos fore boves circum moenia volitatuos. Si vir aliquis, Moravis de simili, quod eis accidit, divinasset, vix credidissent. Et in hoc Clementiam Dei non satis laudare Moravi potuere, quando eos, ut olim ante submersionem in mari rubro Aegyptios admonere dignatus est; ante enim irruptionem Sveci duobus annis continuo ante Olomucium infinita copia murium fuit, et agros circum iacentes corrodabant, et in eis omnia devorabant, ita, ut viatores horrore correpti vix transire (maxime circa vesperum) potuerint. Erant varii coloris: albi, nigri, violacei, rubei, et habebant in pelle signa: gladios, cruces, bombardas, et aspectu horribiles, et recte eo anno, quo Sucus venit in Moraviam, evanuerunt. Isti erant prodromi, et ea, quae facta sunt, paulo post praesagiarunt. His praemoniti Marcomanni, si Deum (ut olim Ninivitae) placassent, poenitentiam egissent, pepercisset eis, et decretum mutasset. Quidquid igitur de irruptione Sveci in Moraviam, et quidem compendiose scriptum, candide Lector, fruere et vale.

Irruptio Sveci in Moraviam.

Antiqua et Sancta Domus Austriaca semper ornamenta pacis retinere, et pericula belli pro viribus repellere satagebat; at instantे eiusdem pacis inimico malo genio post longa bellica tempora reliquias furoris per Svecum in Sanctam domum hanc effundere instituit. Id ipsum videre licuit, qualiter in inferiori Silesia Svecus, Caesareo milite profligato, et civitate Maioris Glogoviae occupata, ibi suique exercitus corpore relicto, ipse Torstenson, regni Sveciae Generalissimus, in persona residuum Caesarianum militem cum suo duce Fernamond fugam dantem insecurus. Stante tali periculo dux Fernamond quam citius Commandantem Olomucensem dominum Miniati scripto praemonuit, qvod ibi se recipere instituerit, sed advertens post tergum hostes eum secuturos, ultimamque ruinam pertimescens, altioribus montanis se et suos non credidit, alia potius via versus Austriam properavit. His Sacra Caesarea Maiestas mota, exercitum multiplicavit, Generalissimum, serenissimum dominum Leopoldum, archiducem Austriae, et Generalem Excellentissimum dominum Pickolomini instituit, et cum triginta millibus contra hostem absque mora per Moraviam relichto ad partem Olomucio, in Silesiam et Pomerianam dimisit, ubi licet primo in conflictu cum hoste penes Lypsiā exercitus optime se gesserit, ultimo tandem per incuriam proh dolor! caesus fuit.

Fugientes hostis subsecutus.

Astutus hostis haud dubie viam, qva Caesariani fugiebant, advertit, et ideo eam post illos accepit, sed cogitatum suum mutavit, et primam mentem (qvasi se fugiens Olomucium recipere vellet) assumpsit, vidensqve, qvod eum tempus et fortuna iuverit, sub praetextu fugientis de praesidio Olomucensi mens eius fuit. Praemisit igitur ante se aliquas legiones, qvae se sub titulo Caesarianorum, ad Maiorem Glogoviam profligatorum, propter hostem subseqventem fugientes, et se Olomucium recipientes, finxerunt.

Commendans vero Olomucensis D. Antonius Miniati firmiter in litera se fundavit, exploratores non misit, putativis et fictitiis Caesarianis die ac nocte portam Civitatis apertam, et liberam esse voluit. Excubiae non quaesierunt, qvi, te

qvales sint transeuntes, an hostes, vel amici? Sed solum modo sistentes in hospitiis tractabantur. Pertranseuntibus autem civitatem ex civibus Commissarii pro qvartiriis extrafaciendis immediate deputati sunt, et qvartiria pro venturis scribebantur. Provisio de pane, cerevisia, et pabulo sufficiens parabatur, et ducis ipsius Fernamoni adventus in vigilia, seu ipsa die Pentecostes, a Domino Commandante desideranter praestolabantur.

Tumultus.

Fugientibus post conflictum Caesarianis, et hostibus in fuga eos seqventibus ex superiori Silesia maximus tumultus Olomucii fuit et confusio, siqvidem Nissa et aliis locis Praelati cum suis thesauris et cum magna copia hominum fugerunt Olomucium, magis tamen, et maiori ex parte plebs cum suis mobilibus ibidem confugit; ita civitas plenissima populo, curribus, et pecoribus fuit. Extra civitatem timores et clamores, aliqui intrare fortalitium, aliqui exire petierunt, et qvo pergere ignorarunt.

Commendans tanto non motus tumultu, ploratu et lamentatione hominum, sciens tantam turbam hominum ex Silesia et aliis variis locis accurrere, non interrogavit, nec etiam ploratum misit, qvid rei hoc sit? Solis itaque literis credidit, qvas dux Fernamond ei transmisit. Ultimo tandem ipsa die Pentecostes vidi ante oculos ex suo palatio uno qvadrante milliaris fere cum duobus millibus ante qvardiam, qvi inter civitatem Olomucensem et Chřzelovium pagum pro meridie circa circum positis excubiis pabularunt, et hi fuerunt Sveci, qvi ut exploratores praemissi fuerant, ut transeuntes civitatem sub praetextu Caesariani militis hoc vesperi cum illis se coniungi, et dein currus cum thesauris Olomucio exeuntes spoliare posset; qvod et factum est.

Expediuntur cum thesauris currus.

In tali confusione, qvi venerant ex Silesia tam Ecclesiastici qvam alii Domini, convenerunt cum Olomucensibus aliquo alio cum thesauris migrare. Qvi in vigilia et ipsa die Pentecostes aufugerant, omnia sua salvarunt, qvi vero die Lunae et Martis exierant, inter quos ultra centum erant, illi omnes spoliati sunt, participantibus de illis thesauris tam bene Svecis, qvam etiam Caesarianis, qvi dein hosti adhaeserunt. Nihilominus tanta

spolia eis non sufficiebant, siquidem illos, qvorum currus et thesauri erant, taxarunt, et ad racionem adegerunt, inter qvos Reverendissimus dominus Ginnani, Olomucii ad omnes Sanctos Praepositus cum suo Priore Rudolpho Pollinger curru et suis rebus spoliatus, et mille imperialibus taxatus, eis vero apud se non habentibus, pecunica alia per eos in crypta conservata rationem pro se, et suo Praelato solvere, et illam pauper Prior exutus omnibus absqve calceamentis ferre extra civitatem Svecis conatus est. Eodem die Reverendissimus dominus Minutini, Suffraganeus Olomucensis, ecclesiae cathedralis thesauris spoliatus, et semi-nudus lethaliterqve vulneratus, scripta cum salva Gvardia Olomucium ductus est. Item Admodum Reverendus Pater Magister Cornelius Oitweiler, Decanus Carnoviae, et Commissarius Silesiae rebus ecclesiasticis acceptis, scilicet Conventus S. Iacobi et S. Clarae, a Svecis captus, et qvinqvaginta Imperialibus a domino Matthaeo Pengelott mutuo datis a captivitate denuo redemptus est, qvem prius in campo Ptipsainensi penes currus supra eqvum simplicem posuerunt, et eqvitantem straminea corona coronatum instar processionis cum turba puerorum ad castra Svecica adduxerunt, ac dein pro racione Olomucium dimiserunt. Certe compatiebatur populus cum Gvardiano loci, qvod tantus vir talem despectum pati debuerat; attamen ex parte una Gvardianus gavisus fuit, qvod sit habiturus socium in tantis tribulationibus, sed ultra spem racione deposita, assumpto secum Patre Petro, erupit et evasit.

Obsidetur Civitas.

In festis Pentecostalibus in pago Chřzelov, parvo medio miliari a civitate Olomucio distante, in qvo Gvardianus a S. Iacobo divina per festa solennia peragere solebat, magnus exercitus militum duodecima hora fluvium Moravam pertransiit, et in praefato pago castra posuit, ibidemqve excubias in turri et in campus circa circum pagum ordinavit, ac perterrefactos homines solatus est, dummodo sat ad comedendum et bibendum, et sufficiens eqvis pabulum praeparabant, haec omnia, qvidqvad exposuerint, illos soluturos. Hoc mirum in modum Guardiano videbatur, qvi absqve dubio Svecos esse advertit, qvare vocatus in Conventum ob varias causas feria 2^{da} redivit, ubi Admodum Reverendum Patrem Magistrum, Cornelium Oitweiler, et Patrem

Godefridum Dambroch, tunc temporis provinciae Austriae Secretarium cum aliquot Reverendissimis Canonicis simul congregatos invenit, quibus in conversationibus et stantibus de hoc milite, qui fuit ante Gvardia Svecica, post aliquod spatium temporis enarrare coepit: brevi armadam Svecicam fore secutaram, sicut et verificatum est; siquidem adhuc illa die post occasum solis nobis inter se conversantibus in confinibus Sternbergensibus, Dolainensibus, et Bistricensibus, tribus quadrantibus milliaris a civitate distantibus, iam in castris Svecicis ignes apparuere quam plurimi, et feria 3^{ta} Pentecostes summo dilculo exercitus paulatim progressus versus civitatem eam circa circum inclusit, et de nocte ad suburbia usque devenit. Qvare primo considerans haec Italus Commendans, vir ultra Sexagenarius, dimissis suis Consiliariis, sibi pro defensione civitatis datis, et non videns sibi parem, neminem ad se admisit, nulli mortalium literas sibi transmissas a duce Fernamond communicauit, sed solus et unicus se semper in illis fundavit; Ast tamen posthac vidit, et expertus est, quam deceptus est, quam populus infinitas miserias pati debuit et spoliatus fuit; Ille vero conditionibus assignatis in traditione civitatis cum omnibus suis a Sveco liber dimissus.

Fiunt praeparatoria ad defensionem.

Tardius quando iam hostis in suburbii fuit, Commendans nullum militem praeter noviter collectum habens, eis sclopetas distribuit, cives ad muros iussit, tormenta in locis, ubi opus erat, collocare mandavit. Non minus hostis ad oppugnaculum se disposuit, tecta extra civitatem aliqua deiecit, et tormenta super domos accommodavit, ut supra molam carthaceam tecto deposito tormenta contra civitatem posita mane apparuere. Qvare e contrario, scilicet ad S. Iacobum, tormenta quinque posita, et certus numerus civium cum domino Circendorff, senatore civitatis, pro defensione districtus illius assignatus est, inter quae tormenta unum sat longum, vulgo Katz dictum fuit, quod Pater Petrus, natione Belga, Ord. Min. Conventualium, tunc ibidem ad S. Iacobum de familia collocatus, optime direxit, et pro prima vice iaculando a tecto molae carthaceae hostis tormenta deiecit, ac 2^{do} totaliter molam carthaceam in nihilum rededit et combussit.

E regione Conventus S. Iacobi extra muros fuit una domuncula in aliquo horto, in quo aliquis advertit, ibidem circa quinquaginta Svecos haerere, qvod Patri Petro revelatum est, qui, onerato tormento et explosione praedictam domunculam cum hostibus combussit.

Traditur hosti Civitas.

Rumor fuit inanis, et vere pasqvillus, propter tres foeminas fuisse hosti traditam civitatem, qvas intelligere volunt scilicet dominam Miniatti, uxorem Commandantis, qvae aliquot ante diebus ad sua bona Ptiniam, post Olomucium duobus milliaribus distantia, ante Svecum et eius adventum exiverat, nec amplius unqvm reversa; secundam: Dominam Schwonauerin, et tertiam: Kauffmannin, Caesarei iudicis uxorem, qvae qvidem Olomucio cum curribus, in qvibus avehebantur thesauri, abiverant, sed in confusione illa, dum currus spoliarentur, se aliis associatae, per silvas et pagos hinc inde vagatae, et post aliquod tempus ad revocationem virorum domum denuo reversae sunt. Secundo Commandans Olomucensis nomine Miniatti tunc temporis existens, literis a duce Fernemond acceptis nimis deceptus est, cum ipse Commandantem scripto praemonuerit, qvod cum residuo milite Caesariano in fuga ad praesidium Olomucense se recipere velit, qvod tamen non factum, et hac de causa putans Caesarianum militem hosti, ut civitatem transire posset, Commandans portas apertas reliquit. Tertio: Caesarianus miles, qui tunc perqvam necessarius erat pro defensione civitatis, curribus ex civitate cum thesauris fugientibus pro salvo conductu datus, scholae Patrum Societatis oclusae, et studiosi dispersi, qva de causa cum Dei permissione haec omnia facta, hostisque omnia suburbia ad se attraxit, planeque vidit, qvod nemo ei resistat et valeat, ipse civitatem cum bonis conditionibus petiit, sine secus vi aggredi paratissimus fuit.

Dimissi igitur Reverendissimus dominus Zdředele, Administrator serenissimi archiducis episcopi Olomucensis et Suffraganeus Passaviensis, dominus Commandans Olomucensis, dominus Tobias Schwonauer cum aliis duobus senatoribus cum Generalissimo Durstensonio conditions pro traditione civitatis tractaturi. Et ni fallor, hae sunt: 1^{mo} Porta fortiori dominum Generalissimum cum assistantibus civitatem introire permettere.

2^{do} Dominus Commendans securus cum omnibus suis, etiam suppellectili domestica, vel quidquid exportare potest, exire valeat. 3^{to} Omnes, qui in civitate manere, vel foras exire absque impedimento possint. 4^{to} Fidem Catholicam in nullo impedire. 5^{to} Devotionem, Collegium, Convictum, et monasteria omnia relinquare in suo esse et statu. 6^{to} Iuramenta sua Maiestatis, et omnium Statuum non perturbare. 7^{mo} Fidelitatem Caesari servare ut decet. 8^{vo} Nobilium et Praelatorum domos cum suis quibusvis privilegiis relinquare. Ultimo tandem arma deponere. Haec quidem hostis promisit, sed pauca servavit.

Generalissimus intrat Civitatem.

Sabbatho hora secunda post mediam noctem (1642, 14. Junii) traditio Civitatis parum innotuit, qua dominus Circkendorff ad fenestram Gvardiani ad S. Iacobum pulsavit, et ei recensuit, civitatem pessimis conditionibus circa vesperum heri hosti esse traditam, et silentium, seu Stillstandt, in postis civitatis indictum, quare media hora post, lustratione absoluta muri civitatis adiunctis circiter centum et quinquaginta maioribus Officialibus porta illa fortiori, in conditionibus posita, Generalissimus Durstenson ad palatia episcopalia venit, et dein assumpto secum Reverendissimo domino Administratore, duobusque aliis Ecclesiasticis ecclesiam Cathedralem lustravit, ac demum ad monasterium Patrum Capucinorum, ubi quartirium habuit, perrexit. Mox autem in quartirium veniens lustrationem circa civitatem expeditisse suis Officialibus narravit, et quod, si de muro, qui post Collegium Patrum Societatis recte post festa ceciderat ad fundamentum, scivisset, nunquam de Accordo cogitasset, sed directe cum toto exercitu civitatem intrasset et sua fecisset.

Introducuntur Regimina ad Civitatem.

Dominica SS^{mae} Trinitatis, quae erat 15. Junii, integra quinque regimina sunt introducta ad civitatem, inter quae duo peditum, duo dragonerum et unum equitum, factaque dispositione Commandantem primum praeposuit dominum Wanck, qui vix quadrante anni fuit, quidem egregius miles, et polyticus licet Acatholicus, attamen demississime salutavit, et reverebatur sacerdotes, qui sat artificiosa inter aquas post portam inter Laska

et Carthusianos propugnacula excogitavit; sed propter notam unam, qvam inclusam cum aliquibus caracteribus habuit, potuit, siqvidem de illo probatum est, multum per operationem maligni spiritus facere, et ideo amotus, ne clamor fiat in civitate, Svecos per magiam, vel arte diabolica, gerere, et ad castra revocatus, cui dominus Georgius Paikul, Colonellus peditum, in locum successit, qvi natione Svecus erat, qvem etiam se Molitoris filium esse narrare non pudebat. Is per militiam in virum magnum evasit, et qvam plurimum Commendantem in civitatibus, uti Augustae Vindelicorum et alibi, famosum egit; is gravis persona fuit, caput magnum habuit, decorus erat facie, annos qvinqvaginta habuit, et ultra, barbam non alebat, nec uxorem habebat. Tempore ipsius dum adempta fuit aqua civitati, conceptu eius aedificatae sunt variae molae tam pedales, qvam manuales, sicut etiam Ross-mühl. Iste non ultra, nisi usqve ad obsidionem Brunensem Olomucii Commendans fuit, ac posthac a Generalissimo Durstenson ad castra citatus, qvae tunc erant inter Kremsirium et Kojetain, ubi omnium votis in maiorem Generalem electus, et post aliquot annos Princeps in Svecia factus, prout illo tempore publicatum fuit ipsum in Principem fuisse creatum. Tertius Commendans dominus Valentinus Winter, natione Brutenus, Gedanensis, sartoris filius, vir agilis et vigilans, cuius prior foemina in inferiori Silesia obiit, alteram vero in Moravia antiquae Minqviztianae familiae nupsit, et eam sibi in' uxorem desponsavit, qvae in favorem viri ex Catholica Lutheri fidem assumpsit. Is, ut Supremus Leytnantius cum uno curru et qvatuor eqvis famuloque uno ad civitatem venit, et in suo Officio ad solutionem obsidionis usqve Brunensis mansit, cui dominus Paikul denuo successit in Commendantem, qvi ut Generalis usqve ad finem gubernavit. Post discessum vero ex Moravia famosissimus Winter vocatus ad patriam, et ibi a Gedanensibus civitatis illius Gubernator (vulgo Stadthalter) promotus, qvi pro maiori securitate (ut ibi moris est) summam pecuniae ad civitatem posuit, a qva interesse praeter ordinariam solutionem habentem accepit. Et certe, maxime in illa irruptione Svecorum in regnum Poloniae erat summe necessarius illi civitati Gubernator bonus, qvalis erat dominus Valentinus Winter, qvi mores Svecorum et personas bene noverat, et multum pro parte regni Poloniae exhibere poterat, uti etiam fecit.

Excinduntur pomeria.

Summo mane die lunae (16. Iunii 1642) secures, qvas cum munitionibus aliis advexerant Sveci, e curribus expositae et militibus distributae, qvibus illa die pomeria circa civitatem in suburbii sita, et viridaria iucunda ad terram usque exsecarunt, et exscissa ad cumulos composuerunt, rami vero in fascinas colligati, et cum tempore ad templum S. Petri advecti, et ibi una cum carbonibus et munitione varia obserati.

Revertitur Generalissimus in Silesiam.

Die Martis (17. Iunii 1642) Svecus facta Olomucii dispositione in Silesiam ad suos properat, et in Pomeriam et Lypsiam.

Deponunt arma cives ad Curiam.

Post discessum Generalissimi Durstenson decretum per omnes portas civitatis est promulgatum, ut omnes et singuli omnia arma in domibus possidentia, scilicet: bombardas, gladios, pistolas, secures et similia illa adhuc die ad Curiam deferrent sub poena capitinis, et maxima mulcta, qvin sin secus fecerint, poenas in illo decreto assignatas et scriptas infallibiter incursumos. Nihilominus duae bombardae inter ossa in caemeterio S. Petri inventa, et cuius essent agnita, qvi posthac incarceratus, magnas miserias passus, et sine magna mulcta, ut notum omnibus erat, non est dimissus.

Comburuntur suburbia.

Die Mercurii (18. Iunii) per plateas indicatum fuit omnibus et singulis, qvi in suburbii habitabant, vel alibi aliquaque conservata habebant, licite in civitatem omnia deferre, ibidem conservare, et hospitia sibi qvaerere, vel secus vellent, ad libitum ex civitate migrare posse, siqvidem summo mane die Veneris incendiarii ad comburendum suburbia sunt ordinati. Eodem die omnibus in civitate existentibus mandatum fuit, ut supra tecta sufficientem aqvam possideant, seqventibus diebus, postqvam accenduntur suburbia, ne patientur damna. Promulgato edicto praefata die Veneris omnia suburbia, palatia foris

existentia, et ecclesiae sunt combustae, muri ad nihilum redacti, ruinati et terrae similiter adaeqvati.

De propugnaculis.

Devastatis et ruinatis muris et monasteriis, ac omnibus in suburbio domibus et hospitalibus, munita est civitas; muri, qui fuerant debiles, dejecti sunt, et ex fundamento aedificati, uti post collegium, in circuitu reparati, et partes aliquae Patrum Societatis murus, qvi recte ante adventum hostis ad fundamentum usqve ceciderat, denuo est erectus, sicut etiam circa Cathedram ecclesiam. Hoc tamen scendum est: qvod ubi murus, vel pars nova muri totaliter aedificata fuit, ibi insigne regis Sveciae ex lapide excisum, et in muris inclusum apparuit, qvod de facto videri potest. Valla circa civitatem, et propugnacula restaurata, et aliquva de novo aedificata, domunculae, ubi opus fuit, pro excubiis tam in vallis, muris, et propugnaculis sunt erectae; qvalibet vero die medietas militum peditum et Draganeorum ad facienda valla et propugnacula, et altera medietas pro excubiis ordinabatur. Ex civitate qvotidie de domo tres, festis et diebus dominicis etiam non exceptis, ad propugnacula ire coacti, et si cives aliqui non habuerunt, qvos misissent, Svecicas ex fortioribus tenebantur conducere foeminas, vel ipsimet cogebantur, si qvidem pueros et puellas parvas suscipere noblebant, qvia si similes mittebantur, tales ad caveam ferream (vulgo Narrn Gatterl), qvae in medio civitatis fuit, pellebantur, et ut pullis pro cibo seu pabulo avena, vel hordeum inter eos proiiciebatur.

In his faciendis propugnaculis nemo credit, qvales insolentiae fiebant, maxime inter serviles ancillas, sicut etiam inter civium filias, qvae absqve suis charissimis procis remanere non potuere; qvod qvidem revera Sveci honestatem amantes ad carnalia vitia maxime advertebant, nam cum sive egregii, sive simplicis civis, sive Senatoris filia fuit, etsi minima suspicio advertebatur in una aut altera, tunc etiam vilissimum Sclopetarium ducere pro coniuge, seu marito, et ipsi nubere, est coacta.

Propugnacula hyemalia.

In aestate ex terra, in hyeme vero ex glacie adinstar aliorum propugnaculorum in simili plane forma ergebant moenia,

et formabant valla; ad hoc observandum, qvod dum formabantur ex glacie a Svecis in hyeme propugnacula, glacies qvalibet die ad noctem perfundebatur aqua, ita ut magis et magis congelata glacie inaccessibiliter fuerit factum propugnaculum, qvod econtra Caesariani fecere. Contigit semel qvendam supremum Leutnancium, dominum Georgium Reteft, qui a Commendante pro inspectione laborantium in propugnaculis assignatus colligendo fragmenta glaciei in aquam cecidisse, qvae ipsum immediate sub glaciem arripuit. Rusticus vero proxime adstans iam quasi suffocantem sub glacie pertica deprehendit, et ad littus quasi semi-vivum extraxit, pro quo tanquam gratus beneficii bis in septimana prandium instituit, et semper bene tractato ei ducatum obtulit, neque, qvoties ipsum obvium habuit, vacuum dimisit.

Antemuralia.

Ex materia sufficienti laterum et lapidum habente hostis in suburbii antemuralia circa civitatem aedificavit, et ex ruderibus, seu domibus ruinatis planitiem (ac si domus nunquam fuissent) campo similem adaequasse fecit, ita qvod inter muros, et antemuralia qvilibet curribus transire, vel equitare nemine advertente potuerit. In suburbio post molam S. Iacobi, ubi antemuralia facta sunt, fuit qvondam Coriariorum platea, ubi canis unius exulantis Coriarii pluribus notus in aliquo profundo celario (vel, Deus scit) sub terra absconsus quinque annis labrabat, lamentabiliter ululabat, ita, qvod multos ad fletum commoverit, ut dein, ubi canis haereat, ipsis Svecis diu locum quaerentibus, et non invenientibus, unus in excubiis miles canem mures aliquando capientem, advertens ex sclopeto (1647) tracieret, qui probabiliter meris muribus tot annis vicitabat.

Portatores alimoniam hosti suspenduntur.

Sat magna Metropolis in Moravia civitas Olomucensis, qvae vendentes, et ementes suscipiebat, ut tali modo homines se iuvare poterant, et revera fuit quasi Mater pauperum, qvia multos alebat, et hinc deficientibus almoniis, et existente inibi hoste more consveto, uti antea, homines aliquando clam, maxime de nocte ad civitatem portare solebant, qvod contra decretum fuit. Hinc Caesariani, Prostannae manentes, similia advertentes,

portatores saepius spoliabant, ac dein his non cessantibus semel quindecim deprehensi, ex quibus unus fortior electus alios in proxima arbore suspendit, et ultimo se ipsum suspendere coactus est.

Templum Sveci petunt.

Occupata civitate, ad instantiam Commandantis, Sveci pro illorum exercitiis templum S. Blasii a Senatu habebant assignatum, quod est in angulo, qui non adeo contenti, post breve tempus Parochiale ecclesiam S. Mauritii apud Senatum sollicitarunt; Senatus vero non habere se potestatem in his quidquam mandandi, facili modo se excusavit; miserunt ideo ad dominum Melchiorem Pollinger tune temporis parochum ibidem, qui respondit se autoritatem non habere alicui alteri ecclesiam, cui legitime praeest, et iuravit, tradere. Institere propterea apud Reverendissimum dominum decanum, quos ita expedivit dicens: Si Parochus propriam ecclesiam non dimittat, et sicut etiam non tenetur nec debet, nec a me cogetur, episcopo soli liceat dispensare; episcopus vero non adfuit. Hac de causa a domino parocho claves petierunt, quas, dixit, se non habere, sed obscure in ecclesia repositas iacere. Quare scalis acceptis, et fenestra fracta Vicarium baculo pulsavere, et ut ascendat scalas, et claves quaerat, vi coegerunt; ipso vero renuente, alium permiserunt ascendere, ut claves in altari positas acciperet. Aeditiu autem primarius amplius de clavibus scire noluit invitum ad aperiendam ecclesiam, et ideo alium sibi pro bene placito, qui inspectionem ecclesiae habeat, aperiat et claudat, ad tempus elegerunt.

Calicem mutuo accipiunt.

Ecclesiae S. Mauritii calices et thesauri non erant evecti, sed in sacristia absconditi, quare habita Sveci ecclesia unum a domino parocho calicem mutuo habere petierunt; concessa ideo calice Commandans syngrapham se mutuo accepisse calicem a domino parocho dedit, et viso eiusdem ecclesiae thesauro mandavit, ut ille omnis thesaurus ad inferiorem sacristiam cum sua mobilitate congregetur, ibi occludatur, et sigillis civitatis parochique obsignetur, et sic omnia ad exitum Sveci intacta remanserunt, et in discessu calix restitutus, et syngrapha denuo Commendantи exhibita est.

Ad SS. Cyrillum et Methodium Catholici migrant.

Habita possessione S. Mauritii Catholici cum suis exercitiis ad Sanctos Cyrillum et Methodium, et Sveci a S. Blasio ad S. Mauritium transivere, ubi solummodo locum pro sepulturis sibi reservare. Qvare siqvidem more solito Catholici officia solemniter ut plurimum cum musica persolvebant; Sveci ferventem illam devotionem non passi, una tantum vice in anno dicentes se distractionem in illorum devotione habere, ad templum S. Michaelis Catholicos migrare mandarunt, ex qvo etiam, qvia propter freqventem devotionem, organi et musicae per civitatem fervor resonuit, ob invidiam post qvatuor annos ad templum Bernadinorum sunt pulsi, ubi ad exitum Sveci munia ecclesiastica et devotio persolvebatur.

Devotio Svecica.

Uti diversarum nationum et linguarum Svecus habuit homines, scilicet: Svecos, Germanos, Italos, Gallos, Polonos etc. ita Sectas omnes (praeter Arianos) libenter passus. Illorum devotio diebus solummodo dominicis corrupta Germanica lingua mixta cum Svecica fiebat. Pastor seu Praedicantius vestitus nigra toga ad terram usque longa, et simili bireto prout sacerdotes Catholici in funeribus utuntur; aliquando gestans supra togam sine alba Casulam, aliquando super albam superpellucium, seu in locum missalis aliquem ad placitum Commendantis librum precum, Wittenbergae seu Lypiae impressum, ad altare accessit, qvi nunquam nisi nominante rege Sveciae, seu nomine alicuius praecipui Generalis, suum biretum per totas caeremonias depositus; praedicaturus vero, in toga casulam, vel superpellucium assumpsit. In praedicatione abfuit aliquem ex Officialibus tangere, vel impetere, quia hoc facto immediate similis ad carceres positus et punitus fuit, et ideo omnes in attentione oportebat manere.

Distributio excubiarum.

Non minus hostis intus advertit, ne fiant aliquae insidiae, vel prodiciones, ut contra hostem extraneum, ideo domunculis pro excubiis praeparatis per muros, valla, propugnacula, portas inter muros sicut etiam per omnes civitatis plateas die et nocte

una explosione Sclopetae ab invicem disposuit excubias. Pro eqvitibus qvam procul se extendebat muri decanatus, aedificatum est stabulum, in qvo Commandanti eqvites parati in custodia, seu vulgo in Bereithschafft, steterunt. Per omnia monasteria pro maiori securitate posuit hostis salvam Gvardiam, cuius officium erat attendere, et revelare Commandanti, qvidnam intus fiat, aut contingat? qvid intro portetur, aut exportetur? cum non solum Catholicis, verum etiam Svecis sub magna poena prohibitum fuerit, ut nulla conversatio, multo minus conventio in similibus locis fiat. Et hac de causa subseqvens solutio salvae gvardiae a Commandante in omni loco est assignata et septuata, sicut ad S. Claram omni septimana praeter cibum et potum septem Imperiales, ad S. Iacobum vero duo Imperiales sunt ordinati, qvam pecuniam tam bene Moniales, qvam Gvardianus loci continuare debebant; deficiente vero ultimatim pecunia advertens salva Gvardia misericordiam, qvam cum Gvardiano passus, conqvestus apud Commandantem, se solutionem ordinatam habere non posse, qvo amoto mandatum est, ut murus ad refectorium perfringatur, monasterium apertum maneat, et illud excubiae de nocte visitent et lustrent. Qva de causa visum post-hac fuit consilio bellico, qvod diu in visitatione monasterii et camerarum morarentur, immediate prohibitum est non ulterius lustrare Conventum, sed duo Corporales natura Sveci, Guilielmus et Magnus de nomine cum uxoribus ordinati, ut ambo una cum Patre Gvardiano in refectorio (et non alibi) die, et nocte permaneant, ita ut si unus iverit ad excubias, vel aliquo alio commendatus fuerit, alter semper domi haereat; vel si ambo, uxores Gvardiano attendant. Qvalem autem mortificationem per quinque annos cum ipsis habuit, novit Deus, si qvidem a Guilielmo nimis mortificatus est.

In proxima domo Canonicali habuit qvidam Rittmaister quartirium de linea S. Erici regis, cuius famulus procabatur ancillae Dominae sua, qvam dominus Rittmaister ex civitate eiecit, et famulo sclopeton dedit; post annum vero famulus gratia a Domino consecuta puellam revocavit, et in sponsam eam accipere sibi voluit: quapropter omnia pro nuptiis parata, et hospites pro futura solemnitate nuptiarum alterius sequentis diei in refectorio celebranda invitati, et ecce! pridie vox de nocte audita! cui Guilielmus ut Inspector auscultans ait: qualis vox? responsum datum: porcelli marini; ille vero non credens,

qvibus tamen singulariter delectabatur, lumen petuit, et loco sui porcelli marini infantem invenit, qva de causa percussa bene sponsa, extra civitatem eiecit; habita vero notitia Supremus Guilielmum ad asinum posuit, qvi totaliter ob nimium frigus congelatus ex asino deorsum cecidit, et ita vitam finiit.

De imaginibus.

Qvidam Colonellus Dragoneorum, cognomine Grenberger, Calvinista instinctu haud dubie alicuius Praedicantii mandavit sui regiminis militibus, ut omnes Sanctorum imagines in suis quartiriis colligerent, et ad locum, ubi constituerat, deferrent. Qvo facto magnus cumulus Imaginum praesente ipso Colonello, et Catholicis adstantibus combustus est; ubi contigit, qvod qvaedam devota puella imaginem sat pulchram Beatae Mariae Virginis cum Iesulo, et Sancto Ioanne Baptista pictam habens, qvam ob celeritatem militis servare non potuit, militem usque ad rogum secuta imaginem volens ab eo habere, sed actum fuit: Projecta tandem imagine in rogum inter alias illaes in flammis volabat, et integerima remansit. Flens ergo puella, nomine Catharina, ob hoc miraculum factum rogavit et imaginem obtinuit, qvam dein Reverendo Patri Gvardiano ad S. Iacobum donavit, et modo Koslae in altari in ecclesia SS^{mæo} Trinitatis miraculis clara exposita colitur. Altera imago nempe Sancti Ignatii, episcopi et martyris, non est etiam combusta, qvo autem devenit, non scitur, nec hominibus fuit notum.

Pauperes ejiciuntur.

Omnibus sub Sveco ex civitate licebat exire, qvi vero non poterant, ut claudi, caeci, et pauperes, coacti remanere debebant. Contigit vero primo anno recte circa festum Omnis Sanctorum, ut intellexit Georgius Paikul Commendans, qvod plurima copia hominum pauperum ipsa die animarum propter accipiemad eleemosynam ad diversas ecclesias, maxime vero Patrum Societatis, convenire soleat; curavit igitur per plateas civitatis promulgari, dominum Commendantem et alios dominos Officiales esse nimis liberales, et magnas propter defunctas animas illis hac die solere dare eleemosynas qvo auditio edicto; et promulgatione plurimi pauperes: ut caeci, claudi illa die

convenerant expectaturi largam eleemosynam, qvibus visis Commendans ordinavit insolentiores Sclopetarios cum illorum Profoss, qvorum unicuique darent grossum, et posthac omnes e civitate simul educerent, qvo facto, decretum in omnibus portis affixum est, ut nullus pauperum amplius in civitatem intromitteretur, et ita hospitalibus evacuatis e civitate pauperes omnes sunt evecti.

De portis et tormentis super moenia.

Civitas Olomucium primaria in marchionatu Moraviae sita, moenia pluribus turribus et turriculis exornata habuit, qvas turres et turriculas plurimas Svecus deiecit, maxime vero tecta, super qvae tormenta disposita. Civitatis portae ordinariae sunt sex, et omnes in angulis suis aedificatae, qvarum prima porta media seu Viridis (Brünn oder Mitter-Thor) vocata. Secunda porta inferior ab inferiori foro dicta. Tertia porta Littoviensis, eo, qvod Littoviam versus pergatur. Qvarta porta Lascensis seu S. Barbarae, eo, qvod illa porta egrediatur in Laskam, territorium Sanctimonialium S. Clarae. Qvinta porta S. Blasii, eo, qvod sit plane penes templum Sancti Blasii. Sexta porta prope cathedralem ecclesiam dicta porta Burg-Thor, eo, qvod illa porta sit proximior castro marchionali, ubi modo cathedralis ecclesia, et civitas de sufficientibus lignis provisionem habeat; supra qvamlibet portarum harum fuerunt locata tormenta qvinque; penes Cathedralem ecclesiam qvinque; ad Sanctum Iacobum qvinque, in propugnaculis qvinque; et in civitatis foro qvinque, sicut etiam inter templum Sanctae Clarae, et patrum Societatis Iesu qvinque. Qvatuor portae, scilicet inferior Sancti Blasii, Littoviensis et Lascensis fuerant obmurate; Aliae vero, nempe Media et penes Cathedralem ecclesiam apertae remanserunt, qvibus fortes excursiones seu Parthey, spoliatum oppida et arces, dimittere solebant. Qvoties vero dimittebantur, prius in foro omnes congregati, ac dein horum medietas una porta, et alia porta medietas ordinarie exibant, et primum uno quadrante milliaris ad extra conveniebant, ut verba, et parolla communicata prius rescirent, qvo ire debeant, ne forte ab aliquo proderentur, et dein a Caesarianis insequeverentur.

De Provisione.

Ab ipso ingressu ad civitatem Svecus de provisione fuit sollicitissimus. Dispositis qvidem militibus per quartiria, eis cives qvam diu poterant provisionem, seu victualia providebant, interea absentium Dominorum comitum, et nobilium, aut civium aedes visitatae, et illa omnia (qvae ad vivendi rationem spectant) inventa, ad domum proventuum exportata. Item in multis granariis quaecunque frumenta, qvam alia victualia sunt reperta, mensurata, et proviant Magistro consignata fuêre. Eqvites foras excurrentes oeconomizata tam frumenta, qvam alia victualia continuo advehebant, primo ex proximioribus, deinde ulterioribus, et consequenter ex tota Moravia et Austria sufficiens provisio fuit. Qvo ad carnes; de bobus, ovibus, porcis, multos greges adducebant, inde carnes saliebant, fumabant, habentibus iam superabundantem de carne provisionem, non tamen cessaverunt de omni genere pecudum ad vendendum pellere ad civitatem, et cum non haberent, cui vendere deberent, libere pecora ad campos dimittebant.

De peste animalium.

Primo anno ab ingressu Sveci in Moraviam (1642) in Iunio, Iulio et Augusto, in qvibus mensibus calores fiunt, tam magnam copiam de pecoribus adducentes propter maximum aestum et inopiam aquae inflammabantur, et pestis inde animalium exorta fuit, ita qvod per universas vias magna multitudo iacuerit, etiam per omnes plateas civitatis, et non erat qvi sepeliret, unde foetor intolerabilis, muscarum tanta copia, difficile dictu, seu creditu! vix coelum serenum, et solem videre propter muscas licuit, et post breve tempus aër infectus, et magna pestis consequenter inter homines grassabatur.

Pestis Olomucii.

Ex peste animalium ut supra, tota plena civitas infecta est peste, ita, ut plurima turba tam civitatis, quam Svecorum vitam peste finiverit, intra muros milites, qvi mortui, ibi clam sepeliebantur; hac de causa, ne extra civitatem clamor (pestem inter Sveeos grassari) veniat, sed Commandantem hanc Dei plagam occultari non posse, cum Senatu contulit, ut medicus,

chyrurgus, et vespiliones instituerentur, qvi pestiferis inser-
virent; qvare Dominus Winckler medicus, et Wolfgangus
chyrurgus, ut infectis peste subveniant remedio, ordinati. Exer-
cuit medicus varia remedia in canibus, et aliis bestiis pro
simili peste curanda, sicut sectionem venae, et alia, sed nihil
valebant praeter herbam millefolianam, qvae comburebatur in
cinerem, et in certa qvantitate (prout cuius complexio erat) in
cremato, vel calida cerevisia, vel vino infirmus utebatur; vo-
mitu habito fere qilibet salutem obtinuit; si tardius pulveres
sumpti, et non subseqvebantur operationes, iam desperabatur
de salute infirmi. Oportebat foliis illius herbae locum, et
domum thurificare; necessario foetebat ideo tota civitas propter
suffitum millefolii. Revera infectum aërem speciei pestis illius
mane unus qvisqve advertere potuit instar nebulae, et horrende
foetebat, acsi aliquva putrida terra, vel hominis sudor foret.

Expositi Ecclesiastici pro visitatione pestiferorum.

Praeter medicum, chyrurgum, curatores infectorum, et
portatores, seu vespiliones (vulgo Todtengräber) peste dece-
dantium, etiam curatores animarum expositi fuêre: e Societate
Iesu R. Pater Conradus, et Pater Paulinus ad S. Iacobum
Gvadianus. Certe ille bonus Pater Conradus multum de in-
firmis fuit sollicitus, in qva domo vel mortui, aut ita infirmi,
qvod domum aperire neqviverint, scalas secum portabat, domos
intrabat, et tantum opus charitatis perficiebat; hic ut peste
post paucos dies infectus obierit. Patri autem Paulino ut for-
tioris naturae Deo sic ordinante, non tam cito pestis nocuit
sumpto illo millefoliano pulvere in potu, tempestive affectionem
venenatam in duo apostemata convertit, unum successit, aliud
maturescere non potuit, uti hucusqve reliquia manent in Patre.

Conventus S. Clarae peste infectus.

Sollicite attendebatur ad monasterium S. Clarae Conven-
tum, ne peste inficeretur, licet tardius tamen peste infectum
fuerit, et hac occasione Virgo qvaedam huius monasterii, no-
mine Constantia, professa, habens gratiam curandi multas in-
firmitates, uti pluribus ad se venientibus subveniebat. Una
militissa Sveca cum poculo ad portam veniens potionem contra

infirmitatem petiit, ex poculo illo et illa faemina, qvae vix domum rediens mortua fuerat, ipsa Virgo infecta fuit; ex illo momento acsi ignis arsit totam, post duodecim horas mortua est; cum scitu Commandantis acsi non peste obiisset, publice sepulta fuit. Elapsis aliquot diebus de obitu alterius Pater Gvardianus informatus, et aliis infirmis adhuc ipse valetudinarius intrando Conventum vedit hinc et inde iacentes mortuas, pergit ad abbatissam, et ipsa tria apostemata habens, et de obitu aliarum minime sciens semi-mortua iacuit. Ad qvam ille: ,O! Deus in manu Dei sumus, si inciderimus in manus inimici, erunt peiora prioribus. Non est opus scire Commandantem, alioquin occidunt nos, si non peste, fame peribimus; qvid faciendum? qvis sepeliet mortuos?" Habeatur villicus in loco ante-monasteriali sat fortis, vadit ad ipsum clam Gvardianus, et ipsum invenit mortuum; dein pergit ad vespilionem, cogitavit ille; filius spiritualis non prodet, et sepeliet, et ille est agonizans, suam caute foeminam clam cum socio eius ad Conventum intromisit, qvae undecim sub Dio in horto, et una fossa sepelivit. Divina misericordia sic dispositus, qvod neqvidem salvae Gvardiae, qvae attendebat ad monasterium de peste in monasterio, et de sepultura mortuarum personarum innotuerit, neqve ad Commandantis notitiam venit pestis in monasterio, minus de illis, qvae peste obierant; primo post annum, qvando pestis cesaverat, interrogavit, quot sint in monasterio? rescivit: unicam remansisse abbatissam quae vocabatur Anna Opavská, et ipsa Dei dispositioni adscribere debuit.

Secunda pestis.

Multae sunt species pestis, et una alteri similis non est. Post discessum Sveci alia pestis exorta est. Expurgabantur plateae, et omnia loca in civitate; evehebantur sordes extra civitatem, sed si in frigoribus hyemali tempore nulla infectio erat, ante Collegium tam magna congeries sordium, qvod studiosi vix ex scholis novam turrim videre potuerint. Conducti aurigae pro evehendis sordibus in mense Iulio vix coeperunt evehere et effodere profundius, excitarunt horrendum foetorem. Inde auriga et famulus in loco mortui, et ex illis scholis versus plateam una et altera die 20. studiosi, Patres Societatis 9. Professores illarum scholarum, Pater Praefectus,

Pater Rector Eustachius, Pater Procurator, Pater Minister et Sacristanus vix non una die obierunt. Paulo post in civitate infectio facta, non quidem erat generalis pestis, sed quae domus infecta fuit, vix aliquis remansit vivus; decesserunt tamen circiter quingenti homines peste illa. Sollicitus de remedio Senatus tempestive contra illam pestem praescripta a medicis sub lingua venae sectio, quo citius, tanto melius; tale remedium etiam sanis fuit necessarium, hoc enim periculum praevenire potuerunt. Svaldebat Medicus alicui balneatori perfecto, ut sibi prius curaret scindi venam, quam aliis scindat, non fecit monalibus iam ex consternatione illa valetudinariis; iussu Medici Pater Confessarius curavit venas aperire. Ille perfectus balneator facto opere redeundo cecidit, et est mortuus. Funera perficiebantur publice pulsu campanarum continuo, sed Reverendissimus dominus, Claudius a Sorina, Officialis, pulsus et funera publica interdixit. Curavit igitur Senatus karas, seu currus, et extra portam Littoviensem coemeterium pro sepeliendis pestilentialibus de nocte portatores (vulgo Todtengräber) eo evehebant, et sepeliebant. Pro infectis vero illa peste aedificarunt pulchram infirmorum domum extra portam S. Blasii, et provisio commodissima ibi pro talibus ordinata; illuc omnes, qui infirmabantur peste, exportabantur, sed nemo erat, qui in illa domo supervixit.

Praemonuerat Reverendum Patrem Ercherum, primum post exitum Sveci philosophiae professorem, Pater Gvardianus paulo ante, quod ille monticulus, seu cumulus ex meris faecibus et cadaveribus pecorum, et militibus Svecicis peste mortuorum fuerit compositus, quod si Patres Societatis non curarunt, ipsorum culpa fuit.

De vulneratis Svecis sub obsidione Brunae.

Obsederat Brunam Svecus (5. Septembris 1643), et per multas hebdomas modos varios tentavit, ut eam civitatem caperet, et non potuit; reliquit Brunam, et Kremsirium versus castra movit; illos vero milites sub Bruna 300. vulneratos in curribus Olomucium ad chirurgos curandos dimisit; plerique sanati fuere praeter illos, qui seni chirurgo obvenerant ligandi, nemo ex eis sanatus. Inquisitio facta; purgavit se ille, quod forte apud ipsum aliquid de peste gustaverint, ideo non evasere;

ratio huius non est acceptata, ad carceres positus, illis pharmacis vivere coactus, qvibus utebantur vulnerati demortui, ibidem factus infirmus, dimissus, et post octo dies obiit.

De granariis.

Excepta provisione, ut supra capite ‚De provisione‘, alios proventus hostis excogitavit. Decretum factum, et per civitatem promulgatum, ut cives, qvi non habent provisionem ad tres annos, foras exirent; exiverant multi relictis omnibus suis. Iterum post aliquos menses illud decretum repetitum, pauperes cives, expectantes in dies liberationem, vel aliquam mutationem sese continebant. Adhuc tertio post annum decretum de visitatione civium et monasteriorum, ut omnes visitatoribus sese qvot personas in domibus tenuerunt hucusqve, et pro qvot annis adhuc habeant, sub iuramento praesentarent, et omnia fideliter monstrarent; si secus fecerint, omnibus privarentur, et extra civitatem eiicerentur. Qvod ut factum fuit, visitatores quidqvad ipsis placuit, de virtualibus acceperunt, et ad Prowitz-Hauß exportarunt paucis relicitis. In monasteriis autem omnibus, in domo episcopali et canonicorum frumenta omnis generis absqve numero inventa, et absqve dilatatione ad preventum eorum evehebantur.

Provisio suppellectilis.

Sub tempus visitationis monasteriorum (1644) postquam deposuerint frumenta tam in conventibus et ecclesiis, omnem mobilitatem lustrarunt, et res, in qvibus fuit signum ecclesiae vel conventus, vel personae monasterii probarunt fuisse suas, non accipiebant, sed alia omnia in curribus evehebant ad Commandantem, et visitatores, quidqvad eis placuit, inter se dividebant; qvaecunqve ex tela fuerunt: mappae, servetae, linteamina, manutergia, munda lectisternia congregaverant in singulis monasteriis ad sua loca, et facto inventario occluserant suis serris in cistis, et ubi opus fuit tam pro Commandante et maioribus Officialibus, ibi habuerunt.

De excursionibus ad arces etc. ob frumentum.

Spoliabatur qvidem ab excursionibus Svecis per totum Moravia; sed loca, arces, municiunculas, ubi se defendere

poterant, et sibi non fidebant, illa omnia praeteribant. Tempore suo Commendans Olomucensis ex aliis munitionibus, scilicet Unčovia, Eulenberg, Sternberga, Fulnecio, congregatis militibus tria, ant qvatuor millia coniunctis viribus, etiam assumptis tormentis aggrediebantur illa loca, spoliabant, et qvidqvad de frumento, et aliis victualibus Olomucium dimittebant. Erant extraordinarie qvandoqve deputati eqvites, qui scientes in Moravia et Austria, in oppidis nundinas, mercatores, et populum spoliabant, uti non semel multis spoliatis mercibus onerati, maxime ex oppidis Austriacis: Polsterdorff, Miselbach, Staatz, Ebersdorff, Walterskirchen, et aliis, qvae se ad Danubium extendunt, et domum revertebantur. De aliis spoliis Commendans, et aliis maiores Officiales participarunt. Ideo de aromatibus variis, de vestibus, materiis, de tela et similibus rebus difficultas non fuit, vilissimo enim pretio vendebantur omnia.

De Reformatione regiminum.

Plenissima regimina Generalissimus in praesidio Olomucensi de bono milite reliquerat, sed inter tot annos in excursionibus, vel peste, aut aliis casibus multi peribant. Hinc Generales Witemberg et Königsmark alternatim aliquoties cum suis exercitibus non absqve proventibus cum supplemento veniebant, et regimina reformabant.

De sale et munitione inventa.

In domo illa antiquissima, vulgo Monte-Iuliana, de omni frumento multum positum fuit, et uti ad alia granaria excubiae erant positae, fures nonnisi furari cogitant; aliqui in illis excubiis sclopetarii condixerunt inde de frumento auferre. Qvadam nocte intrarunt, et saccos implendo, relicto ibi fomite, seu Lunt, inter sordes, abierunt. Ignis ex fomite profundius penetravit, granatam aliquam, pulveribus repletam, accedit, strepitum fecit, et Svecos ad rumores et timorem excitavit. Venientes eo Sveci magis deorsum foderunt, fornicem aliquem adverterunt, intus in vasis pulveres, granatas, et fomites deprehenderunt. In altera parte celarium plenum de pice fusa. Tertium celarium de partibus salis polonici; et certe non multum abundabat, de sale ipsi Sveci, vulgo balvano, et

pulveribus, iam de his ita habuerunt sufficientes pulvres, et provisionem de sale. Fit inquisitio, fures proditi poenas suas luere debuerunt, tres ad virgas, vulgo Spiss-ruthen, currere, tres ad mortem damnati. Illa celaria, et ea, qvae in celariis inventa, a tempore immemorabili nulli unqvm nota fuere.

Thesauri reperti.

Centum ferme currus ante adventum Sveci evecti Olo-mucio et ab illis spoliati vide sub Cap. ,Expediuntur thesauri‘. Revera in illa confusione, qvasi mente capti, sine consignatione qvidqvad habebant, ad currus proiiciebant, nec illos currus comitabantur. Praeter haec, ubi nemo sperare potuit, et ab immemorabili tempore thesauros, pocula, cingula, monilia, et ignitam pecuniam in terra, in muris, in stabulis conservata inveniebantur; habebant aliquas virgulas, ubi inclinabantur, certus thesaurus fuit; unde concludebant tam opulentam qvondam et divitem fuisse civitatem.

De domibus D. D. Canonicorum desertis.

Vix aliquis crederet, qvam multa et preciosa mobilia in domibus Canonicorum fuere, et post discessum eorum Sveci non multo forte tempore se mansuros Olomucii promittebant, ideo parum ea curabant, a vilissimis hominibus Svecis, et non Svecis (qvivis veniebat, rapiebat) ab omnibus spoliabantur domus; de vinis preciosis celaria plena. Et̄si aliqui remanserunt, domus curam habentes, larga manus eorum fuit erga omnes, aperuerunt celaria, qvicunque voluit, hausit. Aliqua de singulari mobilitate exportare, et in ecclesiis, aut monasteriis observare studuit sed gratis, qvia ubique excubiae erant positae, et si aliqua exportata in visitatione inventa, omnia hostis erant. In domibus itaque spoliatis, et desertis nemo habitare ausus est (anno 1644). A quibusdam Reverendissimis Pater Paulinus reqvisitus, ut aliquo modo inspectionem domorum haberet; modum invenit talem: ex pauperioribus, qvi remanserant in civitate, maxime sartores, sutores, hortulanos, coquos et alios, qvi essent usui Commandantis, vel Officialium, instruxit, qvi se familiae Officialium accommodarent, et servirent; notitia jam habita ab Officialibus Pater Gvardianus ipsos pro Inspectoribus

domorum recommendabat, intuitu servitii (ex iam notis), omnibus facta fuit gratia, factum. Postea, omnes domus proximiores Conventui S. Iacobi suos Inspectores habebant. Cum illis Pater Gvardianus, dum domus aliquam ruinam minabantur, quantum licuit fulera, et columnas supposuerat, caeterae domus absqve Inspectoribus corruerunt.

De fratre vulnerato.

Qvidam Frater, Bonaventura Hammerstain, Ord. nostri professus Laicus de Colonia, religiosus optimus pro collectione eleemosynae designatus. Aveniente Sveco ab uno Colonello eqvitum, qvi erat frater ejus, agnitus male habuit, qvod suus Frater germanus mendicaret. Vocato ad se Patre Gvardiano cum ipso contraxit, eandem eleemosynam Conventui dare velle, qvam Frater colligeret, si ille qvotidie apud se in prandio et coena maneret; qvoties ergo pro fratre misit, semper eundem habuit. Contigit semel in coena aliquando invitatum, ipsum in eqvo ad Conventum dimittere instituit. Vix ascendit in eqvum, et domo egreditur, unus ex adstantibus Officialibus generosum eqvum terruit, fratrem eqvus deiecit, et ungula ferrea in capite vulneravit. Adductus ad Conventum fuit, chyrurgo commendatus, bonus frater cito sanus esse desideravit, bis et ter una vice ligari voluit, emplastrum saepe mutatum, et vix calefactum, inde vulnus inflammatum, febre maligna ex inflammatione accidente mortuus est. O ! Deus qvantam habuimus nos persecutionem a Colonello, qvi dicebat, eo, qvod eius germanus fuerit, fuisse occisum.

De monasterio Hradiscensi ruinato.

Accepta hostis civitate sciens magno fore impedimento monasterium Praemonstratensium extra civitatem situm, ex fundamento demolliri instuit; religiosos illos, ut inde cum suis rebus abirent, mandavit. Decreto intellecto Prior cum Fratribus suis cruce assumpta, relictis omnibus, Brunam versus iter suum acceperunt. Vidimus qvindecim paria circa civitatem abeuntes.

Unus laicus ex illis Norbertinis, Frater Marcus, in saeculari habitu se resolvit in Conventu manere, et advertere, qvid

Sveci ulterius facturi? Satis multo tempore in Conventu, dein in civitate penes Capucinos se continuit. Tandem proditus, qvod fuerit ordinis, multas molestias a Svecis subivit, ultimo abire post illos coactus est. In illo monasterio opulentissimo de omnibus frumentis et vinis variis celaria plena, nec non victualibus Sveci invenerunt. Mobilis domestica difficile dictu qvam magna fuit; Officiales Svecici qvidqvad volebant, accipiebant inde. Ultimo potestas omnibus et singulis data per mensem eo excurrere, et pro placito accipere. Iam totaliter spoliato monasterio etiam cryptas mortuorum Praelatorum apreuerunt, recenter sepultos habitu exuerunt, et ita incessêre. Vidi aliquos ex sclopetariis, qvi si non poterant annulos ex digitis eximere, Praelatorum digitos abscindebant cum annulis, ita se laudarunt. Veniebant plurimi nebulones ad civitatem albis et casulis induiti, maxime pueri militum Svecorum cum vexillis illius monasterii. Nihil prorsus salvavit Reverendissimus Abbas, Iacobus Godefridus, praeter thesaurum ecclesiasticum, et res maioris momenti ex sacristia, caetera remanserunt domi; confidebant forte muris et vallis, et certe se optime defendissent, si aliquva tormenta et munitionem habuissent. Spoliato plenarie monasterio (11. Iulii 1642) combustum totum fuit, campanae illae magnae dissolutae, partes inde magna cum difficultate Marcus collegit, et ad civitatem advehi curavit, a qvibus postea Commandanti non semel data fuit taxa! Ruinare oportebat omnes muros monasterii: rusticos, qvos capere poterant, cogebant adiuvare murarios. Contigit, qvod magnus murus oppressit cadendo triginta rusticos, et mortui sunt qvinque, reliqui semi-mortui remanserent, qvos posuerunt ad hospitale Sancti Spiritus curandos, etiam illi intra paucos dies mortui sunt. Qvaesivit Svecus alium modum perficiendi ruinam; fuit qvidam in civitate architectus faber lignarius, vulgo Stadt-Maister, et civis, nomine Guilielmus, de religione suspectus, hic se insinuavit apud Commandantem, si eum contentaverit, se velle facile ruinare monasterium. Facto itaqve contractu, lustravit per totum muros, et ubi advertit vel minimum extra lineam murariam inclinatos, assumptis 50. rusticis, in altitudinem ad unam ulnam, et latitudinem ad tres, vel qvatuo ulnas perforari murum mandavit; ille vero ad proportionem foraminum siccios ligneos truncoſ incudebat, eosqve cuneis ligneis firmabat fortiter, et consequeventer alia foramina taliter

et tam procul, quantum se longitudo muri extendebat. Perfectis his ad omnes truncos ignem apponi iussit, truncis igne consumptis, a longe Guilielmo et sociis eius aspicientibus, muri ceciderunt, et sic totum monasterium dirutum ad fundamentum, acsi ante nunquam fuisset.

De periculis pascuis.

Inter civitatem et sylvam proximam monasterii Hradissensis pro pascendis eqvis et pecoribus pascua latissima Sveci habuerunt, sed quia Scnophones (Schnaphähne) et Walachi ex illa sylva fortiter excurrentes multa pecora rapiebant, Sveci, imo consilio, sylvam illam in planitiem vertere constituerant, eam exciderunt, et lignis se sufficienter provientarunt. Ut tanto citius planities fieret, omnibus, et non tantum Svecis, licitum fuit, ex sylva de lignis mansiones facere; intra unum mensem, nec unica arbor apparuit. Hoc modo non tam facilis accessus Walachis fuit ad rapienda pecora.

De Ecclesiola dicta ad monticulum.

Postquam exsecaverint magnam sylvam Sveci, non amplius in tantum in eqvis et pecoribus patiebantur; interdum tamen, ubi Walachi poterant, et Scnophones Caesarianis nocebant. Semel abscondentes se inter rudera vastati monasterii exeuntes eqvos et pecora ad prata ad ducentas partes rapuerunt, et excubias, seu pastores trucidarunt; erant illa unius Colonelli Calvini, qui in Conventu Carthusianorum habitaverat. Sciens, quod Walachi et Scnophones ad ecclesiolum B. M. Virginis saepius conveniant, assumpsit duas companias Dragonorum, et aliquos e medio Svecorum Walachos praticos, totus furiosus perrexit ad monticulum, sed neminem deprehendit, ecclesiolum illam combussit, et devastavit. Deo permittente malus spiritus eum possedit, et in civitate eodem momento uxorem et liberos eius. Existens ille in magnis cruciatibus oravit, et vovit se Catholicum futurum, et illam ecclesiam reaedificare de novo, et dotare promisit; nihil iuvit, simul cum uxore, et liberis periit, et sunt sepulti simul in coemeterio ad Sanctum Petrum.

De obsesso uno Capitaneo.

Qvidam Capitaneus cum copiis militum eqvitum ex ordinatione Commandantis ad spoliandum Lypnicium expeditus fuerat; cives imprimis se defendere coeperunt, sed non erant sufficientes pro defensione, libere hostem miserunt, qvi civitatem et templum spoliavit. Perierunt aliqui ibi, maxime unus ex insignioribus Officialibus, qvem et tulerunt secum. Una nempe foemina in illa defensione ex muro civitatis magnum lapidem deiecit, et ad caput eius tetigit, et statim mortuus est. Ille capitaneus inter reliqua spolia ex ecclesia Lypnicensi unum pluviale ex pretiosa materia secum tulit, vestes sibi inde fieri mandavit et praesentibus omnibus eas induit; et ecce, malus Genius ipsum mox trucidavit. Ferriti hostes miraculis his res ad cultum divinum oblatas non amplius auferebant. Aliqui in conscientia tacti, maxime foeminae, licet in aliis locis ablata sustulerint, aliquibus ecclesiis Olomucii offerebant. Ex hoc motivo consilio bellico ordinati duo Capitanei Catholici, ut ipsi adiuncto Patre Paulino ecclesiam Cathedralem intrarent, sub insultu mobilem ecclesiae per ecclesiam et ambitum dispersam colligerent, et in tuto conservarent, in tempore suo illi ecclesiae restituendam, uti ad sacristiam Sanctae Clarae erant omnia deposita.


De Walachis.

Ex districtu Hochwaldensi (anno 1643), et circumiacentibus dominiis Capituli Olomucensis magnus haereticus et filius eius Kowarz, seu Schmidt, ad trecentos ex iuventute haeretica selectissima collegit, qvi, muniti suis Czeschincis et securibus, venerunt ad Svecos pro servitio; ad civitatem qvidem intromissi, non tamen cito dabatur eis fides, absqve quartirii in foro tribus diebus resolutionem expectarunt. Est hinc duobus milliaribus pagus inter montes, Hlubučko nominatus, ubi omnes Walachi morantur, ad qvos ex locis circumiacentibus rustici, et nobiles omnia sua exportarunt, inter petras sese lignis munierunt. A Svecis facto consilio, et resolutione accepta, dictum est eis: ,probetis vestram fidelitatem, qvidqvad acquisieritis, omnia vestra erunt, dein locum et gratiam inter Svecos habituri; pugnate, spoliate et comburite'; addidit eis Commendans unam companiam Musqueteriorum, et aliquos Officiales.

Walachi se obtulerunt, et ex parte, ubi minime sperabatur, pagum aggressi spoliarunt et combusserunt, et parta victoria cum magna praeda redeuntes securi, Bistricii, et in confinibus sylvarum Caesariani absconditi, eos ruinarunt, et praedam eriperunt, ad ducentos illorum manserunt in loco, aliqui capti fuerunt. Secunda die reditus illorum expectabatur Olomucii, sed nemo comparet; id ipsum contrastavit Commandantem prima die; post tertia die pauci redeunt ex Svecis spoliati, et vulnerati, ex Officialibus nullus; Walachi se vero collegerunt 30. numero, et comparuerunt; non laetus Commandans eos salutavit, quia una cum eis compagnia ruinata et Officiales occisi; itaque Walachis non successit, non suscepti, unusquisque per tres grossos accipientes domum redierunt.

Executio cum Walachis.

Post tres hebdomas a Sua Caesarea Maiestate illustrissimus dominus Generalis de Buchaim contra Walachos rebelles cum aliquot millibus armatorum militum ad montes Hochwaldenses expeditus fuit. Paulo post quotquot erant carnifices in Moravia, castra sequebantur, et iuxta unius cuiusque delictum iustitiam execqvebantur; multi ad palos dati, aliqui decollati, vel suspensi fuere non solum illa iuventus rebellis, sed et parentes eorum, qui erant complices, et causa rebellionis; multi a militibus et carnificibus perierunt; dicebatur, quod ultra centum viduae fuerint superstites. Primarii authores in catenis et funibus ducebantur Brunam, maxime Schmidt et filius eius, et alii plurimi; qui non poterant prae debilitate procedere, in via suspendebantur. Ultima fuit executio reliquorum Bruna, potuit aliquis ibi videre tot ad rotas et palos datos, et multa capita decollatorum in patibulo. Ad instantiam aliquorum Reverendissimorum Canonorum Olomucensium Pater Paulinus Gvadianus ad S. Iacobum de illis rebellibus Walachis lamentabilem conscripsit cantum ut incipit: Pásli Kozy Walassy. Tonus ut infra.



Pásli kozy Walaši, Pásli kozy Walaši,
 Ne dobre se jim wede, Ne dobre se jim wede,
 Pry stádě w budách sedí, Pry stádě w budách sedí,
 Rebellantow zjímali, Rebellantow zjímali,
 Newinným se dostalo, Newinným se dostalo,
 Mnohých zbili w ty časy, Mnohých zbili w ty časy,
 co zůstalo, pobrali, co zůstalo, pobrali
 Strkali je na rožny, Strkali je na rožny,
 Kolami polámali, Kolami polámali
 Měli mistři dost práce, Měli mistři dost práce.



V Romanowém Salaši, w Romanowém Salaši.
 Buchaim na ně prýjede, Buchaim na ně prýjede.
 O neštěstí newědi, o neštěstí newědi.
 Trebas všech jich neznali, Trebas všech jich neznali.
 zhynulo jich nemálo, zhynulo jich nemálo.
 a toť máte Walaši, A toť máte Walaši,
 A do Brna zahnalí, a do Brna zahnalí.
 Tento lid nepobožný, Tento lid nepobožný
 A jiných štwrcowali, a jiných štwrcowali.
 Mordujíce ty zrádce, Mordujíce ty zrádce.

Ad Romanum, Primarium Walachum, qui non svadebat rebellionem Walachis contra Imperatorem.

O! Romane, Romane	D Náš Walašský Hejtmane d.
Tys nám k tomu neradil	D S námi se o to wadil d.
Jako chasa swálwolná	D Nebylať w tom powolna d.
Že se takým nedají	D Co sú proti Císaři d.
Ku pryladu nech mají	D Co nepráwě dělají d.

Praedicta Cantilena duplicatur, ut in primo, Pásli kozy Walaši etc., ita in aliis conseqventer, uti pro Signo D possum est.

De relapsis in Moravia.

In marchionatu Moraviae a tempore immemorabili populus catholicus fuit, et vel maxime plebs devota, et simplicissima; si adhuc in aliquibus angulis aliqui Acatholici reperiebantur, vel de fide catholica suspecti, Eminentissimus dominus Cardinalis a Dietrichstein ut episcopus, et pastor bonus, ne aliquam animam perderet, advertebat et oves perditas, a via erroris ad ovile Christi congregare satagebat; solebat ille operarios bonos, et missionarios, viros integrae vitae ex Italia, ex Polonia ad vocare, parochos in locis suspectis ponere, et errantes ad fidem Catholicam convertere. Fuit tempore eius ab omnibus dioecesis tota purgata erroribus. Proh dolor! In irruptione Sveci acatholici in pluribus locis malus Genius inter bonum triticum superseminavit zizania. Plures etiam amicitias, familiaritates et fraternitates cum eis contraxerunt, haereticis se accommodaverunt, talis nimia familiaritas uno impetu eos ad se rapuit, et quodam modo dementavit, sensim eis asleverunt, et re ipsa adhaeserunt, et a fide apostatarunt. Optime ait S. Cyprianus: talium amicitiae, et sermones, conversationesque etc. non nisi mera sunt animae pernices. Negotia, quae cum haereticis necessario habenda, brevissime expedienda sunt, non secus ac canes, si de Nilo fluvio bibere volunt, obiter, et per transitum, ne subito erumpentes de Nilo crocodili eos corripient et devorent; id ipsum semper timendum inter haereticos.

De convertendis ad fidem Catholicam.

Licet non Sacerdos, episcopus Olomucensis, Serenissimus Leopoldus archidux Austriae, non in solo Olomucensi episcopatu, sed in aliis, quos tenuit, diligentissimam inspectionem habuit, et in eiusdem finem in omnibus dioecesibus praeter aliam administrationem episcopatum summae doctrinae in Spirituibus Generales Vicarios et Officiales, nec non Assessores consistorii sapientissimos, et per eos ad parochias, et locos, curam animarum habentes, non nisi viros doctissimos et vitae integrimae promovendos curavit, ita ut tandem per tempus Svecicum corruptionem, et haeresim extirpare valeret. Item ad sacros Ordines in philosophia doctores, et in theologia morali peritissimos suscipiendos decrevit, decanatus rurales propter maiorem

inspectionem in dioecesi multiplicavit, tota denique dioecesis Olomucensis haeresi purgata fuit. Ipse Eminentissimus, melius Serenissimus episcopus author fuit, qvod obstinati relictis omnibus multi exulare debuerint.

De patre qvodam Franciscano captivo.

Olim fuit Ordinis nostri Pater Franciscus Babsky natione Prutenus, Moravicae linguae gnarus et vitae perfectissimae, S^{ac}e Theologiae baccalaureus, vir magnae doctrinae. Eius opera Eminentissimus Cardinalis a Dietrichstein, episcopus Olomucensis, in convertendis haereticis per Moraviam, maxime in suis ditionibus et bonis capitularibus, utebatur; in parochiis, ubi erant obstinatissimi haeretici, parochum vel curatum agebat, et cum omnes converteret Parochianos ad alias promovebatur parochias. Recte in adventu Sveci in parochiis, duobus milliaribus Olomucio distantibus, Pencicensi et Tršicensi, agebat parochum, ibi spoliatus, et captivus ad castra Svecica adductus, a qvo adhuc rantionem 50. Imperialium extorserunt, qvam pecuniam mutuo acceptam Olomucii deponere debuit. In castris existens ex relatione alicuius ipsum fuisse insignem Concionatorem intellexit aliquis Supremus Mieletzky, natione Polonus, ipsique innotuit, illud debitum 50. Imperialium contractum solvit, et ei tres eqvos cum curru donavit, eumque ad eius locum cum salvo conductu comitari instituit. Tantam liberalitatem advertens Generalissimus in Colonello, voluit et ipse videre eum. Videns Patrem natura turpissimum, luscum, rufum, sed lepidissimum, Generalis, et multi Supremi magnam cum eo habuerunt recreationem. Inter discursus, voluit scire Generalissimus, qvomodo tot homines ad fidem converterit? at ille: sale sapientiae et verbo Dei; ad haec Generalis: qvid est sale convertere? respondit ridiculose: etiam domine, si non potui Verbo Dei, in aresto obstinatis detentis haleces salsos oportebat dare absqve potu, et sic convertebantur; cum risu accipiens Generalis ait: ,Si converteris meos Svecos, qvos in Moravia reliqui, faciam te Episcopum Sveciae, cum venero. Etsi te meus Colonellus Mieletzky non redemisset, accepisset Te pro meo Praedicatore; si ita factum, eas, tua omnia dividendas, et Te salves, non enim securus manebis, nam Sveci ut Turcae, cum aliqid accipiunt, non dimittunt.' Et fecit sic,

divendidit omnia, et cum aliquo Caesariano Supremo migravit in Bohemiam, ibi mortuus Glacii, et in conventu sui Ordinis sepultus fuit.

De contributionibus Ecclesiasticorum.

In primo ingressu hostis ad civitatem de contributionibus nulla prorsus mentio fuit; cogitabant boni Ecclesiastici, satis fuisse Svecis illis curribus et thesauris, quos spoliarunt paulo ante. Aggressi sunt post breve tempus Reverendissimum dominum Strzedele, bonorum episcopalium administratorem. Qvod si in civitate sub protectione Sveci manere velint, contribuant, et summam specificarunt. Hic omnes, qui bona temporalia tenent, convocavit: Patres Societatis, Carthusianos, Canonicos regulares, etiam in loco utriusque monasterii S. Catharinae, et S. Clarae Confessarios etc. et illis contributionem a Svecis sollicitatam exposuit; petierunt pro interim mille Imperiales; nolentes volentes summam hanc ipsis deposuerunt; hoc fuit principium, maiores summas sollicitarunt, quarum contributionum finis non erat, ut infra.

Taxae civium in quartiriis.

Omnium regiminum Officiales successive sciebant, quomodo in eorum quartiriis cives habuerint, parum vel multum, omnium rerum domini Sveci; plus dico: si familiam civis habuit, sic famulus vel famula, aut filia, imo hospes et hospita cum suis omnibus domesticis, mancipium eorum, quibus ad nutum servire cogeabantur; si adverterunt de nummis habere, vix non torturis exigebant non aliter, quam per aureos et Imperiales; hoc enim fuit commune apud Svecos, nequidem nominare florenos vel grossos, seu aliquam monetam parvam. Ditiones in suis quartiriis, praeter alia servitia, cibum, et potum ita taxarunt, quod vix non excoriaverint; noveram ego tales, quod per tot annos omni die aureum contribuere debuerint, jam pluribus in defectu omnia relinqvere, et ex civitate exulare oportebat, hoc non movit milites; post exitum quidquid remanserat consumperant, mobilem domesticam distraxerant, mensa, sedilibus, scannis pro culina utebantur, et si pars domus, etiam tota ruinam minabatur, ut caderet, iuvabant, ligna comburebant etc.

Continuatio contributionum ab Ecclesiasticis.

Augebantur contributiones post contributionem etiam mille Imperialium ut supra; vix transierunt 14. dies, duo millia petierunt, et si deposuerint, non ultra sollicitaturi, scripto se obligarunt: licet status ecclesiasticus in magnis miseriis constitutus habens scriptam assecurationem, in tantum laborabat, ut Svecis adhuc hac vice illam summam deponeret; mense integro vix elapso non stantes hostes verbis suis aliquot ex Officialibus ad dominum administratorem Strzedele (non facta mentione assecurationis) dimissi minacibus verbis tria millia violenter habere volunt, et si non intra 8. dies depositam istam qvotam habuerint, paratam iam executionem habituri. Intra illos dies omni die convocati Ecclesiastici, ubinam debeat accipere pecuniam consultabant; non expectato termino qvotidie ex consilio bellico alii et alii currebant ad dominum Strzedele, et commonefaciebant de pecunia assignata.

Concesserunt PP. Societatis pecuniam Ecclesiasticis.

Nullis mediis occurrentibus talem deponendi summam, et quum de executione assignata auditum fuit, Reverendus Pater Rector Societatis cum Patre Molitore, Convictus regente, volentes ecclesiastico statui, illa vice in extrema necessitate constituto, succurrere pecunia, haec verba coram pro consilio convocatis ecclesiasticis dixerunt: „Videmus omnes, in qua miseria sumus, et maiora expectant nos, si huic malo occurrere non poterimus; habemus, inquit, in collegio nostro unius Domini summam pecuniariam in deposito conservatam, de qua nemo scit, praeter nos duos; zelo religionis ducti, et in gratiam statui Ecclesiastico faciemus, de illa, quantum opus fuerit, concedemus, et nullum interesse per medium annum petemus; sed medio anno elapso, quinque pro cento usque ad depositionem qvotae exhibebitur nobis interesse, uniuscuiusque monasterii in bono aliquo stabili dabitur assecratio etc.; Omnia igitur votis consensus factus, et in contractu facto omnes se subscripserunt; pro termino ab hostibus facto, pecunia importunis Svecis consignata quasi ultimo, sed nunquam finis fuit.

Insatiabiles Sveci petunt contributiones.

Illa pecunia ex speciali gratia pro tanta necessitate a Patribus Societatis Iesu statui ecclesiastico concessa, et Svecis deposita, eos contentavit, sed non multo tempore. Una postea die duo Officiales ex primariis ad Reverendissimum dominum Suffraganeum Passaviensem seu Administratorem Serenissimi dimissi, qvi necessitatem militum nomine totius qvarnison ipsi proposuerunt, et pro iuvamine omni mense Ecclesiasticis duo millia Imperialium fuisse ordinata; et hoc sub poenis executionis horribilis, et electionis ex civitate. Id ipsum proponere Dominus Ecclesiasticis volens, sed uti iam pusillanimes prout qvisqve potuit, se excusavit; aliqui tamen ad continuam petitionem comparuerunt, aliqui non. Pater Gvardianus ad S. Iacobum sciens non comparuisse omnes, non venit. Reverendissimus, ut ipsum attraheret, suum Secretarium mittens eum ad se pro uno verbo invitavit, venientem cum indignatione sic allocutus fuit: ,Alii regulares tam procul manent, et vestra Reverentia hic in vicinio, et eum tam diu expectare debemus.' Respondit ille: non est, qvod propter me expectare debeant; contributiones hae non tangunt me, sed propter moniales, qvid quid pro parte illarum concluserint parum vel multum, praesentia mea eas non iuvabit. In illa autem convocatione omnes proposuerunt impossibilitatem suorum locorum, nec ad unum cruciferum se obligarunt, si Sucus etiam scripto finem contributionum semel posuit, non servet illam, et verbum teneat, et taliter finita illa sessio fuit. Habuit in consuetudine Reverendissimus finita sessione post prandium, maxime penes discursum, Ecclesiasticis haustum vini qvandoque propinare; tunc advertit haud dubie aliquomodo Patrem Paulinum fuisse turbatum, et ei loquitur amicabiliter sic: Pater Guardiane qvid dicit vester catus? (fuit enim tormentum magnum in Conventu sic vocatum) respondit: catus murmurat; qvid murmurat? respondit: contra eos, qui iniqvis hosti tradiderunt conditionibus civitatem. Sed administrator se in traditione subscriperat; sat malo hoc verbum accepit animo, imo totus consternatus et confusus est, et non salutatos reliquit abire omnes; ab illa die nunquam Patrem Paulinum ad se vocavit, nec ei confitebatur amplius; et revera Patri Gvardiano fecit Reverendissimum dominum Stržedele ille catus malus inimicum.

In executione Reverendissimus dominus Administrator mortuus.

Status Ecclesiasticus ultra possibilitatem nihil contribuere potuit, et Sveci sine intermissione pro pecunia ad Reverendissimum currunt, ab ipso resolutionem instanter petunt. Benignissime qvoad potuit assecurationem de non contribuendo amplius ab ipsis Ecclesiastico statui datam eis monstravit, et discretionem Christianam petiit, ast haec non iuverunt. Eadem hora executio unius vexilli peditum ultra centum dimittitur, medietas ad domum Decanalem, in qva Reverendissimum Dominum Minutini ex vulnere lethali infirmantem impentes, vix non cum lecto furiose accipientes, eum ad alium Reverendissimum Administratorem Stržedele, traxerunt, utrumqve post unam mensam ad domum posuerunt episcopalem, non expectatis clavibus per palatia currebant, portas perfringebant, spoliabant. Alii perfractis portis ad celaria vina cum vasculis, ollis, pileis exportantes praesentibus dominis hauriebant; aliis horis alternativim compagniae aliae et aliae per duos dies et unam noctem, qvales poterant excogitare neqvitas, potationes, saltationes tympanis tubis ad aures Dominorum, carthi folia etc. exercebant. Altera die autem circa vesperum tam crudelem executionem Reverendissimus dominus Stržedele administrator, et eius natura sufferre non potuit, post illam mensam in delirium cecidit, et mortuus est. Dominus Commandans de obitu eius informatus, executores revocavit, et alium Reverendissimum decanum et suffraganeum ad domum eius residentiae reduci demandavit.

De sepultura Reverendissimi domini Suffraganei Administratoris.

Defuncto in executione Reverendissimo domino Suffraganeo Passaviensi Administratore Serenissimi, Reverendissimus dominus Suffraganeus decanus Olomucensis ex vulnere magno a Svecis accepto simul ex illa tremenda mortificatione in executione quasi semi-mortuus de sepultura alterius tantum fuit sollicitissimus. Patrem Paulinum Gvardianum ad S. Iacobum, ut iuvaret in illo funere, reqvisivit. Voluit tanti viri fieri funus uti episcopi decentissimum. Pater Gvardianus nomine eius omnes, qui adfuerunt Olomucii, Ecclesiasticos, omnes regulares,

et qvaecunqve adhuc erant Olomucii, tribus, et Senatum invitavit. Nunquam videntes Sveci sepulturam episcopi, stupebant omnes, et aliqui fleverunt etiam maiores Officiales scientes tali casu mortuum fuisse episcopum, revera gemitus, et fletus foeminarum maxime Svecarum, impleverant plateas, tam in processione qvam in exeqliis; plena fuit ecclesia cathedralis populo. Tempore missae omnes ferme Officiales ad offertorium iverunt. Primo Commandans, Colonelli et alii Officiales confundebant semet ipsos, qvod in executione crudeli martyrizarunt innocentem episcopum; ut scio, Generalis Wittemberg non laudavit hoc Commandanti, et aliis, qvi fuerunt authores; non cessarunt adhuc sepulso administratore a tali executione, et si non poterant amplius, electi ex civitate.

Extorquent a remanentibus pecuniam.

Post obitum Reverendissimi Stržedele laborarunt Sveci de alio Ecclesiasticorum capite, ut per eum adhuc sollicitarent pecuniam. Fuit Reverendissimus dominus Minutini primarius inter omnes Praelatos cathedralis ecclesiae, sed in fuga sub irruptione hostis omnium spoliatus, et lethaliter vulneratus, et a Generalissimo Dorstenson cum salva qvardia suae ecclesiae restitutus, at ab omnibus oneribus exemptus. Non ab ipso directe, sed per ipsum pro exactionibus ab aliis constitutus, licet pro huiusmodi onere ineptus tanquam infirmus coactus fuit, qui sciens ecclesiasticos exhaustos pro ipsis totum frumentum, et qvidqvad in decanatu habuit, hosti consignavit; ab eo omnia acceptat, sed impossibilitas eum non excusavit. Existens in illa executione, in qua nec unus, nec alter securus de vita fuit, maxime dominus Administrator videns se debilem esse, ubi suam substantiam habuit, Reverendissimo domino decano coneredidit; de loco vero illo nemo praeter ipsum solum sciebat. Convocatis igitur Regularibus, de modo adhuc contribuendo eos allocutus. Reete ad propositum duo ex regularibus ecclesiasticis ad eum: ,cum iam status ecclesiasticus tot millia deposuerit de modo contribuendi desperatur; est remedium unicum, Reverendissime Domine, adhuc, si de thesauro Reverendissimi domini Stržedele Reverendissimus dominus aliquid, de qvo, ubi iaceat, bene scit, nobis concederet, omnes nos scripto assecurabimus, et post liberationem fideliter restituemus'. Verbis illis Reveren-

dissimus dominus decanus turbatus surrexit, et abivit, et nihil conclusum est.

Protestatio contra duos Patres.

Abeuntibus religiosis, duos ex illis Reverendissimus dominus decanus Reverendum Patrem Priorem Dominicanorum, et Patrem Gvrdianum ad Stm Iacobum curavit vocari ad se, eisqve recensuit: cogitavi, inquit, nullum alium scivisse de thesauro pie defuncti Stržedele praster me, et iam sciunt isti. Protestor igitur, si foret in rebus illis aliquod damnum, vel proditio, istis Patribus adscribam. Thesaurum svadebam ei pro maiori securitate ad locum alium mouere, qvi thesaurus conservatus intactus, et eis, ad qvos spectabat, cum tempore est restitutus amicis.

Adhuc convocatio Patrum religiosorum propter pecuniam.

Propter furiosam hostis instantiam secunda die Reverendissimus dominus decanus convocatis regularibus reassumere debuit consilium, qvibus summam a consilio bellico scripto porrectam legendam mandavit. Conceptu Reverendi Patris Molitoris Societatis Iesu inter regulares proportionaliter divisa, qvam eis distribuendo sic allocutus est: Optimum notum omnibus, qvod Patres mendicantes ex puris eleemosynis vivant, et ad contributiones non teneantur; sed et ipsi advertunt, qvaliter omnes exhausti sumus, et qvam magna debita pro exactionibus contraximus, accipere dignentur has qvotas, et cum illis Com mendantem, et consilium bellicum accedant, certe si remissionem imploraverint de nostris qvotis, nos qvoque erimus solliciti, hoc modo non parum iuvabunt nos. Qvotqvot ex mendicantibus erant, ut puta Dominicanis., S. Francisci Min. Convent., PP. Ber nardinis et Capucinis, nihil ad haec responderunt, sed omnes salutato domino decano abiverunt.

Pater Gvrdianus a S. Iacobo ivit ad Generalissimum.

Advenerunt secundo Sveci cum magno exercitu suo, et partes circa Danubium in Austria et Moravia pertranseundo spoliavit arces aliquas, et munitiones occupavit, suoqve milite munivit; Brunam usqve veniens eam per qvatuor menses ob

sidendo nihil effecit, imo cum magno damno recedere debuit. Movit castra Kremsirium versus, qvam civitatem occupare vio-
 lenter cupiens, habuit una, vel altera die resistantiam, cepit
 25. Iunii 308 machinarum globis partem conterrere sat magnam,
 sed vi maiorum tormentorum murum perfregit die 26. Iunii
 (1643); et ecce! dum ad assultum civitatis admittitur miles
 Svecicus, ipsimet Kremsirienses in aliquot partibus civitatis
 ignem imponentes, plus nocuerunt incendio magno, qvam hostis
 spoliis. Multi homines, maxime Iudaei, qui se abscondebant
 in celariis, suffocati, et aliqui igne consumpti. Multa millia
 hominum ex locis circumiacentibus se receperant ad civitatem,
 qvi ob magnum incendium ex civitate aufugientes resolute ad
 Generalissimum pro gratia recurrerunt, qvos sub protectionem
 accipiens eis salvum conductum ad tria milliaria dedit. Ipsa
 die a civitate illa uno milliari intra oppida Kojetinium et
 Towacovium castra Svecica posita, et per unum mensem ibidem
 totus exercitus qviescebat. Non obscure advertit Pater Paulinus
 nonnisi duo milliaria distare Olomucio castra Svecica; habens
 sibi pro contributione assignatos 60. Imperiales, et impetrata
 licentia in scriptis, seu passo a domino Commandante, cogitavit
 consultius a capite ipso Generalissimo remissionem qvotae
 petere, qvam ab aliis. Accipiens Fratrem Steiner laicum pro
 socio multas generales excubias pertranseuntes ad ipsum Gene-
 ralissimum ad castra pervenerunt, qvos videns a longe stantes
 ad se vocavit, et humanissime exceptit, et dato quartirio apud
 Officiales catholicos ad prandium et coenam duobus diebus in-
 vitavit, et causam adventus intellexit, et sat benevole expedivit.
 Generalissimo igitur sic expositum, qvod Ecclesiastici, qvi bona
 temporalia habent ita sint exhausti, qvod amplius contribuere ne-
 queant; si aeque mendicantes, et alii sub protectione Commen-
 dantis esse cupiunt, et eo modo, qvo possunt, alios iuvent, et
 sic qvotas inter se divisorunt, qvod si non haberent, impetrant
 sibi donari eas. Ad hoc respondit subridendo Generalis: 'Est
 astutus Paykul Commendans, scit bene vos esse mendicantes,
 non eius conceptus iste, et me tetigit etc. Maneatis pacifice,
 et non intromisceatis vos ad alia, qvae sunt non professionis
 vestrae, Commendans non pellet vos, si ipsi volueritis, aperiet
 vobis civitatem.' Scripsit propria manu aliqua verba Commen-
 danti, et eos cum bona satisfactione ex castis dimisit optime
 in valedictione tractando.

De reditu a Generalissimo ex castris.

In reditu ex castris (1643) necessario apud Commandantem sistere, et schedam Generalissimi eidem consignare oportebat. Laudavit dominus Commendans, qvod se Gvardianus ita resloverit. Ego, inquit, et totum qvarnison, ubi contributio[n]es qvaerere debemus, scimus, sed de mendicantibus nulla unq[ue] fuit mentio. Reverendissimus dominus decanus, ubi sit Pater Gvardianus ad S. Iacobum, non tam cito potuit rescire, et cum ex castris rediit, omnia ipsi relata sunt. Hoc scientes Patrum Bernardinorum, et Capucinorum Gvardiani etiam ad castra perrexerunt, et a Generalissimo id ipsum obtinuerunt. Ab illo tempore ad huius modi sessiones mendicantes nunq[ue] vocati fuere.

De obitu Reverendissimi domini decani.

Natura debilissimus dominus Sigismundus Minutini, decanus, primus Praelatus cathedralis ecclesiae Olomucensis, et Suffraganeus, ex vulnere in fuga accepto, et in execuzione nimis mortificatus, ac semper valetudinarius, qvem qvidam Iustus nomine, Svecus constabel, ebrius una nocte invaserat, pecuniam apud ipsum extorquere volens, in lecto occidere cogitavit, uti ei unum digitum amputavit, et si boni domini puer non supervenisset, eum occidisset. Ab illa hora ad mortem infirmus, optime dispositus obiit, et cum debit[us] caeremoniis ut episcopus est sepultus.

De castris Caesarianis.

Non ferens sua Maiestas amplius damna a Svecis in excursionibus per Austriam et totam Moraviam facta, militem colligere et huic malo occurrendo, castra prope Olomucium ponere mandavit (1644). Et recte; quadrante milliaris loco a civitate distante post pagum Schnobolin e regione Olomucii castra illa posita, vallis cincta, et propugnaculis, tormentis, et sufficiente munitione provisa, poterant inde advertere ex monticulo, et omnes eentes videre et egredi hostem et ei occurrere. Fiebant ex illo tempore freqventissima certamina ex utraq[ue] parte, luseruntq[ue] sat diu Caesariani cum Svecis ante formalem

obsidionem. Intra illud tempus faciebant sibi propiorem accessum ad moenia, aquam acceperunt, et alio diverterunt; ista fuit magna afflictio Svecis, licet molas vulgo Rossmühl, et alias manuales sibi aedificaverint, sed illae pro tantis frumentis, et magno populo minime erant sufficientes. Post aversionem fluvii, Morava dicti, e profundissimis fossis aqua non defluxerat; in una profunditate inventus est unus piscis tam magnus, quod trecentas libras ponderaverit. Supponebatur illum pisces ibi ab aliquot annis mansisse, quia nunquam a piscatoribus civitatis visus fuit.

Fabricatur modus recuperandi civitatem.

Exulantibus Praelatis et Canonicis ecclesiae cathedralis, commendata ecclesia Reverendo Patri, Michaëli, Patrum Bernardinorum lectori, natione Pomerano, et Patri Paulino ad S. Jacobum Gvardiano, ubi unus ad S. Wenceslaum germanice, et alter ad S. Annam bohemice conciones, et alia perficiebant. Defuncto Reverendissimo decano pro meliori inspectione Patri Pomerano in decanatu prope ecclesiam habitare oportebat. Illa occasione Pater Michaël Pomer cum suis patriotis acatholicis magnam contraxerat notitiam, et tam magnam, quod illos ad suam partem attraxerit, eosque sua humanitate et polycismo ipsum Commandantem, et Supremos devincere ita potuit, quod conversatione sincere eum adamaverint, et consilia arcana aperuerint. Deficiebant nominato Patri vitae alimoniae, cui etiam egressus ex civitate ad castra Caesariana pro eleemosyna mendicanda concessus est, hac nihilominus conditione, quid agatur ibi, vel quid molliatur contra Svecos, ut perscrutaretur, eisque fideliter communicaret in reditu; practicavit utique, ut promiserat, sed non pro, sed contra Svecos, ut infra.

Insultus primus.

Fabricato stratagemate Pater Pomer in castris Caesarianis vina optima pro tractatione Svecorum attulerat et sub convivio eis communicavit (1644), quia die, quia hora, et quia parte aggredi civitatem constituerint. Tam egregie eos decipere potuit, quod omnes thesauros conservandos ad manus proprias ei consignaverint. Loco igitur, die, et hora, quam Pater praedixerat,

post templum S^{ti} Blasii fortiter Caesariani aggressi sunt civitatem, et diu ultra sex horas illam partem Sveci defendere, et advocatis militibus pro succursu ex praeturbo, preedhradi dicto, minime timentes, quid futurum, excubias plane deseruerunt. Interea Pater Pomer cum Caesarianis, ut conclusum est, apertis locis ad decanatum, et domum episcopalem militem domini Zusa intromisit; salvam quardiam, ubi erant primo Caesariani, trucidarunt, passumque plenarie aperuerunt, equitatui, qui erant ultra duo millia extra portam. Si eis portam aperuissent, domini Colonelli Zusae milites civitatem intrassent, sed eo quod commendam dominus Zusa non habuerit (praeter ea loca, ubi iam fuit) ultra noluit praesumere, nisi cum illo, qui eum secundare debuit, et non fecit. Ipsius culpa, non Colonelli Zusae, si in ipso fuisset, civitatem absque ullo damno certo accepisset.

Item in domum decanalem et simul episcopalem intromissi Caesariani.

Peroptima dispositio fuit domini Colonelli a suis, cuius conceptu, ipsiusque regiminis milites uno vespere, et una hora utramque domum decanalem et episcopalem occuparunt Caesariani. Nihil iam defuit, nisi portae civitatis ab intus serras frangere, prout fabri serrarii ad portas in domunculis cum suis malleis expectarunt; porta aperta eqvites intromissi coniunctim cum militibus utriusque domus decanalnis et episcopalnis nemine resistente civitatem intrassent; sed Colonellus praemisso suo milite absque causa in locis ruinatis monasterii Hradicensis sese detinens, eos non associavit, et illo absente nemo quidquam incipere ausus est. Maledicta invidia! confusionem in hoc genere expectavit, et tanti periculosi negotii, effusionis sangvinis effectum vidit, ut inferius scriptum.

De conflictu Svecorum cum Caesarianis.

Tam diu insultum illum ad muros S. Blasii periculosum, et maximo damno tenuerunt Caesariani ante median noctem usque ad horam nonam antemeridianam de industria factum, intra enim tot horas aliquem eventum ex parte alia civitatis expectantes, sed nihil auditum fuit, et debilitatos Caesarianos cessare oportebat. Victores Sveci pulsis Caesarianis ad suas

postas redeuntes, dominus Guilielmus Major, cuius inspectio se extendebat ab ecclesia cathedrali ad collegium Societatis circa muros et portas, ad suos districtus redeundo cum suo regimine portam ad domum episcopalem fortiter oclusam deprehendit; qvaerit, quid sit? resolute respondentes supra interrogati: Gut Kayserisch. Consternatus Major ad pugnam se cum suo milite praeparando Commandantem de hoste certiore reddidit; quanto citius ex civitate confluunt, portas ad domum episcopalem perfringunt, paratissimi Caesariani cum Svecis domo egressi ad pugnam, sed succursus non adfuit, et Sveci fortissimi praeter unum locum tenentem Colonelli, qui se in camino absconderat; omnes Caesariani caesi etiam ex Svecis vix non tot interfecti, maxime egregii Officiales. Ipse Guilielmus Major bis globo traiectus, et hasta per medium perfossus, non tamen mortuus, qvi se portari curavit ad Conventum S. Iacobi, ubi suam uxorem asservaverat. Interfecti Svecici Officiales portati ad S. Iacobum. Supremus Major Guilielmus de die et hora a Patre Pomero bene sciens, qvo aggredi Caesariani civitatem insti-tuerant, petiti a Patre Gvardiano ad S. Iacobum suam uxorem, et liberos in sacristia conservari, ideo vulneratus eo se portari curavit, prout et alii Officiales eius regiminis interficti, in Refectorio ibidem depositi fuere. Occluso loco, quo venerant ad domum episcopalem, Commandans, et alii advenientes Supremi visitarunt occisos, chyrurgos, et praedicantios advocaverunt, semi-mortuos ligaverunt, et Praedicantii ad mortem disposuerunt. Non venit hora media, iterum aliud periculum, larmo, confusio etc. Commandans cum Officialibus habentes ante monasterium adhuc stantes eqvos, ascendentes cito ad arma, hostis se insinuavit iterum in domo decanalii.

Caesariani in Decanatu.

Supremus dominus Ludovicus Zusa in decanatu secundantem expectavit, licet bene viderit, qvod eum fortuna iuvet, et habens bene armis instructos suos milites et paratissimos ad pugnandum in fenestris domus decanalil, et muris, ac turri penes S. Annam, ubi erant a Svecis pulveres tormentarii, et aliquva tormenta ante decanatum onerata, ultra suam commendam nihil incipere voluit. A Patre Michaële Pomero, et Cirkendorff senatore, et aliis, qvi se cum illo incluserant, admonitus, et

rogatus, qvod victoria piae manibus sit, et totum praebium (Vorburg) evacuat, non iuvabat consilium. Item videns ad oculum pugnam cum Svecis ex domo episcopali Caesarianorum, nihil omnino dicens non fuisse suae authoritatis, et ordinantiae, licet ego, et omnes perierint, potuit bene super ordinantia dispensare re sic nata: qvia figulus figulum odio habuit. Ipsemet Commendans cum suis Supremis videns in loco excelso hostem armatum, et tormenta piae manibus, accedere non fuit ausus. Tota nocte cum omnibus fatigatus iam desperabat, et sub monte ante Decanatum convocatis omnibus Officialibus de accordo practicare incepit omnibus ferme consentientibus; solus Valentinus Windter votum dare noluit, et sine omni mora (facta protestatione) tanto citius ad civitatem currebat, convocatisque civibus in Beraithschafft stantibus, Lauffgraben fodere mandavit. Milites sui regiminis animavit, et ipse sub muris decanatus aliquot tormenta applicuit, murum, et portam fregit. Stuck-Capitain cum suis Constabilis ex altera parte granatas, et coronas piceas ad tectum decanatus iniecerant, inde incendium in decanatu exortum, loca, qvibus intraverunt, obruta, et si paulo ante ipse Zusa, Pater Pomer, Zirkendorff et alii ex civibus fugam non dedissent, periissent, uti nemo prorsus ex aliis militibus aufugere potuit, ex muro extra civitatem saltantes colla, manus, et pedes frangebant. Ruinatis Caesarianis aperta porta civitatis, Svecici egressi fugientes subseqvebantur, eos interficiebant, cadentes ex muris adhuc viventes occidebant. Ille vero, qvi secundare debuit, primum se movere in succursum voluit, sed iam fuit tarde pro obsequio illo praestando.

Redit Commendans ad S. Iacobum.

Finita illa tragoedia, reversus Commendans Georgius Paikul cum aliis ad interfertos, mysterium et practicam Patris Pomeri intellexit, qvi totus rabidus refectorium intravit, stantem Gvardianum apud interfertos, et vulneratos evaginato gladio eum occidere intendebat, sed ille ictum declinavit. Hoc videns Major Guilielmus lethaliter vulneratus, quantum potuit exclamavit, fuisse innoxium, et qvod ejus uxorem, et liberos conservaverit. Majore igitur annuente ex sacristia adduxit eam ad virum plorantem, paululum Commendans fatigatus, alioquin

Gvrdianum in illa prima furia mactasset. Inde ille aliam inspectionem ab illa die ad statum ecclesiasticum habuit, maxime ad S. Francisci ordinis religiosos, qvi coloris Patris Michaëlis Pomeri fuère. Qvantam persecutionem hi passi sunt, inferius patebit. Bonum fuisse Patri Pomero penes suam professionem manere, qvam se ad tanta negotia immiscere periculosisima, ipse aufugit, et superstites experiebantur.

Sepulti Officiales interficti.

Ubi interficti sepeliendi sint, inter Svecos consilium factum, et conclusum a Commendante, ubi iacent, ibi sepeliri eos mandavit. Vespidiones venerunt, et sibi ecclesiam S. Iacobi aperiri volunt. Nolens Pater Gvrdianus, Commendans misit, ut non aliter fiat, nisi ut non alibi sepeliri debeant. Gvrdianus tamen nec claves dare voluit, et qvod nemo unquam Saecularium sepeliatur in parvo tempello, et illos maxime haereticos nullatenus sepelire consensit, nisi forte violenter, de hoc Gvrdianus suis Superioribus enarrabit, et tales cum tempore effodientur, et ex ecclesia eiici debebunt. Audita huiusmodi Commendans resolutione cum magna indignatione currus misit, et ad S. Blasium, ubi Sveci habebant ordinariam sepulturam, illi interficti sepulti fuerunt.

Colliguntur per plateas alii interficti.

Post illum conflictum cum Caesarianis mixti Svecici milites occisi per plateas usqve ad turrim novam ad diem tertiam iacebant inseptuli. Propter magnum foetorem imperavit Commendans senatui civitatis, ut collectos interfictos in coemeterio Sancti Petri sepelirent. Omnes igitur per praeurbium in carris industria fabricatis ad unum cumulum, exceptis illis, qvi post moenia in fuga trucidati erant, qvia ibi sunt sepulti. Fossa interea magna pro omnibus praeparata fuit recte inter domum Mercurianam et templum Sancti Petri post portam in coemeterio, via, qva ad S. Iacobum itur. Erat ibi in columna ecclesiae S. Petri excissus numerus interfectorum et ibi sepultorum in lapide, et dies, et annus, sed qvia lapi-cida illiteratus erravit, totum deletum cum tempore.

Selegerunt Commissarii Caesariani officiales suos.

Ante sepulturam a Generali Caesarianorum ex castris duo tubicines ad Commandantem fuerant ablegati, qui Officiales Caesarianos petierunt videre, et ad castra exportare, ibique sepeliri; id, quod petierunt, impetrarunt. Absque mora Commissarii deputati intromissi ad spoliatos, et nudos in cumulo: quos poterant tamen agnoscere, eos ad partem deposuerunt. Omnes illos noviter albis indusiis indutos, Pater Gvardianus ad templum S. Petri servavit, mane autem cum curru ab extra venientes evexerunt, et in templo Schnobolinensi sepulti fuere.

De sepultura trucidatorum.

Apparebat ex certis signis, cruculis, Agnus Dei, et rosa-riis illos fuisse Catholicos, et qui signa huiusmodi non habuerunt, certe Sveci fuere. Hinc Patri Paulino Gvardiano tanquam parocho ad S. Petrum pro tempore intuitu Catholicorum consultum videbatur, illos interfectos in cumulum portatos, cum caeremoniis ritu Catholicis sepelire. Resolute accedens Commandantem, obtinuit consensum, et ordinarie praemisso pulsu triplici ad S. Petrum missam decantavit; ea finita ipso praesente cum ministris, et thuribulo, et aqua benedicta astantibus, per 40. et 40. in fossa sparsa terra, praemissoque psalmo: *De Profundis* aqua benedicta aspersit et thurificavit, et sic usque ad unum fuerunt sepulti. Mandavit Commendans illos occisos omnes singulari fuisse Caesarianos, cum non media pars Caesarianorum fuerit; ideo accessus foeminis Svecicis fuit interdictus, ultra tamen prohibitionem uxores interfectorum multae affuere, quae cum incredibili fletu, et magna lamentatione suorum virorum deflebant mortem turpissimam. Item post breves dies lustraverunt Sveci in decanatu loca incendio consumpta et muros collapsos, inter rudera plurimos Caesarianos milites combustos inveniebant, et aliquos non integros, meram plane massam, omnes illos in curriculis ad fossam, etiam in coemeterio Sancti Petri factam, advexerunt, et absque caeremoniis de nocte vespiliones sepelierunt.

Eiicitur Pater Gvardianus ex Conventu.

Iam apparent fructus Patris Pomeri. Qvalemcunqve apud Svecos respectum hucusqve habuerunt religiosi, vix sepulti interficti, hostis occasionem qvaerit, Patrem Paulinum Gvardianum perseqvendi. In loco constitutus vulnerati Majoris Guilielmi locum tenens Colonellus Rittefort, furiosus cum murariis veniens (1644) insalutato Gvardiano per culinam ad refectorium murum fregit, et, ut sibi Gvardianus in civitate locum qvaerat, nomine Commandantis mandavit, ne fiant peiora prioribus, nullos fossarios amplius prope muros patietur, et ex isto loco domum excubiarum, vulgo Kurdiqvardam (sic), faciet. Cogitavit Pater Gvardianus, qvod ex furia prima haec fiant. In una camera aliquot diebus mansit, nec se loco movit. In omnem eventum de loco in civitate sollicitus, habuit enim Conventus S. Iacobi a multo tempore aliquam pecuniam supra domum e regione monasterii Patrum Dominicanorum, vocata domus Pankerle, a qva census certus proveniebat Conventui et domus illa tunc (ante habens inqvilinum figulum) vacua fuit, eandem domum pro se purgari voluit; tandem Dominus Rittefort mittit, cur se non hinc expediatur? alioqvin eiicietur. Responsum habuit: Si me non eiiciet, non movebo me, qvia religionis residentia est, et causam non habet, cur me pellat; non peccavi. Per mille maledicta blasphemando cessavit, et Gvardianus remansit in loco.

Advertitur ad Religiosos.

Postqvam fuerint decepti Sveci a Patre Michaële Pomero, serio advertebant ad religiosos, qvod in suis monasteriis vix se movere potuerint. Omnis conversatio illis uno cum altero prohibita fuit, acsi se nunquam novissent monasteria, et tamdiu, donec e civitate eiicerentur. Qvando contigit in civitate aliquem infirmari, et poenitens habere voluit Confessarium, ad Commandantem mittebatur, ille vero novem Sclopetarios cum decimo Officiali ex generalibus excubiis assignabat, et semper alias, qvi armati pro Confessario ad monasterium veniebant ipsumqve ad infirmum comitabantur, et ad monasterium reducebant, et cum Venerabili nunquam publice ibant, sed qvi confessionem

exceptit, eadem occasione ex Commandantis ordinatione communicavit infirmum.

Repetunt Sveci conservata a Patre Pomer.

Taliter Pater Michaël Pomer Svecos Officiales disposituit, vel potius infascinavit, ita qvod ei suos thesauros ad conservandum dederint; qui in illo periculo ex decanatu cum caeteris aufugiens ad castra Caesariana se receperat. Laicus unus in Conventu remansit sat mortificatus. Dictum fratrem omnes illi, qui Pomer sua concrederant, data omnium rerum consignatione ad castra dimiserunt, et sua petierunt, qvod si vel minimum defuerit, monasterium devastaturi. Rediit castris laicus, et in sepulchro, aut crypta, vel sub quo lapide conservaverat, notata secum tulit, omnia reperta, et restituta eis. Et bonus Frater Didacus Sveci mancipium fuit. Hortum Conventus pro hoste colere debuit, nec uni mortalium ex horto aliquid dare ausus praeter Commandantem, et aliis cum consensu eius.

De domina Plesslin.

Fuit in praeburbo, seu in antiqua civitate Olomucensi, quaedam perfectae vitae foemina, nomine et cognomine Sabina Plesslin, vidua, quae habens filias tres et filium unum, non ita ut parentes alii carnales solent metuere, ne liberos praemittant mortuos, illa contrarium fecit. Adveniente enim hoste, videns multorum civium honestarum filiarum in propugnaculis cum militibus laborantium honestatem periclitari, et plurimas iam prostitutas fuisse, Dominum Deum continuo precabatur, quas carne mundo pepererat, et etiam in virtutibus pietateque sanctissime erudierat, et spiritu Deo pareret filias in vita, ut mortuas videret, et eas ultima sequi sibi gratulabatur. Res miserabilis! intra unum mensēm omnes tres sancte mortuae sunt, et filius Martinus paulo post ultimus; quanta laetitia optimae Matronae! mox omnia in vivis cum domo inter monasteria distribuit. Accidebat recte in praeburbo ille conflictus Svecorum cum Caesarianis, advertens illa tres Caesarianos ante ianuam suae domus quærendo refugium, declinantes, et mox interficiendos paululum portam aperuit, et attraxit, quos aliquo tempore clam servavit in celario et aluit, consequenter inventa oportunitate

salvos ad castra (non sine periculo) expedivit. Expleto igitur hoc charitatis opere infirmari coepit, et optime disposita in manibus sui Confessarii animam Deo reddidit. Post obitum eius miles, ad qvem spectabat quartarium, sperabat spolium, et nihil inventum est, cum iam tempestive omnia per monasteria distributa fuerint, et Commandans resciverat, milites Caesarianos eam diu aluisse, fuit qvoque inquisitio, ubi essent mobilia domus defunctae? dictum fuit, qvod in monasteriis, sed, in qvibus? vel, qvo? non potuit rescire. Et sic gratis fuit inquisitio.

De fuga militum.

Diversarum nationum Svecus habuit in suo exercitu homines, sed maiori ex parte germanos, qui accepto aere in populo et in terris Imperatoris contra Imperatorem pugnabant. Sed suae gentis vix tertiam partem habuit Svecus. Apparuit Olomucii, ubi fuerunt vix 50. Sveci, et non plures, ideo fugiebant, qvia erant alieni, ut plurimum capti, vel coacti servire. Volebat Commandans scire tantae fugae causam, et sat difficulter rescire potuit. Soli Officiales Catholici in consilio bellico prodierunt, et Confessariorum causam adduxerunt, quia plane omnes erant Catholici, qvi aufugiebant, qvia Confessarii eo qvod Sveco et hosti contra Imperatorem serviant, eos in confessione absolvere noluerunt, nisi fugiant; imo ipsimet Officiales suos confessarios prodiderunt; qvid tales curant sigillum confessionis?

Iuramentum petunt Sveci ab Ecclesiasticis.

Fuit qvondam dominus Paykul, Commandans Olomucensis, etiam Augustae Windelicorum pro Commandante. Habens qvoque in urbe illa Ecclesiasticos, et diversorum Ordinum religiosos, a qvibus, nolentibus se in negotia militaria immiscere, sed pacifice sub protectione Commandantis vivere, iuramentum petiit, qui cum iuramento scripto se obligaverunt. Hinc Patrem Georgium Pelinka Soc. Iesu accedendo illud scriptum iuramentum dedit legendum. Is plane iuxta tenorem Augustani iuramenti in loco Patris Rectoris, et nomine Collegii scriptum formavit, nolle se intromiscere ad negotia Svecorum, imo si qvid minimum mollieretur contra illos fideliter praecavere. Qvod maius, (non excipiendo confessiones) extensis duobus in altum digitis iuravit, literas

sigillo Collegii approbavit, et manu propria iuramentum subscripsit, et Commendanti consignavit.

Non praestant Iuramentum alii Religiosi.

Convocatis Commendans omnibus Religiosis in consessu assessorum tremendum eis dedit capitulum et non aliam causam fugae militum religiosos maxime Confessarios asseruit, Augustanorum Ecclesiasticorum iuramentum legi mandavit, si secus fecerint, in medio fori eos trucidare minabatur; pro exemplo etiam Patris Georgii Pelinka iuramentum fuit lectum. Pro responso habuit: Semel Deo, et religioni tacto pectore, non scripto, nec elevatis digitis se fecisse juramentum. Sit ut sit. Reversales, ut Augustani, vel Pater Pelinka, dare noluerunt, sed verbo ad eorum negotia se non intromiscere promiserant. Ut unus respondit, sic omnes. Recendentibus Religiosis in illo consilio bellico conclusum, omnes ex civitate eiicere, tantum solos locales superiores remansuros, uti advocata gvardia cum tympanis turpiter electi fuêre.

Pater Georgius Pelinka excusat suum Iuramentum.

Innotuit Patri Georgio Pelinka propter iuramentum hosti ab Ecclesiasticis non praestitum confuso, regulares ex civitate ejectos fuisse. Poenitentia igitur ductus ad omnes locorum Superiores veniens fassus est, se quidem iuramentum praestitisse, sed propter illum solum, non in praeiudicium aliorum, si illud, quod clam factum, et soli Commendanti cognitum, omnibus prolatum, dolebat se deceptum fuisse. Idque factum non proprio motu, sed Patri Rectori adscribebat. Non solum iuramentum de fidelitate hosti servanda, uti in hunc finem sigillum Collegii apud se relicturn, sed alia extrema pati, dummodo Collegium, pharmacopoeam et bibliothecam servet, commissum et sibi commendatum habuit. Potuit Pater Pelinka cogitare apud hostem secretum non valiturn. Si propter Collegium, pharmacopoeam et bibliothecam fecit, Collegium ex parte ruinatum, apotheca ruinata et bibliotheca ablata, et ipse electus est ex civitate.

De perspectivis, seu tubis.

Remanserat in civitate qvidam studiosus metaphysicus, qvi perfectissime tubos fabricabat, et hoc modo sibi panem lucrabatur. Multi civium curiosiores, si non poterant videre, qvid extra agatur, sub tectis ex perspectivis prospiciebant. Advertebatur ad tales, et illis tales perspectivae recipiebantur, et illi mulctabantur. Unde qvidam optimus civis aliquva occasione veniens ad S. Iacobum, qvem excubiae sub tecto ad castra Caesariana ex tubo inspicientem adverterunt, ante portam Conventus duo Sclopetarii instituti, cum egrederetur, ipsum spoliarunt, et bene concussum, ac vulneratum in solo indusio domum dimiserunt. Volebat omnino rescire Commendans, ubinam acciperentur tot perspectivae; de factore harum studioso non potuit scire, sed factum decretum, et per plateas promulgatum, qvod si deprehenderetur aliquis perspicere extra ex tubo, domus eius spoliaretur, et hospes mulctaretur et omnia conventicula civium sunt prohibita. Item occidente sole lumina sunt interdicta, casu qvo deprehenderetur lumen de nocte, fuit proximiori vigiliae licitum illam domum visitare, et illam spoliare.

Monasterium OO. SS. combustum.

Anno Domini 1643 Conventus Canonicorum Regularium ad omnes Sanctos combustus. Unus Officialis ex Svecis e regione illius monasterii quartirium habuit, is pro sua distractione in turricula superioris ecclesiae pro iaculatione metam sibi assignavit, et ex continua eiaculatione forte cartha globo inhaesit, lignum siccum accedit; vidimus turrim ardere, et subvenire et defendere voluimus. Exulantibus omnibus Canonicis totius monasterii omnes portae obserratae, et nemo fuit, qvi aperiret, sat tarde perfractis portis succurrere voluimus; interea deorsum ignis descendit, totam ecclesiam et conventum occupavit. Pro defensione populus paucus civitatis, et totus desuperatus non accurrebat, solus Commendans convocatis militibus aquam subministrabat, ecclesiam et conventum defenderunt, alteram partem versus Carthusianos adiunctis qvibusdam Pater Gvardianus ad S. Iacobum defendit. Extincto denique igne Pater Gvardianus P. Michaëli Pomer in confidentia aliqua necessaria ipsi communicavit, ut infra.

Discursus Patris Michaëlis Pomer ratione S. Monialium.

Fuit illud ad omnes Sanctos incendium paulo ante primum insultum et fugam Pomeri, qui recte illis diebus cudebat productionem, et stratagemata contra Svecos, cui ut succederent illa negotia, per totum se accommodavit eis, et intuitu gratiae, quam sibi conciliaverat, omne, quod voluit, apud Commandantem effecit. Inde per ipsum pro gratia ad Svecos omnium recursus fuit. Etiam Moniales S. Clarae propter huiusmodi favorem in necessitate innotuerant ei, et illa notitia invalescebat, quod quasi quotidiana fuerit. Procuraverat duabus Monialibus, Abbatissae, et Constantiae, duas perspectivas, seu tubos, ut ubi eas adire non poterat, ad invicem per tubos cum eis corresponderet. Capta igitur occasione Pater Gvadianus et Confessarius cum Patre Pomerio fratrene et confidenter collocutus est, eique canones et decreta pro Monialibus proposuit, et tam frequentem conversationem prohibuit; etiam a Confessario Monialium S. Catharinae similemque admonitionem acceperat; quibus taliter offensus, quod contra utriusque monasterii animum concepit, ut ubi potuit apud hostem et solum Commandantem nocuit, et contra illos omnia mala concitatavit.

Pellimur ad propugnacula.

Ut se vindicaret Michaël Pomer, varios modos quererebat; instinctu eius Commendans Patribus Confessariis Monialium, Patre Henrico, et Patre Gvadiano ad se vocatis furiose eos ad laborandum in propugnaculis cogebat, et cum iam a Sclopetaeis subordinatis sine omni respectu traherentur, qvidam Supremus, dominus Sandthoff, Colonellus peditum e medio Officialium astantium surgens cum magno clamore ad Commandantem: „quod vestro Pomerio nequam adulatori, qui vobiscum, non excipiendo dies veneris, carnes vorat, et dies bonos agit, creditis, istos pauperculos, qui famem patiuntur, ad propugnacula pellitis, etiam eat Pomer.“ Orta tunc controversia inter officiales astantes, quod ista instigatio a Pomerio venerit, probarunt, eo quod Dominicani, et Franciscani habeant pecuniam, illos ire debere, vel solvere. Defenderunt aliqui et blasphemaverunt contra Pomerum. Finita contentione aperuit portam Dominus Sandthoff, et pileolum suum ante Commandantem proiiciens

cum indignatione ait ad Religiosos: „Ite vos domum, iam videtis, qvalem commendationem apud Commandantem ab ipso Pomer habueritis.“ Abeuntibus Religiosis Patribus multa dominus Sandthoff exprobrabat contra Pomerum, qvod et Commandans sentiet, qvid sibi volunt istius monachi fabricae, et vita pessima? prolati multis verbis a Commandante cum furia magna discessit. Post breve tempus experti sunt Sveci, qvid cudebat Pomer, et appellabant dominum Sandthoff prophetam inde.

Svadet Pater Pomer transitum ad Bernardinos Monialibus.

Non successit Patri Michaëli Pomer Dominicanorum et Franciscanorum promotio ad propugnacula; ab alio incepit capite. Svasit Abbatissae ad S. Claram de translatione ad Bernardinos, et promisit administrationem diligentissimam, et ipsae, qvomodo transire deberent, dat instructionem. Abbatissa ab illo informata insciis aliis Monialibus nomine Conventus sub sigillo per ipsum Generali Bernardinorum dedit memoriale. Author tantae effusionis sangvinis a sede Apostolica Romae titularem episcopatum sibi procuravit, eademque occasione Monialium Olomucensium S. Clarae promovit negotium. Generalis non praecipitanter in his agendo Reverendissimo Patri Generali Conventualium communicavit, qvi memoriale illud remisit Patri Provinciali, tunc Admodum Reverendo Patri Magistro Ambrosio Härtl, Provincialis autem Patri Gvardiano Olomucium. Ultimo Abbatissa hoc rescivit. Tota inde confusa, suum sigillum et manum negare non potuit, cum qva aliae Virgines non contentae, qvod tanta nomine Conventus attentare prae sumpserit. Post paucos menses forte ex apprehensione obiit. Vocabatur Ursula Olomucensis annorum 43.; illa decedente nomine Admodum Reverendi Patris Magistri Ambrosii Härtl Provincialis, alia Venerabilis Virgo, Anna Oppawska, Commissaria constituta, et soluta obsidione legitime in Abbatissam electa 1650 prudentissime usqve ad mortem rexit monasterium.

De regimine monasterii Venerabilis Virginis Annae.

Soluta obsidione, Svecis iam abeuntibus anno 1650, et ex exilio redeuntibus omnibus Virginibus, Venerabilis Virgo, Anna Oppawska, Praeside Admodum Reverendo Patre Richardo

St^{ae} Theologiae doctore in Abbatissam electa. Qvae uti praecedentibus annis bis Abbatissa existens, ita etiam tertio laudabiliter monasterium gubernavit, plurimas in pietate Virgines educavit et vestivit. Hoc notatu dignum, supra nominatae Annae Virginis talis fuit pietas, qvod etiam ipsis hostibus vita sancta eius innotuerit, et licet acatholicos, in admirationem converterit et aedificaverit. Intuitu bonae Matris pace publicata Sveci scientes eius monasterii pagos, praedia, et plane omnia bona ruinata ad instar Iobi, vix non omnes ex maioribus Officialibus unus qvisqve ei obtulere vaccam, vel ovem, aut capram in subsidium. Revera illo anno et aliis subsequentibus vix non ultra naturam omnes illae faemellae tres, vel qvatuor foetus protulerunt, et semper faemellas, ita qvod ex illa donativa omnia cum tempore fuerunt pecoribus impleta praedia.

De obitu Venerabilis Virginis Abbatissae.

Senio confecta Virgo Anna Abbatissa aetatis septuaginta sex annorum, diem et horam nonam Februarii antemeridianam, illam duntaxat diem, qva fecit professionem, 14. diebus ante obitum omnibus praedixit Virginibus. Intra illud tempus sepulchrum, seu cryptam sibi novam et successoribus Virginibus in templo aedicari mandavit. Imminente mortis die supra nominata Administratorem, seu Capitaneum, Gregorium Werbasky, seniculum advocando recte in vigilia obitus sui 5. Februarii, cras hora nona, qva Christus mortuus est, suum obitum praedixit, et ut Virgines qvinquagesimum annum suae professionis celebrent, portionem multiplicari mandavit; Ego autem cum meo sponso, dante Deo, in coelo secundas primitias celebratura. Capitaneus videns non graviter infirmari, cum risu accipiendo librum Magistralem Conventus inspexit, et, ut illa dixit, 50. annorum spatium professam 6. Februarii deprehendit; circa vesperum autem pridie Confessarium advocando, cui generaliter confessa, extremam unctionem ab eo petit. Vedit ille non esse periculum in mora, ad crastinum distulit. Etiam infirmabatur aliquot mensibus una ex professis Virginibus, Catharina Thumfaldin, cui 6^{ta} die in mane oportebat extremam dare unctionem, qvae ultimo viatico SS^{ae} Communionis accepto obiit, de cuius obitu senicula Abbatissa informata, laetata vehementer dicens: a qvo aedicare inceperunt cryptam, Dominum Deum,

ne sim sola, oravi; O! qvam misericors! ecce sociam mihi ordinavit. Venit interim celebrandi hora 8^{va}, iam cum missa ex-eunte confessarium audivit, inde turbata, ne missam negligeret. Instante hora nona mortis Confessarium, ne ipsam negligrat, admoneri vult, qvi veniens cum sacro oleo eam unxit; illa vero una manu crucem, altera candelam tenens cum verbis illis: in manus tuas Domine commendo Spiritum meum, animam Deo reddidit.

Sepultura duarum S. Monialium Virginum.

Homo post mortem totus pallidus, tumidus, turpis, etc.: ita Virgo Catharina aetatis 20. annorum ante iuvenis, et pulcherrima, diu pthysi laborans, post obitum, ut aiunt homines, non fuit sibi similis; altera vero senicula ultra septuaginta in vivis; cum intueretur post mortem per alias Virgines ore aperto et oculis, ac repentina vultus mutatione horrorem astantibus iniiciens, et paulo ante obitum audiens iuniorem, ut supra Catharinam, totam mutatam etc. cum suspirio oravit: ,O Domine! si usus rationis defuerit, Tu solus os, et oculos occlude meos, ne me intuentes horribili aspectu offendam.' Res admiranda dictu: per manus, ut supra, occlusit sibi oculos et os emittendo spiritum. Eo momento astantibus omnibus mox apparuit iuvacula, pulchra, et rubicunda. Super hoc stupebant, qvod eam tam formosam nunqnam viderint, certe intuebantur vultum eius tanquam vultum alicuius Angeli. De more solito expectantur Moniales ad ecclesiam, aperto loculo per Officium manent, et ultimo sepeliantur. Fuit in funere illarum duarum populi concursus magnus, qvi defunctam ante noverant non senem, sed forma in facie speciosam, et invenem viderunt, et mirabantur dicebantque, qvod ipse Deus, cui tot annis sancte servivit, istam gratiam contulerit, et quasi miraculo adscribent. Fuerunt aliqui senes, qvi in ingressu ad religionem ipsi innotuerant, et professionem facientem viderunt tam pulchram, et iuvenem fatebantur. Concionem funebrem Pater Concionator Dominicanorum fecit, totam vitam eius innocentem depraedavat, et auditorum ad fletum magnum commovit. Ad instantiam multorum Reverendissimus dominus Vicarius Generalis et Officialis pro consolatione fidelium octo diebus non occludere defunctam in sepulchro dispensavit.

Moniales S. Clarae ex civitate dimittuntur.

Post spoliationem monasteriorum, (vide supra Caput de proventibus et granariis) paulatim in conventu S. Clarae vici tualia deficiebant, tot personas alere tam diu non erat possibile; consultum ideo videbatur, ut medietas Virginum foras dimitteretur. Accedente Commandantis consensu agebatur tantum de modo, de curribus, eqvis, etc. Fuerunt aliquorum Canonicorum currus, seu pulcherrimae rhedae aliquot, et equi optimi, in locis clam conservati, quos Domini occasione Monialium habuissent libenter in loco tuto. Iunctis igitur ad tres rhedas sex eqvis in nomine Domini, compositis suis in curribus rebus, progrediuntur. Has Virgines necessario Pater Gvardianus, adiuneto sibi socio Reverendo Patre Bacc. Raphaële Italo, Brunam usque comitari debuit. Transeuntibus illis civitatem magnus concursus in foro et omnibus plateis concurrebat, et bonas Virgines verbis ignominiosissimis, et tam dishonestis, quae hic scribere non licet, ad portam usque affiebant. Inter portas venientes omnibus rebus spoliatae; inter illa spolia, ludibria, et vexationes magis ac magis angebantur, et ubi dispositum fuit, illa die ad noctem venire Prostannam, ad vesperum usque durabat comoedia illa, et eo fine factum, ut Commendans (qui tunc non erat domi) veniret et videret eqvos, et currus splendidos; qui veniens ad eqvos aspexit dicens, esse noctem, ad monasterium redire Moniales iussit, et Patrem Gvardianum cum socio ad arestum guardiae duci, et resolutionem expectari mandavit.

Pater Gvardianus cum Socio in aresto.

Quid Commendans cum arestatis Patribus facturus speculabatur? Eqvi generosi, et rhedae splendidae coegerunt Patres in arestum poni, et Moniales redire domum; licet enim eqvi varia spurcitia defoedati erant, natura virtutem eorum occultare nesciebat; bene enim adverterunt Officiales, quales sint, cum progrederentur in curribus. Hinc Commendans vocando Patres ex aresto, non multum interrogabat, cuius sint eqvi? vel currus? cum ante a proditoribus bene resciverit, sed permisit eos ad Conventum redire, cras mane discessuros cum Virginibus. Accidit tunc res ridiculosa apud Commandantem: Pater Raphaël Italus, non amplius habens animum manendi in

Moravia, pro itinere Italianam plenarie se expedivit, ocreas novas pulchras cum calcaribus, et eqvum comparavit etc. Anteqvam eos domum dimitteret Commendans, accepit per manum Patrem Raphaelem, et interrogavit: Mi Pater! incessitne taliter Sanctus Franciscus? et astantibus Officialibus: En! Franciscanum! Vocat unum ex militibus habentem ocreas qvasi novas (sed absqve calcaribus) et sat simplices, has mutare cum ipso debuit. Item camisolam rubeam apud ipsum videns, propter eam magnum ei capitulum dedit, et si non mutaverit in suum colorem, et adverterit Svecus aliquis, exuet eum, qvia dicebat, pluribus taliter factum fuisse Franciscanis.

Dimittuntur secundo foras Moniales.

Altero mane misit milites Commendans, ut omnes illi 18. eqvi cum rhedis reducerentur ad se, et ad Moniales, ut, qvando volunt, discedant; currus pro curribus, eqvos pro eqvis mittet. Post unam igitur horam tres currus rusticani simplices, et unicuique currui tres eqvi claudi, caeci, juncti ante monasterium expectarunt. In istis curribus bonae Virgines ut anseres sederunt, et perrexerunt; fuit prohibitum tamen, et per plateas Officiales constituti, ne clamores, et scomata fierent, et in portis silentium, qvibus duo tibicines Svecici in favorem dati sunt usqve Prostannam. Vix pervenerunt ad ducentos passus versus S. Crucem haud dubie subordinata Compagnia eqvitum ipsis occurrens, utrum passum habeant? inqvisivit. Tibicines responderunt: se valere pro salvo conductu et passo; non sufficit, dicunt: stantibus in loco, unus ex tibicinibus adiunctis eqvitibus duobus ad Commendantem rediit, et qvod tres currus cum novem eqvis, et tot personis libere dimiserit, fidem tulit scriptis; non stetit in passo heri visitatas fuisse, currus visitarunt, et pergere permiserunt.

De susceptione Monialium Prostannae.

Vigilabant supra Svecos Prostannae illustrissimi domini duo Comites. Illustrissimus dominus de Tron, et Illustrissimus dominus Iohannes de Rothall cum regiminibus suis; in ipso ingressu ad civitatem illam, ipsorum milites multo maiores despectus, scomata, et ignominiosa qvaecunque faciebant, et

vix non suis Musqvetis et piccis ex curribus Virgines eiiebant. Viderunt illa omnia domini Comites, sed insolentem militem impedire non potuerunt. Si de adventu earum praescivissent, aliam instituissent salutationem; sed revera illustrissimus dominus (maxime Generalis de Tron) recompensavit tantam ignominiam eis; eas nempe in hospitio per tres dies splendidissime tractavit, et ne ipsis in aliquo desit, hospiti demandavit et omnia solvit. Tertia die vero cum magno honore in suis splendidissimis rhedis, adiuncto comitatu quinquaginta eqvitum et peditum etiam, tantum Brunam usque cum viatico quoque optimo dimissae sunt Moniales cum honore, sed rhedae Viscoviam tantum; de aliis ibidem curribus commodis ad commendationem supra nominatorum dominorum Comitum Regens Serenissimi Archi-Ducis sollicitus fuit.

Moniales Wiskoviae bene accomodatae.

Certior factus per literas illustrissimus dominus Liber Baro Sedlniczky de adventu Monialium ad noctem Wischkoviam, arcem mundari curavit, et in loco Serenissimi Archiducis episcopi eas hospitio recepit, et splendide tractavit. Tertia die dimissis duorum Comitum curribus et eqvis Prostannam, suos eqvos proprios iungi ordinavit; adhuc equivalens reqvirebatur currus.

Nuperrime Reverendissimus dominus Martinelli, Canonicus Olomucensis, obierat. Erat ille Wischkoviae natus. Is sorori suae currum cum sex eqvis ordinavit in testamento; ut tali Genecaeo, et in tanta necessitate Pater Gvardianus inserviret, eam Dominam accedendo, currum et eqvos Brunam petit usque, sed magnis precibus nihil obtinere potuit. Relatum habens apud Admodum Reverendum dominum decanum esse similem rhedam et eqvos; haud difficulter gratiam obtinuit, fuit illa rheda inter alia vasa abscondita, sed bonus Dominus omnia amoveri, quae deficiebant, reparari, similiter equos ephippiari, et currui iungi mandabit. Ipsa die, qua exiverunt, plane circa vesperum, Sveci Wischkoviam advenerunt, currum in quo needum soror Canonici sederat, et eqvos acceperunt, et totum in illa domo spoliauerunt. Et dominus Tabernator, decanus, currum, et eqvos concedendo pro necessitate salvavit. Multum nominatum dominum Decanum haec benevolentia in praetensione Canonicalis residentiae iuvare

potuit. Abeunte enim hoste omnes Canonici, qvi supervixerant, pro Capitulo vocati confluabant, et in locum mortuorum multi pro concursu concurrebant; illud bonum opus, et benevolentia, qvam exulantibus Monialibus Admodum Reverendus dominus decanus Wischkowiensis fecit, illum pro Canonico Olomucensi promovit, et qvod maius! pro residentia, et assessore Venerabilis Consistorii; et inde ex Admodum Reverendo Decano Tabernatore Reverendissimus dominus Adamus Sternfels dictus fuit.

Pozoricei Sancti-Moniales hospitio receptae sunt.

Moniales in maxima hyeme exularunt, ubi erant in Ianuario et in Februario viae pessimae; habentes currus, et recentissimos eqvos, exeuntes Wischkovia summo mane, pertingere tamen Brunam una die impossibile fuit, necessario declinare oportebat Pozoricii. In illa enim arce spectante ad celsissimum Principem de Liechtenstein optimus vir, dominus Bernardus, director eorum bonorum, primo qvidem suscipere Moniales ad arcem recusavit; sed sciens duos comites exhibuisse ipsis Prostannae gratiam, et Wischkoviae nomine Serenissimi eas accommodasse, etiam ille imminentे nocte benigne loco sui Principis eas suscepit, areem aperuit, palatia citissime mundare iussit, et in frigore calefacere, tractavitqve optime. Militibus in oppido quartiria distribuit, eisqve sufficientem per noctem provisionem ordinavit. Altera autem die, qvae fuit dies Purificationis Beatae Mariae Virginis, Brunam hora decima antemeridiana pervenerunt, audito ibi Sacro ad hospitium declinaverunt.

Brunae bene tractantur Moniales.

Existens Brunae illo tempore pro Gvardiano ad Sanctum Ioannem Admodum Reverendus Pater Magister Pancratius Kiaillius ordinaverat in domo illustrissimi domini Breüneri Monialibus hospitium; eo venientes nihil adhuc ordinatum, mox illustrissimus dominus Comes de Liechtenstein, provinciae Cappitanus, maxime illustrissima Comitissa, qvondam in monasterio ipsarum Olomucii educata, omnem benevolentiam exhibuit, palatia mundari, et calefieri praecipit, interim bonum prandium praeparatum fuit. Habita paulo post notitia de adventu Monialium Brunensis civitas, de omni provisione sollicita fuit, de

carnibus, pane, vino, farina et aliis alimentis pro culina attulerunt. Item Monasterium Monialium ad S. Iosephum, et ad S. Annam omnia, qvibus opus erat, subministrarunt. Habant qvidem optimos dies, sed non tam diu; post aliquot enim menses de adventu exercitus Svecici dictum fuit, illum non expectare videbatur. Reverendissimus dominus Karas, Praepositus et Suffraganeus Olomucensis, Virgines in suam tutelam suscipiens, tempestive per Ungariam in Silesiam cum eis migravit Oppaviam usqve. Et ibi non poterat diu morari, qvia pestem, qvae ibi incepit grassari, evitando Koslam se recipere cogebantur. Fratres locum ipsis cesserunt, et manserunt Koslae per aliquot annos usqve ad revocationem pace conclusa. Intra illos annos in exilio tres mortuae: Brunae Virgo Francisca Pilerin, ibidem ad S. Ioannem sepulta, Koslae duae, Virgo Catharina Vicaria, et Virgo Elisabetha Schwabenskin.

Pater Gvardianus Wiennam perrexit.

Facta dispositione pro sororibus Brunae, clausura in domo Breuneriana, capella, et altari, et Patre Confessario, Petro Golasky, constituto, Patri Gvardiano inde Wiennam proficisci visum fuit; et ibi de statu Monialium Admodum Reverendo Patri Provinciali Ambrosio Härtl rationem reddidit. Post aliquot dies ad instantiam Admodum Reverendi Patris Godefridi Gvardiani Wimpassicensis cum ipso ad bacchanalia perrexit, et tractatus excellenter, ultimo quantum in curru vehere potuit de vino, farina, butyro, salpa, halecibus, et aliis victualibus pro quadragesima secum Olomucium ex benevolentia Patris Gvardiani sui antecessoris tulit. Eo tempore in quadragesima frigora magna, et tantae nives, qvod colles in campo, et vias atqve fossas ubique cooperuerint. Cum Wiennâ pergeret, recte ad Danubium et pagum, Hütteldorf, ad fossam profundissimam cum curru onerato, auriga, eqvis et capitaneo Monialium cecidit, ibi nullum auxilium nisi in nivibus perire, spes nulla, nisi ad Deum pro iuvamine. Dum oraret cum suis de Profundis etc. et ad S. Antonium: si quaeris miracula etc. sursum aspiciens, non sine Dei dispositione, illustrissimum dominum Stephanum Comitem de Werbna, cui ante innotuerat, praetereuntem advertit, et exclamavit: Illustrissime domine Comes, ad Te sunt oculi nostri, salva nos, perimus. Bonus dominus tanto citius ad

proximum pagum rediit, et milites suos ex quartirio, et ipsos rusticos vocavit, qui venientes cum lignis, perticis, asseribus absqve damno sursum extraxerunt currum, eqvos, et illos remisit ad pagum ad suam illustrissimam Comitissam, quae eos fatigatos refecit, et corroboravit.

Redeundo Wiennâ P. Gvardianus stiterat Brunae.

Ex decisione Catholicae ecclesiae et pia consuetudine, Monialis, nisi 17. annum expleverit, ad Professionem non admittitur, alioquin invalida professio. Advertit unus iuvenis Olomucii ad S. Claram Organista ex quadam Virgine, cui innotuerat, ipsam ante competentes annos invalidam fecisse professionem, scilicet 16. aetatis suae annorum: inter conversationem igitur malo forte genio instigante nullitatem professionis eidem exposuit; et si velit? libere et licite possit nubere, se ipsum ei commendavit, et quo modo aggredi negotium, et eam egredi ex monasterio persvadere non erubuit; illa ad omnia consentiente, Romam iuvenis perrexit dispensationem procuraturus. Virgo illa aliquo tempore post, quod sibi non bene consuluerit, advertens, ducta poenitentia, et motu proprio suum Confessarium advocando totum ei aperuit, etiam suae Matri Virgini abbatissae. Iuxta canones et decreta iam non ritu solemni, ut moris est, praevia confessione et sacra Communione adstantibus duabus sororibus ex Senioribus in manibus Confessarii et Abbatissae emisit professionem, et legitima professa effecta est. Iuvenis ille Organista, ut supra, recte illis diebus redeundo ex Italia, Breve Apostolicum nubendi illi Virgini Roma secum attulerat. Hic non sciens secundo legitimam fuisse professam modum Brunae levandi eam e medio Virginum solicite quaerit; ad lucem eius negotium venit, quod simile attentare prae- sumpsit. Reverendissimus Dominus Officialis Olomucensis incarcerare eum iussit, ubi aliquantis per mortificatus, et confusus dimissus, aliam sponsam sibi quae sivit.

Reversus Pater Gvardianus Olomucium.

Animatus Pater Gvardianus ab Admodum Reverendo Patre Ambrosio Härtl Provinciale, vel invitus ad miserias inter hostes Olomucium reversus fuit. Victualia quidem Wimpassinga,

ut supra, tulerat, sed de illis nihil gustavit. Prima enim nocte ad locum ubi deposita, Svecici milites ex coemeterio S. Petri sat magnum murum perfregerunt, et acceperunt omnia. Altera die Commendans cupiens gustare de illis sex urnis optimi Ungarici vini, qvod fuit illi oblatum una cum vase, nihil obtinuit. Mandavit fieri scrutinium, fures inventi, qvos misit ad Gvardianum, ut faceret eum eis, qvidqvid velit, dimisit eos, gratias agens Commendanti pro iustitia, sederunt in asino tribus horis; de caetero nihil.

Secundo dimissae aliae Moniales Olomucio.

Remanserat (1644) medietas Virginum, ut supra, adhuc in Conventu. In stricta obsidione fame crescente et cum de nulla audiebatur liberatione, non magis cordi fuit Virgini Abbatissae, qvam familiam minuere, et adhuc aliquas Virgines foras dimittere. Recte ad propositum illustrissimus dominus Wenceslaus, Comes de Oppersdorff, sciens filiam suam Iulianam remansisse Olomucii, a Generalibus Caesareo et Svecico licentiam exeundi ipsi procuravit; ex castris Caesareis currum cum sex eqvis pro ea misit, et duos ad commendantem tubicines cum literis ablegavit. Supra nominata Virgo, et adhuc aliae qvinqve pro itinere absqve mora sese praepararunt. In favorem itaque Domini Comitis e medio consilii bellici illustrissimus dominus supremus Major, natione Anglus, occultus Catholicus, ad Virginem Iulianam Oppersdorffianam est ablegatus, cui cum omni respectu dimissoriales, seu passum, pro sex personis, uti ipsa petierat, tradidit, qvam cum sociis in curru cooperto suo proprio ex monasterio per civitatem ad portam usqve vehi curavit, et ipse in persona adiunctis aliis supremis cum magno honore comitatus est.

De spoliatione Virginum in porta.

Ante egressum ex monasterio egregius dominus ut Catholicus sponte ad Virginem de Oppersdorff veniens, ei concrederat, conclusum fuisse in consilio, non cum tali honore, ut priores Virgines, sed honestissime Virginem Iulianam et alias expediendas, et clausulam addidit, ut omnia, qvae secum efferrent de auro, vel de argento, constent etsi multa millia, fideliter

conscriberent, qvaecunque in cartha posita fuerint, libere dimittantur, et saepe repetit, imo rogavit, et per Patrem Gvrdianum monuit; pro maiori securitate ei comitiva demandata est, et hoc intuitu Haerulae Comitissae de Oppersdorff, et adiunxit cum protestatione, si secus fecerint, non ipsi adscribere debebunt. Advertit Virgo Abbatissa sinceritatem Domini, adhortabatur omnes, ut omnia vel minutissima notarent, sed illae nec Domino Majori, nec Abbatissae et Gvrdiano concredebant. Scripserunt quidem minutiora, breviaria, libellos, rosaria, etc., sed alia magni pretii, eis ad conservandum tradita, aurum, gemmas, qvae circa se colligaverant, de illis nulla mentio. Inter portas descendantibus illis ex curru Domini iuniores Capitanei, qui tunc agebant excubias, adverterunt funiculum rubrum ex collo Virginis unius pendentem; unus ex eis, elevato nigro velo, cum funiculo marsupium cum trecentis aureis extraxit, dicens: quid est hoc? tumultus factus sclopetariorum, qvos Dominus Major depulerat; omnes sex has virgines Capitanei ad domum excubiarum, vulgo Kurdiguardam accipientes, una post alteram usqve ad indusium exutae, catenis, auro, annulis pretiosis, monilibus, pecunia etc., exceptis reculis in cartha signatis spoliatae. Fletus magnus, et lamentationes nihil iuvare potuit; ad Dominum Majorem Anglum pro iuvamine clamarunt, at ille: non mea culpa haec acciderunt, qvare non subscrpsistis? Tragoedia finita ad currum cum sex eqvis extra portam expectantem ad ductae exiverunt ad castra cum fletu. Illo tumultu incipiente inter portas, anteqvam spoliarentur, una ex Virginibus conservaverat unum pastorale argenteum pretiosum, qvod salvagardiae ante-Monasteriali ad servandum dedit, servavit, sed pro se; erat ex Silesia alicuius Praelati, sed nemo fuit, qui auderet repeteret illud.

Obsidio civitatis.

Stratagemata illa per Patrem Pomerum fabricata, non successerant, castra tamen Caesarea fortius munita, circumcincta civitas vallo, et propugnacula unum ab altero ad explosionem unius muscetae; in singulis propugnaculis tormenta et fortis excubiae. Ex castris per montem deorsum, aggeres seu Lauffgrab, tam altae, qvod eqvites et currus transeuntes Sveci videre ex civitate non potuerunt; ad propugnacula certus numerus

militum peditum qvotidie hora 4^{ta} pomeridiana commendabatur. Ex castris ad moenia civitatis excursiones tam eqvitum, qvam peditum singulis qvasi diebus fiebant, et cum hoste certamina. Haec fuerunt usqve ad festum S. Martini (1644); illa enim die per assultum generalem aggredi civitatem constitutum erat, interea praeparatoria in castris necessaria parabantur.

De assultu generali.

Facta dispositione milites Caesarei in castris duo magna et alta propugnacula pro tormentis maioribus (vulgo Paterien) aedificarunt. Unum e regione Conventus S. Iacobi, et aliud ex parte alia civitatis e regione Conventus PP. Bernardinorum; in illis per duodecim Cartaunen et mordarios collocarunt. Ipsa die Sti Martini (11. Novembr. 1644) mane missus cum certo signo tubicen ad Svecum, utrum voluntarie civitatem tradere velint, vel non, vel alioquin utrum ad resistendum parati sint. Svecis renuentibus, circa vesperum ex illis duobus Paterien, seu propugnaculis, frangere inceperunt, et continuando prae-schas fecerunt ad terram usqve; paulo post multitudo militum cum suis requisitis, scalis etc. ad murum currebat. Ex parte una post S. Iacobum per illa loca profundiora, ubi fuit fluvius, de accessu ad moenia fuerunt securissimi, sed experientiam muri, ubi fuit prae-scha facta, et lacus non habuerunt; ideo milites currentes ad assultum propter lacum profundissimum ad prae-scham eis accessus non erat; a partibus lacus applicabant scalas ad murum, sed scalae non fuerunt sufficientes longitudinis, inde magna confusio facta est, et periculum incredibile, qvia in parte illa aliquot centum de Caesarianis perierunt. Sveci enim, qvalia poterant excogitare stratagemata et ante muros, ac antemuralia insidias struxerunt, palessatas, fossas periculosas, tricipitia, seu triangularia ferrea acutissima, circa muros sparserunt. Item granatas parvas proiciebant, et ollas sulphure, pice, globis impletas accensas, qvae lucebant, et interficiebant accedentes. Ex altera vero parte civitatis prae-scha ex tormentis sat magna ad tringinta passus facta, ubi sperabatur securus accessus, ad mille commendati milites cum ingenti fervore ad assultum currebant; eis jam civitatem intratribus ad insidiarias fossas, granatis, ollis, globis, sulphure, pice, stramine impletas et accensas, accesserunt et inciderunt, per

aërem volarunt, et perierunt, pauci lethaliter vulnerati mansère. Item per circuitum, ubi scalae erant, et cum eis tentabant, oneratis granatis et ollis accensis, multi interficiebantur. Revera ab intus et extra talis strepitus tormentorum et globorum ignitorum, ut potuerit aliquis cogitare, esse aliquva extraordinaria fulgura et coruscationes densissimas aut grandinem ex coelo cadere, et ruere mundum. Advertens Commendans ruinatos Caesarianos silentium indixit, et sub poena capitis ab illa hora nemo Svecorum explodere audebat. Priora durabant ab hora 7^{ma} ad 2^{dam} usqve post medium noctem. His stantibus, instantiam fecerunt eqvites, ut foras exirent, et ad ultimum profligare possent hostem, sed eis nullatenus exitus permissus fuit; inde contentio orta et facta. Si eqvitatus excurrisset, pauci remansissent, et tormenta, qvae erant in fuga, accepissent, castra spoliassent, et exussissent.

Armistitium seu Stillstandt factum.

Mane facto (12. Novembr. 1644), qvi extra prospiciebant ex moeniis, etiam aliqui ex Svecis, commovebantur ad lacrymas, videbant enim circa muros tot scalas, et in hortis per circuitum multitudinem interfectorum et aliquorum agonizantium, per agros circa civitatem proximiores vexilla iacentia, bombardas, pistolas etc. Ipso diluculo a Caesarianis tubicen ad Commandantem missus, audientiam ab eo petiit, qvi ligatis oculis iussit eum venire ad se, et deposito ligamine, ut valeant interfectos colligere et sepelire, petiit, et obtinuit. Commendans ad eum: ,qvid putant Caesariani? nonne pulchrior haec tragœdia hac nocte facta est, quam illa, qvae per Patrem Pomerum, vestrum monachum proditorem, facta est? Sic decet heroicos milites agere, non fraude, sed opere et veritate. Suscipient interim grato animo, et sepeliant occisos ad trecentos passus, et colligant; illis autem, qvi intra muros, et antemuralia, fiet gratia; per meos curabo sepeliri eos. Si silentium non indixissem, nec tu venisses huc. Iterum ligatis oculis extra civitatem reductus.

Colliguntur interficti.

Tribus diebus consequenter data licentia libere colligendi et sepeliendi interfectos Caesarianos non intra muros, sed in

hortis et pratis tantum; qvaecunqve arma, bombardas, seu muscetas, vexilla, qvae inter occisos iacebant, licitum fuit colligere eis, nam ante omnia et inter muros occisis sepultis, ipsimet Svecici milites scalas, et arma sepultorum in curribus ad ciyitatem advexerunt. Dum colligerentur, potestas data fuit Svecis, et non Svecis foeminis ac pueris, et omnibus, qvi volebant muros ascendere, et miserabilem videre collecturam. Relatu difficile, cum qvanta compassione, et oculis flentibus maxime Svecorum foeminae colligentes aspiciebant. Aliqvi tres unum, alii duo unum, aliqvi ex robustioribus unum supra dorsum, alii in piccis, perticis ligatos, alii in curriculis, seu vehiculis, aut quoqvo modo poterant, ad fossas portabant. Tribus diebus fuerunt illa spectacula. Finitis his, positae excubiae Svecorum in muris, vallis, propugnaculis, uti ante assultum. Et Caesariani de continuatione obsidionis cogitaverunt.

Arestatio Senatorum sub assultu.

Non minus hostis timuit de interna seditione, vel rebellione aliquva, uti ante hac, si excursio fuit, vel larmo, maxime autem attendebant ad Senatum, prout sub isto generali assultu omnes in curia civitatis fuerunt arrestati et occlusi, et excubiae positae. Similiter cives ad aliquot parthias congregatos custodiebant, vulgo Beraihschafft, et si fuisset opus, fodere, circa tormenta iuvare, etiam muros ascendere, et se cum hoste simul defendere.

Continatio obsidionis.

Si assultus permissione Dei primus et secundus non successit Caesarianis, facta multiplicatione militum pro fortiori obsidione civitatis, vallis cinctae et propugnaculis, in ea hostem fame mortificare, vel alio simili modo affligere constituerunt. Excubiae tales institutae: inter alios Walachi intermixti cum longioribus bombardis, vulgo Cžieszinky, vix exploserant gratis, et non pauci in muris tangebantur. Inter alios, unus ex maioribus, Supremus Colonellus, Santhof, miles antiquissimus, in muro stans, vix se aliquid monstravit, hostili globo traiectus perierat. Lepidum quid occiderat in districtu Sancti Iacobi; nebulo unus sclopetarius, dictus Martin Prediger, omni mane prodibat, et depositis caligis extenso podice Caesarianos versus, diem Caesari

ita precabatur: Hans Kayser, Hans Kayser etc. Advertit Walachus Caesarianus ex propugnaculo, vix elevavit, et blasphemavit, ex bombarda Cžieszinka ad locum recte tetigit, ita ut ore globus exierit. Audiens Commandans cum risu accepit, sed similes blasphemias interdixit.

De altissimo propugnaculo.

Aedificaverant Caesariani e regione S. Iacobi duo propugnacula: unum nimis altum, et alterum parvum occultum. Ex altiori bombardis, Cžieszinkis multum nocebant in muris, etiam in civitate Svecis. Ipse Commandans diu speculabatur, qvomodo ruinaret propugnaculum? ipsem, onerando tria ex maioribus tormenta, licet non omnino ruinavit, sed maiori ex parte destruebat sine damno militum; qui cum adverterent sibi quid contrarii moliri, ad occultum propugnaculum se recipiebant, et absqve magno labore destructa iterum reparabant. Ex audacioribus Svecis una nocte, dum esset magna pluvia, qvinquaginta peditum dimissi fuerunt foras; expergefacti Caesariani, cum vidissent fortiter hostes aggredi propugnaculum, ipsis viam apperuerunt, ibi eos incluserunt, et trucidarunt. Expectavit ad meridiem Commandans, sed nemo rediit.

Rebellio militum contra Officiales.

A qvo tempore Svecus Olomucium occupavit, regimina solutionem non habuerunt, habentes autem spolia multa dissimilarunt; sed iam deficientibus (pedites ut plurimum sine intermissione sollicitarunt, et murmurarunt) mediis inde magis, ac magis seditiones, et importuni clamores orti. Qvadam die, ubi viderunt multa venalia in foro exposita, aliquot centum ex plateis convenerunt ad forum, tumultum inceperunt et per totam civitatem tam in foro, qvam in plateis mercatores ementes et vendentes spoliaverunt. Finitis his omnes ad sua loca abiverunt. Hinc inter Officiales, et Commandantem timor grandis, et confusio magna, diu in consilio practicaverunt, qvid essent facturi?

Proditi authores seditionum.

In consilio bellico conclusum, ut omnes Officiales modis, qvibus poterant, milites convincerent suos; inquisitione postea

facta tandem authores rebellionis proditi, capti et incarerati; ad terrorem maiorem patibulum altum in maiori foro fabricatum. Dies pro examine constituta, facto scrutinio ex publicis carceribus minus rei dimissi, tres tantum ex 15. muscetariis principales rebelles per sententiam pro suspendio condemnati; duo sectae Lutheranae, et Catholicus unus. Interim ex fidelissimis omnes Officiales pro excubii tam in foro, quam per plateas propter aliquem tumultum, et rebellionem ordinarunt ad quadrungentos milites; his in suo ordine stantibus Praedicantius cum carnifice adduxerunt omnes tres ad patibulum. Qvardianus nonnisi missa persoluta veniebat, quo adveniente, et suum Catholicum pro morte disponente, positum tympanum, et quis eorum prior pendere debeat, luserunt aleis; sors minima cecidit Lutheranis ambobus una, vel duae; et Catholicis sex; bis, vel ter projiciebant, semper Catholicus lucrabatur. Dum Executor iustitiae incepit sua agere, scalam accommodare, aspicientibus ex palatio Commendante, et supremis, atque captivis, qui erant tunc, videntes captivos iuvenes egregios esse, supremi instantissime petierunt, ut unus ex eis in gratia eorum viveret; fit gratia, quisnam ex illis tribus? posito iterum tympano dantur aleae eis, ter projiciendo aleas, cecidit sors Catholicus, et dimissus fuit. Cum uno ex duabus iam in scalis Carnifex sua faciebat, ipse Commendans acclamavit: Si Catholicus dimissus, dimittantur etiam duo; ducti ad carceres et propter exemplum per Spitz-Ruthen bis currere fuere decretati.

De Spitz-Ruthen, seu virgis.

currere per virgas seu Spitz-ruthen. Certus numerus militum (iuxta alicuius delictum) cum virgis recentissimis a duabus partibus disponuntur, et currenti reo nudo unus quisque ictum, et reccurrenti aliud dat; revera magna poena est, et si multus numerus militum, et bis, aut ter curritur, difficulter supervivere potest. Nudius quartus unus ex seditionis sorte lucratus est vitam, et duobus in locum suspendii per Spitz-ruthen bis currere decretum factum. Convenerunt igitur duo millia peditum et dragonorum, et per maius et inferius forum cum virgis dispositi, et a partibus Officiales instigantes, interea duo rei in compedibus adducuntur ex carceribus, depositis ferramentis et vestibus, ut se exuerent Officiales cogeant;

se non se exuere, minus, currere volebant; sit, ut sit: non faciemus dicebant: maluissemus suspendio, qvam tam infami poena puniri, nec se loco movere volebant. Uni duo millia semel currere, et recurrere, et bis hinc, et inde, facerent octo millia ictuum. Non timebant illi tam horribiles et sanguinolentas disciplinas, sed subolefaciebant conspirationem sociorum; si eucurrisserent, nec milites manum movissent, et si astantes Officiales ad disciplinandum coëgissent, non procul rebellio. Stanibus his circumstantiis nolentes volentes Officiales et Commendans dissimularunt, et illi ad carceres iterum absqve compedibus ducti.

De solutione militibus.

Qvoties aliquod heroicum per milites factum fuit, ex discreione Commandantis de cerevisia, vino et proventibus, etiam pecunia militibus aliquod dabatur gratiale, sed ista fuerant accidentia non ordinaria solutio. Fuit sufficiens ex spoliis diversis, et contributionibus diversis multorum etiam Ecclesiasticorum in cassa pecunia, sed semper Commissarius Generalis ex Svecia expectabatur. Tandem veniens, ex Officio omnibus, pro cuiuscunqve militis merito, solutionem pecuniariam distribuit, et si soluti non fuissent, peiora prioribus, et rebellio contra Officiales certissima.

De Furtis.

Furta inter Svecos erant subtilissima, et plane communia; de uno tantum scribam sclopetario et Catholico, qvi fuit fur astutissimus in pluribus locis, etiam Officialibus multa furabatur, et nemo unquam scire potuit, qvisnam ille esset? Fuit datum templum Svecis S. Blasii pro illorum exercitio et sepulturis in coemeterio promiscui sexus, sed in templo S. Blasii ordinaria fuit Officialium sepultura; uti Catholici nobiles in ecclesiis pro memoria vexilla, gladios, calcaria, ita Sveci vexilla, gladios etc., et ocreas cum calcaribus relinqvere solebant, et illis ocreis plena ferme fuit ecclesia. Cum tempore multa paria ocrearum deficiebant, aedituus ecclesiae in magna erat suspicione, sed eo qvod fuerit probus homo, nemo ipsi obiicere potuit, qvod tam multa auferebantur ex templo; habitavit ille civis e regione ecclesiae, et eiusdem templi claves habens mirabatur, qvomodo furtu illa

fierent? Semel per fenestram vidit gallinam ex ecclesia evolantem, cogitavit, qvid faceret ibi, templum aperuit, et furem ibi deprehendit; interrogat, qvid faceret ibi? respondit: ipsum duxisse huc diabolus sub gallinae specie; fur miles captus ad carcerem ductus, ecclesia lustrata, multa paria ocrearum ablata adverterunt. Inter lustrandum vix non in omni altari humana deprehenderunt excrementa. Desuper in carceribus facta de surto et furti circumstantiis inquisitio; interrogatur: 1^{mo} qvo ductu? 2^{do} qva via. 3^{tio} qvid furatus est? 4^{to} cui vendidit? 5^{to} cum sit Catholicus, cur praesumpsit talia? ad omnia puncta audacter, et lepide respondebat: interrogatis me, qvo ductu? e regione templi S. Blasii quartirium meum est; per fenestram saepe vidi gallinam nigrum intrasse ecclesiam, supponens eam habere ova, post illam intravi, nulla ova ibi posita deprehendi, ast ne gratis redirem, ex pendentibus ocreis cum calcaribus, cogitans, qvod nullius usui sint, quantum mihi placuit, ut sutor ornavi, et vendidi, et hoc fuit saepe. Qva via? non alia, nisi ea, qvam mihi gallina monstravit, fracta fenestra. Pro 3^{tio} qvid acceperim? nihil aliud praeter ocreas, qvia his mihi opus erat. Cui vendidi? Prostannensibus, non nostratisbus, qvia me prodissem. Cur spurcitem posuit super altaria? respondit: qvalia Sveci ibi agant sacrificia, tale offertorium. Qvare praesumpsit, cum sit Catholicus, facere sacrilegium? respondit: agnosco me peccasse, a vobis exigua solutio, habens uxorem, et liberos non possum illos alere, qvam furto; flexis genibus dixit: doleo! agam poenitentiam; et si feceritis mihi satisfactionem, non amplius faciam. Sin secus: a furto, etsi debeam suspendi, non desistam; Condemnatus currere per Spiss-ruthen lubens se obtulit. Decretum ex eius discursu mutatum, liber ex carceribus dimissus, et ipsi cum uxore et liberis modus vivendi datus.

Mavult unus suspendi, qvam per Spiss-ruthen currere.

Duo egregii socii sutores per civitates et plateas et oppida quaerentes laborem ab eqvitibus Svecicis capti, et Olomucium ducti, qvos coegerunt esse sclopetarios. Cum tempore ad S. Iacobum agebant excubias, taediosi, de fuga cogitarunt, et intentum suum Patri Gvardiano ibidem crediderunt, qvibus media, qvae potuit, fugiendi dedit. Una nocte unus post alium

egerunt excubias; ligatis fomitibus, seu lunt, senior, Georgius, Ioannem dimisit ex muro, et ipsum immediate seqvi debuit, labitur interea hora, alias excubiarius in locum Georgii secundavit, Ioannes extra submisso vocat: Georgi, Georgi. Excubiarius inaudivit, et se inclinans aliquem se occultare advertit. Excubiarum praefecto retulit, ex officio veniens, quis sit? interrogavit, negare non potuit; ad eum: non te ex loco moveas, alioquin peribis; mandavitque custodire singulariter eum usque ad diem, mane adductus, quidquid factum, et quomodo consocius ipsum seqvi debuit, totum enarravit, uterque ad carcerem dati examinati, iuvenis liber, alter aliquot septimanis sedet. Intra illud tempus contraxit aliquem morbum, tandem sententia bis per Spiss-ruthen currere vel suspendi? non multum deliberavit, decreto auditio a iudice, non possum currere, malo suspendi; vocatus Pater Gvrdianus comitivam ei ad locum iustitiae dedit, concomitantibus duabus compagniis peditum; post carnificem patibulum ascendere nequivat, infixo tantum clavo ad patibulum, in inferius latere supposito applicuit funem, depositus laterem, catholice mortuus est.

De contributione Ecclesiasticorum mendicantium.

Sub dura obsidione ita Svecis occlusus passus, quod non solum ad spolia extra currere, imo extra moenia se monstrare non potuerint; alios ideo modos fabricarunt spoliandi. Bona temporalia habentibus Ecclesiasticis exulantibus vel spoliatis, vel iam demortuis, aggressi sunt mendicantes Ecclesiasticos. Facto consilio bellico ad Parochiale domum eos convocarunt, ipsique mentem consilii bellici aperuerunt in haec verba: Boni Patres hucusque in quiete sedistis, et ut imposterum sub protectione Sveci sedeatis, pro vobis omnibus conclusum, omni mense ab hac die pro solvendo milite duo millia imperialium contribuere debere, et ut vos resolvatis, assignantur vobis 24. horae pro resolutione.

Ad arestum Ecclesiastici mendicantes positi.

Seqventi die, elapso 24. horarum termino, convocati Ecclesiastici mendicantes, ad quos duo quartir-Magistri ablegati, resolutionem petierunt, omnes ob impossibilitatem se non posse

contribuere, dederunt pro resolutione; unus remansit qvartir-Magister, alter auditio responso eadem hora centum sclopetarios adduxit pro excubiis cum decreto tali, si se non aliter resoluerint, sine cibo et potu remansuros. Resolutio fuit omnium arestatorum unanimis, extrema pati, et non contribuere. Seden-tibus mendicantibus duobus diebus et duabus noctibus in aresto mittitur executio ut infra.

Omnia regimina veniunt pro executione.

Conclusit hostis illa hora qvarta pomeridiana, qva omnes (exceptis paucis, qvi in excubiis remanserant) cum armis, et vexillis in foro pro suffragiis comparere solebant, qvi immediate ad parochiam venerunt, qvibus qvartir-Magister per compagnias proportionaliter illa duo millia Imperialium dividebat, et pagellas, seu schèdas, qvot compagniae, et ubi exeqvi consignabat. Qvanta qvota pro omnibus, infra videbis.

Divisio duorum millium Imperialium pro mendicantibus.

Qvota Patribus Societatis Iesu omni mense	500	Imperiales.
Pro Convictu omni mense	300	"
Pro Patribus Dominicanis omni mense	300	"
Pro Patribus Franciscanis omni mense	110	"
Pro Patribus Bernardinis omni mense	300	"
Pro Patribus Capucinis omni mense	110	"
Pro Sanct. Monialium Conventu S. Clarae om. m. .	200	"
Pro Monialibus ad S. Catharinam omni m.	200	"

Pro toto Garnison omni mense duo millia. Remanentes vero viginti Imperiales super duo millia, repetentibus istam pecuniam duobus Qvartier-Magistris resignarunt. Distributione facta duorum millium Imperialium, et Officialibus duorum millium Sclopetariorum scripto consignata inter se mendicantes iuxta qvotas divisorunt, et officiose cum armis, vexillis, tympanis, ac si latrones, ad loca eorum duxerant eos, et qvomodo pecuniam extorqvebant, plane non Christiane, cum magnis insolentiis et damnis Monasteriorum.

Consignarunt qvotas suas mendicantes.

In illa tremenda executione loca magna patiebantur; sub praetextu qvotae pecuniarum pro ipsorum arbitrio spoliabant; tandem Superiores locorum forte ex alienis conservatis (vel qvid ego scio) pecuniis, summas suas persolverunt, et executionem expediverunt, sed non semel pro semper, qvia neclsum elapso mense alia petiverunt duo millia, et aliis mensibus conseqventer.

**Non deponit suam qvotam Pat. Paulinus ad S. Iacobum
Gvardianus.**

Omnes mendicantes sibi proportionaliter datas pecunias pro contributione deponendas consignarunt qvam citius; sed Conventus S. Iacobi non habuit, nec aliam pecuniam conservavit, ergo contribuere non potuit. Qva de causa Qvardianus loci, si non in aere, in pelle luebat. Ex aliis Conventibus executio revocata, a S. Iacobo minime. Imo executores scientes alios qvotas deposuisse suas, maiorem crudelitatem augebant. Allegabant enim aliis, si non suam, sed ex cryptis, celariis et locis incognitis pecunias conservatas, levabant, inveniebant, et se liberabant. Ille (P. Guardianus) ad similia cogebatur, per templum, celaria, et alia loca ducebatur cum ligone: hic conservasti, hic fodias; sed ipse non conservavit, hinc non lapidem movit; ipsi autem ubiqve fodebant, qvaerebant, et nihil inveniebant. Fuit lapis latissimus extra recte post fenestras refectorii prope puteum; sub illo lapide suspicabantur aliquid fuisse depositum; cum magna satis difficultate lapidem moverunt, levarunt, profundius foderunt et magna fossa de pura calce, a tempore immemorabili conservata, inventa est, et haec laetificarunt Commandantem, qvia talis materia Svecis proximi reformati fuit necessaria.

Executio in Conventu S. Iacobi.

Liberum fuit hostibus Svecis in executionibus, qvid velint, accipere, et spoliare. Executio trium dierum in Conventu S. Iacobi absqve omni resistentia omnia lustravit; rebus ecclesiae

et Conventus, si non fuerunt eorum usui, nihil nocuerunt, sed res alienae omnes ad eorum devenerunt manus. Fuit qvidam civis in praerubio Olomucensi, nomine et cognomine Stanislaus Kramer, seu mercator. Ille habens in Conventus dormitorio cameram, et in ea omnes magni momenti merces; sub executione ille omnibus spoliatus, Officiales executores dictam cameram pro reserva habuerunt; fracta porta propria serra occluserunt, et quando volebant, pro suo beneplacito materias et aromata diversa acceperunt. Non sufficiebat spolium illius boni hominis, habuit et alia plura conservata in ecclesia S. Petri, etiam illis omnibus privatus est. Durante hac executione vix non singulis horis ad Patrem Gvardianum mittebantur Officiales, eumque admonebant, ut deponeret sua, ipsique minabantur carceribus, electione ex civitate et aliis; ast nullatenus dissaderi potuit; cum non habuerit, nihil dare potuit. Ab ipsis executoribus, qui nihil ibi habuerunt praeter suum proviant-Brodt, ad Commandantem querelae veniebant, se supra modum famem pati in loco, ubi nihil est, et ne tamdiu milites mortificaret, sed, ut inde amoverentur, supplicabant.

De paupertate Conventus S. Iacobi.

Ante Svecum inter omnia monasteria Conventus S. Iacobi pauperrimus fuit, ita, ut vix quatuor personas alere potuerit. Tenebatur ibidem unus Frater, Franciscus Stainer, laicus, habens unum asinum, in quo extra civitatem exhibat, victualia providebat, et domum apportabat, cui Sveci advenientes et asinum abstulerunt. De asini provisione unum vas avenae remanserat, revera Patri Gvardiano fecit beneficium magnum; incipiente magna fame, ex avena curavit sibi fieri chasoviam, et inde egentibus illis diebus aliquid communicare potuit; vixisset aliquo tempore illis pultibus; sed milites in executione, quidquid adhuc fuit, consumperunt.

Amota executio ex Conventu.

Post triduanam executionem et Patris Paulini mortificationem, ubi nulla spes deponendi pecuniam, et ipsi Patri compatiebantur, et totum Commandanti per ablegatos expositum est. Unus ex Officialibus, Stuck-Capitain Qvarter-Magister, cum

latino Secretario ad Patrem Gvardianum pro cathegorica resolutione, eaque ultima dimissi. Negotio intellecto, convocatis militibus executionis, illam compagniam eo modo, quo venerat, cum vexillis et tympanis ab executione levarunt, et ad Commandantem in medium fori adduxerunt.

Inspectio Conventus S. Iacobi.

suilli Post amotionem executionis immediate quendam bonum virum, civem et optime habentem S. Iacobi Conventus vicinum, nomine Tobiam Krzeczek, pellionem adduxerunt, cui resistenti per vim claves omnes Conventus tradiderunt, et inspectionem nomine Conventus dederunt his verbis: tolle tu has claves, et custodias monasterium; si male custodieris, respondebis.

Eiicitur Pater Gvardianus ex civitate.

Fuit pulchrum videre caeremoniam illam. Praecessit tympanista, et duo Corporales hinc et hinc, et medius Gvardianus; post illos aliquot paria muscetariorum armatorum per totam civitatem recte media die. Homines civitatis non ausi egredi, tantum per fenestras flentes aspiciebant, et lamentabantur; venientes ad portam viridem, seu medium, extra civitatem eum eiecere.

Retrahitur P. Guardianus, et ducitur ad carceres.

Advertentibus excubiariis Caesarianis in vallis, et iam occurrentibus Patri, vix perficientem 50. passus cito duo Corporales Svecici occurrentes ad civitatem retraxerunt, et duxerunt ad publicum carcerem; a captivis multis Caesarianis laetus susceptus est, congratulabantur enim sibi, qvod concaptivum Capellanum acquisiverint; uti in capella ibidem quotidie celebrabat, ibique didicit carnes equinas coquere, assare, et comedere, atque vesci cibis insolitis, melius tamen fuit illi, quam in Conventu, qvia similia habere non potuit tempore grassantis famis, qvae in civitate iam dominabatur ubique.

Dicitur P. Gvardianus ex carceribus ad excubias.

Factus certior Commendans, qvod P. Paulinus Gvardianus in carceribus melius habuerit, qvam domi, qvem una nocte ad domum excubiarum, seu Kurdiguardam reducere mandavit, et ut adigeret eum ad solutionem pecuniae, ibi eum inter milites sine cibo, et potu manere instituit; aliter Deus disposuit; qvidam dominus Naynmann Capitaneus occultus Catholicus quasi ordinarie in domo illa excubias agebat, qvantum potuit, panem, et lagenulam cerevisiae subministravit clam; proditus vir bonus, Commendans veniens Capitaneum baculo percussit, et amovit ex illis excubiis, et Gvardianum inter muscetarios abire coëgit, et si non dederit qvotam, a militibus vexari mandavit.

Iussu Commandantis Pat. Gvardianus Paulinus pro contributione mendicavit.

Ipsa die, qva Patri Gvardiano mutata residentia, Commendans Secretarium misit, ut mendicaret, et solveret. Accepta pyxide, et adiunctis duobus sclopetariis cum armis et fomitiibus accensis eum mendicantem comitantibus 1^{mo} Commendantem accessit, et mendicavit. Ab ipso expeditus sic: ut prius alios Officiales, et cives, qvos noverit ditiores, adiret; et post qvam mendicaverit, partem suam addere repromisit. Colonelli, et Officiales omnes se excusarunt his verbis: Incipiat Commendans et exemplum seqvemur. Cives miseri! pro forma tantum accessit eos, nihil obtinuit. Ad Commendantem, ut mandaverat, reversus vacuus, et ab illo accepit tantum, qvantum ab aliis, imo furiosam indignationem. Videns Commendantem furiosum nullo habito verbo cum duobus aliis sociis muscetariis ad Kurdiguardam, seu excubias reversi sunt.

Iussus Gvardianus vendi calices.

Habuerunt qvondam Franciscani multos calices, et in hoc omnes Olomucii superabant Ecclesiasticos; non calices solum, sed monstrantias, cruces, capita, et de simili mobilitate pretiosa argentea, reliquiariis etc. non magna cista, sed tam gravis, qvod vix potuit ab octo rusticis levari. Solae casulae octo textae

auro, et pretiosis lapidibus, et margaritis fuerunt. Ille thesaurus a tempore, qvo migrarunt Patres Franciscani a S. Francisco ad S. Iacobum, fuit in curia Olomucensi nonaginta circiter annis conservatus. Tandem ad instantiam provinciae Austriae Provincialis, per decretum Eminentissimi Cardinalis ab Arach (sic?) episcopi Olomucensis elevatus, et aliquot annis ante irruptionem hostis in Moravia Patribus Conventionalibus restitutus. Recte eo anno, qvo Svecus occupaverat civitatem, adveniens pro visitatione Conventus Admodum Reverendus Pater Iulius Caesar, Commissarius Generalis, hic visitando mirabatur thesaurum, et ne gemmae, et lapides pretiosi caderent, et perirent, ex antiquis casulis ut deponerentur, et a Monialibus conservarentur, ordinavit. Omnis ille thesaurus, dum propter pavorem Svecorum Olomucio multi fugerant, etiam fuit in fuga ablatus; ut referebatur a qibusdam praesentibus, margaritas et lapides pretiosos Sveci pileis divisorunt inter se; qvod si domi illa omnia mansissent, non periissent. Duos tantum Pater Gvardianus calices, et reliquiarium auro et gemmis spoliatum sed cum integris reliquiis a Svecis recuperaverat; subolefecerat Commendans a proditoribus tam magnum in Conventu S. Iacobi fuisse thesaurum, de amissione vero non informatus, ideo calices, vel de thesauro aliquid vendere, et qvotas solvere iussit. Recuperatis itaque duobus calicibus et tertio, qvi remanserat domi, per domos ad Officiales ibat, calices vendebat, sed nemo emere volebat.

Reductus ad excubias Gvardianus et factus infirmus.

Non venditis calicibus aliquot postea diebus inter gregarios milites in excubiis manens, Svecicam infirmitatem inter infirmos ibidem, vulgo Scharbock, seu Scarbot, contraxit. Instabant excubiarum Officiales apud Commandantem, non esse Christianum, nec bonae reputationis, si unus Ecclesiasticus pauper, ex tali longa mortificatione infirmus, in aresto moretur. Advertens Commendans ex fenestra unum civem, qvi ordinarie menstruam qyotam a monialibus consignabat, vocavit ergo illum, et Capitaneum excubiarum cum duobus sclopetariis, et ut Patrem Paulinum ad Moniales duceret, et, ut Abbatissa pro suo Confessario qyotam eius solveret, mandavit.

Ductus Pat. Gvardianus ad Moniales.

Hora nona antemeridiana Capitaneus adiunctis duobus Muscetariis, et Iacobo cive, Patrem Gvardianum Virgini Abbatissae praesentarunt, et nuntiatum proposuerunt. Sciebat bona Mater Abbatissa, qvantam ipsarum Pater Spiritualis mortificationem patiebatur, ideo cum animi sui moerore proposita audientes Virgines praesentes, pree fletu tam cito responderet ad proposita non potuerunt; at illi acsi tyranni impatientes morae Capitaneus maxime ait: detis nobis resolutionem, alioquin cum monacho revertetur, interim ad parolam cum Abbatissa admissus.

Inducias petiit Abbatissa ad certum tempus.

Facta consultatione domina Abbatissa cum suis Virginibus licet taxas suas aliena pecunia apud illas conservata hosti solverit, etiam illa vice Patri Gvardiano succurrere, et centum et decem Imperiales pro ipso deponere concluserunt. Pater autem Gvardianus circumstantias considerando non consensit, ne aggravaret Conventum ipsarum. 2^{do} Ne daret in suspicionem eas, qvod multam habeant pecuniam etc. Bona Mater non contenta rationibus, advocata salva-gvardia antemonasteriali eum ad Commandantem dimisit, et ab ipso inducias petiit, ut eum ad suum dimitteret Conventum, et solvent pecuniam.

Reductus Pat. Gvardianus ad Conventum.

Multis modis Guardianus iam executione, iam expulsione, iam publicis carceribus, arrestis, excubiis etc. mortificatus, tandem infirmus totus reductus est ad Conventum, nulla tamen habita suae infirmitatis ratione; constituti Officiales: locutus dominus Ritefort, proviant- et quartier Magistri, Stuck-Capitan, et Secretarius Commandantis, ad qvos illa spectabat pecunia, bis aut ter de die fastidiose visitabant infirmum, et pecuniam extorqvebant. Illa compassionē motus, et proprio motu, unus civis, Pistor, dominus Stephanus Jarek, alioquin optimus Patronus Conventus, sese obtulit dare mutuo pro saepe dicta taxa pecuniam, et reversales sub sigillo Conventus petiit.

Consignata qvota, seu taxa Commendanti.

Habita iam concessa pecunia advenienti sollicitatori Qvar-tier-Magistro iam calices venditos, et non fuisse lucratum pro eis, non plus qvam 80. Imperiales narravit; bona spes, ait Quartier-Magister: tollatis pecuniam, et probetis, si forte accep-tabit, et comitabor vos. Accedentes igitur Commendantem, qvi pecuniam 80. Imperiales numerari Qvar-tier-Magistro dedit, et ex suis addendo 30. Imperiales taxam ordinatam implevit. Praesentibus tunc Supremis aliis magnas laudes Patri Guardiano dedit, et qvod ipsum mortificaverit, veniam petiit his verbis: Ignosce bone Pater! sum instrumentum ad punienda malorum Caesarianorum delicta, id, qvod factum, fieri debuit, Pomero Michaëli non multas agatis gratias, propter proditorem talem a consilio bellico Ecclesiasticis ista summa Imperialium duorum millium data fuit; si tantum dedisti, addidi, et implevi qvotam, grato animo accipias, et ne qvidqyam amplius dabis, qvia sol-visti pelle. Mandavit Qvar-tier-Magistro qvotam Conventus S. Iacobi ponere inter alias taxas, et Patrem Gvardianum in praesentia aliorum Officialium denuntiavit liberum, qvitantiam dedit semel pro semper accepisse ab illo, uti de facto prae manibus est.

Oppignoratae res Admodum Reverendi Patris Magistri Cornelii.

Licet duo millia inter se distributa ad tempus Sveco Eccl-e-siastici dederint, de futuris tamen contingentibus eorum fuit cogitatio; subolefaciebant adhuc cum tempore peiora prioribus. Concluserunt ergo inter se, ut tempestive ad sua qvisque loca attenderent, et ad tuta conservarent. Non fuit adhuc lucratus Pater Paulinus Gvardianus, etsi liber a taxis futuris menstruis, constituit tamen de aliquibus rebus, quae sciverat, tutius ob-servare. Confugientibus enim ex Silesia pluribus, et sese salvare Olomucii cupientibus, etiam Admodum Reverendus Pater Ma-gister Cornelius Oytweiler, Carnoviensis decanus fugit, qvi in confusione illa, cum alii ultra Olomucium fugerent, suam cistam cum rebus suis in Conventu S. Iacobi reliquit, et plane eius oblitus est; sat in tuto loco Pater Gvardianus illam cistam

ponderosam (licet non sciverit, cuius sit?) conservaverat; sed timens adhuc deteriora (ut alii in suis Conventibus fecerunt) ita et ille, advocato enim fidelissimo uno cive, nomine Gregorio Goldemundt, cistam aperuerunt, et in illis pluribus reculis de nomine Cornelii Oytweiler non alterius, qvam domini decani Carnoviensis res fuisse, adverterunt; sufficienter probatum fuit in Svecis, qvi ad Ecclesiasticos et monasteria eorum magis advertebant, qvam ad alias Saeculares cives. Ideo selectis ex reculis Patris Cornelii, qvae erant majoris momenti, multo securius videbatur apud bonum creditorem, ut supra dominum Stephanum Jareck, quasi pro pignore deponere, sed soluta obsidione ad petitionem saepe dicti domini decani ipsi omnia integre transmissa fuere. Nam Pater Paulinus Gvardianus paulatim toto tempore Sveci ex votivis, et eleemosynis obviantibus, istam ei pro taxa concessam pecuniam solvit.

Continuatur summa 2000 Imperialium.

Iuxta suam distributionem, et adiuncta adhuc taxa pro Conventu Sancti Iacobi crudelissime ab Ecclesiasticis illa duo millia Sveci repetebant, sed post tres menses ob impossibilitatem cessarunt contribuere; et accedentes Commandantem proposuerunt miserias suas, et quidquid cum eis conclusum fuerit: exilium, carceres etc. omnia sustinere parati, et scripto porrexere memoriale.

Expelluntur mendicantes ex civitate.

Absque mora causa Ecclesiasticorum in bellico consilio fuit proposita; decretum scriptum ad dominum Parochum S. Mauritii per Quartier-Magistrum dimissum ut sequitur: Ad humilem postulationem dominorum Ecclesiasticorum mendicantium dominus Commendans, et consilium bellicum coronae Sveciae in civitate Olomucensi etc. libere, et licite eos dimittit etc. et oretenus latori mandatum, ut horam, et diem ipsis promulgaret. Cras hora quarta mane, quando audient tympanum, convenient, et porta aperietur eis, sive in curribus, sive in equis vadant.

~~be...; tunc huius anno (fis anno triuips non recit) menses batoq
ante~~

Pater Paulinus Gvardianus remansit Olomucii.

Omnibus in communi Ecclesiasticis mendicantibus exulare decretum factum est, et a domino Parocho ad S. Mauritium Patri Gvardiano communicatum. Pater Gvardianus peste infirmus, et infectus, tamen se lecto levabat, et pro exilio disponebat; certior factus Illustrissimus qvidam Ritt-Magister de domo et familia S. Erici Sveciae regis, qvi recte penes Conventum habitabat, in persona cum sua domina ad Gvardianum veniens, ait, nullam fuisse de eius exilio in consilio mentionem; sed ne veniret forte in suspicionem apud alios Ecclesiasticos, ac si cum Svecis teneret, licet tardius, tamen se expedivit pro tinere, qvi necessario debuit se pro passo ad Commandantem (aliis iam abeuntibus) sistere. Iam illis diebus Commandantius dominus Georgius Paikul Generalis Maior nominatus, et dominus Valentinus Winter in loco eius pro Commandante Olo-mucensi constitutus, uti ante duas horas ex officio alios Ecclesiasticos expediverat. Oportebat se apud Paikul insinuare, qvem ille videns remisit ad Winterum, Winter ad Paikul, et sic consequenter terna vice ab uno ad alterum, nec ab aliquo eorum expeditionem habuit. Expectans aliquam resolutionem in atrio Valentini Winter, casu superveniens dominus doctor Winckler, qvi Gvardiani pestem curaverat, clamavit: Amore Dei! domum eat, nulla eius exilii mentio fuit, cum ante a tali contributione exceptus fuerit. Ast ille! qvomodo debeam foras, vel domum ire? cum nullum verbum ab uno, vel alio habeam. Accedens postea medicus ad neo-Commandantem Winter, cui de infectione eius narravit. Cito ephebus missus de longe clamavit, ut ad Conventum iret, et nullibi sisteret; rediit itaque, et in peste ad medium annum iacuit. Uteunqve sanus ad liberationem civitatis usque permansit in monasterio.

De fame communi Olomutii.

Ab ingressu ad civitatem hostis, ex proventibus communibus militibus omnibus subministrabatur provisio. Sclopetaiis, unicuique personae librae duae de pane, et una mensura cerevisiae, seu feldt-maas ordinarie. Caeteris vero iuxta conditionem vel officium fuit ordinata portio, et huius modi divisiones

(non excipiendo famem) continuarunt usqve ad finem. Exceptis his nemo fuit tam negligens tempore bono, qvi non recordaretur futurae obsidionis, vel alicuius penuriae, et sibi ad partem non observaret de alimoniis aliquid, de frumento, sicco pane, carnisbus salsis et fumatis etc., ex tali enim industria uxores militum cum liberis, famuli et ali, pro qvibus portio non proveniebat, vinctarunt. His paulatim consumptis fame ingruente egere incipiebant. Merces qvidem pro labore in propugnaculis maxime foeminas iuvabat, pro qva una die duodecim cruciferos persona lucrabatur; qvid prius autem emere? calceos? indusia? panem tam caro pretio duobus aureis libram? carnes eqvinas? libram medio imperiali etc. potissima causa tantae penuriae fuit, qvod primo nec cives, nec communis plebs dimittebatur foras, sed famis tempore, ne forte caritatis magnae proditio fieret, iam nemo dimissus.

De coctura carnium eqyorum.

Cincta civitate tam eqvi, qvam alia pecora non poterant pelli ad pascua, et praevisa obsidione divendebantur, vel ipsi Sveci mactabant, consumebant carnes, vel condiebant sale. Eqvos vero, qvos non poterant pabulare domi, prius clam mactabant, carnes vendebant, et ipsimet vescebantur illa; postea publice proponebant in macellis venales, et sic consumpsérunt tot centenos eqvos praeter eos, qvos decreto Commandantis Officiales conservare, vel alere (communi pabulo) debuerunt. Similiter et asini, qvicunqve fuere in civitate, devorati sunt. Laudabantur carnes eqvinae, et asininae a pluribus Svecis, et sic parabantur. Si coquere carnes eqvinas volebant, decies, vel plus duas horas in aqua frigida tenere, et ultimo duas dies et noctes in sale, et in aqua fervida bis vel ter lavare, deinde posito aceto et sale ad ollam cum carnisbus, tribus, vel quatuor horis cum condimentis, pipere maxime, coquere oportebat. Sed assae carnes sunt multo meliores, ut supra in aqua frigida, et fervida toties prius maceratae. Et quando iam caro alba est, certam quantitatem (non in verru, absit, sed ad ollam mundam), de aceto super infundere, de sale, si non sunt alia aromata, de pipere, zinzibero, et iunipero, operire bene ollam 4. horis ad carbones coquendo, revera mollis erit, et ut ferina caro sapiet; non svadeo assare vel coquere tales carnes, si

aliquis nescit, alioquin non est cibus, sed venenum. Deficiebant dictae carnes famis tempore; ad expellendam famem pelles vitulorum et vaccarum vorabant, decem diebus, vel ultra in aqua macerabant, et instar Coriariorum expurgabant, mundissimas scindebant, coquebant, aromatibus condiebant cum aceto, non tamen sapiebat miserrima talis portio.

De caritate annonae.

Svecis et populo civitatis, deficientibus vitae alimonii, quae sibi pro obsidione paraverant, fuit annonae publica inopia; una libra panis duobus aureis vendebatur. Hoc autem non solum pro defectu frumenti, sed magis ob molas, quas non habuerant, nisi equinas, vulgo Ross-mühl. Fabricaverat enim Commendans (ut olim Molitor) aliquot artificiosissimas molas equinas, pro agitatione rotarum uniuscuiusque molae quatuor equorum paria servabantur et alebantur, sed post aliquod tempus ob defectum pabuli occisi, et devorati fure. Et nonnisi pedales, et manuales quoque poterant compagniae pro se aedificaverunt. In defectu enim farinae, proventuales panes illis nondabantur militibus, sed loco panis mensura proportionata de tritico, de silagine vel hordeo, ex quo frumento farinam fecerunt sibi, vel pro caschovia utebantur.

Olfactu panis pauperes reficiebantur.

Habebant adhuc ad trecenta circiter vasa de farina pro ventuali pro extrema necessitate servata, et ex ea nonnisi Officialibus maioribus et minoribus subministrabatur panis. Gregario militi de frumento ut supra. Est notatum dignum, quod meis vidi oculis, ubi apud Officialles pinsebatur panis, plurimi homines pauperes conveniebant, et stantes in plateis odorem panis olfaciebant, et inde reficiebantur, et tandem eius defectu natura non contenta, ex eis fame moriebantur multi. O! quam terribilis mors hominis prae fame morientis! Saepius Pater Paulinus Guardianus tales infirmos visitando, et ad mortem disponendo pane reficiebat, alias prae nimia debilitate loqui, minus confiteri potuissent. Qvaedam senicula virgo nobilis, devotissima, frequentissime confessa est, quotidie in templo, tandem aliquamdiu a nullo est visa. Habitabat in domo

alicuius Vicarii unica solitaria, a quadam ipsi nota visitata, et semi-viva inventa; pellente fame manus suas, et quidquid apprehendere potuit, devoravit. Pater Gvardianus advocatus, cui confessa spiritum Deo reddidit.

Alleviatum pretium panis et frumenti.

Innotuerat magna et publica inopia Commandanti, praeceps pretium panis et frumenti, hinc facto consilio per plateas publicari mandavit, quod si foret alicui militum superfluitas panis, non cupiditate auri, sed inopiae proximi succurrendo, non duobus ducatis ut ante libram panis, sed uno tantum ut venderent; illos tamen, qui liberos habent, et aliunde vivere nequeunt, exceptit. Quoad frumentum avidi pectiniarum aliqui ex Officialibus maioribus clandestine, et ex gratia, cui volebant, vendebant, nimis magno pretio. Ut scio, tres Senatores: dominum Wenceslaum Meixner, dominum Michaëlem Keller, et dominum Tobiam Schwonauer pro una mensura siliginis 30. aureos dedisse uni Colonello; etiam hoc venit ad aures Commandantis, cum indignatione illum, et alios corripuit tales avaros, et ut leviori pretio venderent, si superfluum haberent, iniunxit.

Victualia mittuntur Patri Gvardiano.

Quam inopiam et calamitatem cives, Pater Gvardianus Paulinus eandem patiebatur; bolum panis apud Officiales mendicare propter Pomerum nec quidem se monstrare licuit, cives accedere etiam fuit interdictum. Quidam bonus dominus, Brunensis civitatis Iudex Caesareus, audiens Patrem Paulinum Gvardianum humano praesidio fuisse destitutum, motu proprio sola commiseratione tantum ductus de variis victualibus pane, vino etc. currum oneratum cum quatuor equis ipsi misit, et cum consignatione omnium rerum penes tibicinem ad Commandantem expedivit. Ad portam civitatis excubiarum a tibicina scriptam consignationem acceperunt, et Commandanti consignarunt, a quo Praedicantius eam accepit, et iussus Patri Gvardiano Paulino ad manus tradidit. Laetanter Pater Gvardianus victualia scripta accepit, scriptis autem contentus esse debuit. Nam consilio facto tibicen et auriga ad portam optime tractati cum tali resolutione, quod optime Pater Paulinus Gvardianus habeat,

et nihil prorsus egeat, cum nunquam ne quidem panis micam ab ipsis habuerit, bene tractatos cum omnibus rebus Brunam dimiserunt.

Ex castris victualia P. Gvardiano secundo transmissa.

Altera vice Reverendissimus dominus Caspar Karas, Praepositus et suffraganeus Olomucensis, Bruna domino Circendorffio sibi semper optime volenti in castris existenti nunc Caesareo Iudici Olomucensi, pecuniam mittens commendavit, ut omnia, quae ad vitae rationem spectant, in castris coemeret, et Patri Paulino ad civitatem mitteret, quod ut factum est; pro meliori modo Circendorffius apud dominum Generalem Caesareum in castris instituit, ut coemeret omnia per suos tubicines, in se reciperet, et Commandanti ea transmitteret. Similiter, ut ante, tubicines cum aurigis ad portam inebriarunt, et provisionem cum curru onerato ad castra remiserunt cum tali resolutione, quod unum Sacerdotem Catholicum habeant, ipsum bene tractent, et nil ipsi desit. Dominus Circendorff omnes res illas accepit, in castris consumpsit et alio modo Patri Paulino, vel eius Conventui, recompensare promisit.

De cane, qui aluit Patrem Gvardianum.

Tempore illo miserrimo, cum media vivendi inter hostem defuerint, alia Deus omnipotens subministravit. Puer unus nomine Iacobus a civitate pro servitio Patris Gvardiani ordinatus, unum caniculum a parvulo ita instruxit, quod non solito modo (quod serviunt alii canes), sed posterioribus pedibus serviret, ac ambularet. Caniculus ut homuncio vestitus Gvardianum, et puerum ut homo seqvebatur. Innotescens Officialibus Svecis, taliter seqvebatur eos, et ei bene faciebant; sciebat quartiria eorum, et fuit consuetudo gratis non dimittere eum. Famelicus ad eos veniens si partem panis acquisivit, ad Conventum citissime portabat, et Patri vel puero praesentabat, quod fuit maculatum pro cane, reliquum pro Paulino et puero fuit. Unicus canis ille in civitate, et ab omnibus amatus. Ad ianuam quartirii alicuius Officialis, si occlusam deprehendit, semel tantum latratum edidit, et ipsi mox aperiebatur. Pro se Commendans caniculum habere voluit, taediosus continuo

latrabat, et dimiti debuit. In discessu Olomucio dono ipsum Commandans voluit habere, et obtinuit, ipsum vestivit, et in currum accepit. Secunda die ex itinere est reversus. Ordinarie ad portam Conventus egit excubias, si notus venit, et pulsavit, latratum semel edidit, et ad ignotum, tam diu et furiose quousque non veniat Pater, vel puer.

De Praedicantibus vel Pastoribus.

Generalissimus Svecicus Durstensonius post introductionem regiminum Olomucium reliquit ipsis quaque Praedicantios vel Pastores, qui a primo principio persequi inceperunt Ecclesiasticos, et in eos inexplicabilia scommata effundebant, eis insidiabantur, ita quod vix securus aliquis prodire in publicum ausus fuerit, minus alicui obviare Praedicanti. Adverterunt Supremi et ipse Commandans Pastorum insolentias, facto consilio cum Officialibus conclusum: cum Praedicantii et Catholici Ecclesiastici convenire nequeant, et bellum polyticum non religionis est, vocatis Praedicantis mandatum datum, ut inter se unum eligerent, qui de fidei illis articulis, in quibus dubium habent, librum conficeret, imprimi mandaret, et exponendum Catholicis daret.

Liber Controversiarum explicatur.

Senior inter Praedicantios Pastor, nomine Wolfgangus quondam Soc. I. sacerdos professus, librum controversiarum edidit, et typis mandavit, deinde omnibus Concionatoribus illius operis exemplaria iussu Commandantis distributa, et contenta publice in concionibus per puncta explicata fuere. Laus Deo! optime successit Catholicis, et cum magna confusione haereticorum, ut in omnibus ferme concionibus subordinati auditores Svecici doctrinam Catholicam approbarunt, et reprobarunt illum librum.

Interdicta Scommata Praedicantibus.

Finita in publicis Concionibus libri contra Catholicos impressi explicatione, in consilio decretum factum, ne imposterum qualiscunque fidei sunt, Lutheranae, Calvinae, vel Catholicae, omnes in quiete viverent, et in sua vocatione unus alterum

inquietare ne praesumeret, et si secus faceret, et aliquis apud Commandantem conquereretur, iustitia uniuersitate fiet. Non multum tamen aliqui Praedicantii decretum curarunt, imo magis accensit tam in suis concionibus, quam in plateis contra Catholicos scomatizabant, et blasphemias proferebant.

Concussus calepodiis Praedicantius.

Nihil meliores facti sunt post decretum Praedicantii. Unus habens quartarium in quartirio Commandantis, et quotidie in publica platea, vel tabula apud eundem forte in spem gratiae Domini quasi desperate Religiosis molestus, in sua praedica, in via, et ubi habuit occasionem, eos vexavit. Propter ipsum occurrente necessitate non absque molestia ad Commandantem Ecclesiastici accedebant; advertit haud dubie et Commandans, ipse ista omnia non libenter vidit, nec ipsum corripuit, sed dissimulavit. Advertente tandem uno Ecclesiastico, Patre Michaële Pomer ad P. P. Bernardinos Gvardiano, alioquin Commandanti notissimo, quaestio inter illos discursus facta, quod de iniuria, quam Pastores Ecclesiasticis faciunt, non conqueruntur, sat modeste respondebat, non debere religiosos conueri, sed omnia pro Deo patienter ferre, imo male facientibus bene facere. Stantibus post mensam recte cum aliis Officialibus ad fenestram apertam, Pater Michaël advertens transeuntem Praedicantem cum digito monstravit, et dixit: ille, qui transit quam perversissimus omnium, et forte in spem domini Commandantis peccat, nos odio habet, et conueri non audemus. Ad haec Commandans respondebat: Mi Pater! vade cito, cum pertransieris, et causam tibi dederit, eum tuis ligneis pedibus conutias, et facies nobis hic aspicientibus lepidam comoediam, et erunt salva omnia. Advertens Pastor cito ipsi occurrit Gvardiano per pallium trahens ubi fuisti? et quorū Monache? et pluribus scomatizavit verbis. Habita dispensatione laetus ad Conventum revertens stat igitur Pater dicens: Mi Charissime! relinqvas me; sic magis ac magis fervet Pastor, ille Gvardianus pallium depositus, Fratri, ut teneret, dedit, armavit se cum caeremoniis contra Pastorem, manicas composuit, tunicam elevavit, coculos ligneos sat graves e pedibus depositus, concussitque eum fortiter; ultimo proiiciens Pastorem in terram, conculcavit pedibus usus his verbis clamante Pastore: pasce oves tuas, non

nos. Ecce habes, vade in pace. Dein accepto pallio perrexit vias suas. Commandans cum Supremis videntes lepidam comoe-diam summopere riserunt, et Pomeri laudaverunt resolutionem. Dictum Pastorem nec admisit ad qvarterium, eius reculas ex fenestris eiicere mandavit, et ex civitate ablegavit.

De Praedicante incarcerated.

Qvondam ex Sacerdote Catholico unus in Pomerania ob increpationem bonorum Parentum, ut ipse enarravit, ex patria in Sveciam profugus, ibi apostata factus fuit; in uno regimine militum pro Feldt- praedicante assumptus. Hic in tali vocatione existens Olomucii ut pastor ordinarius suam praedicam apud S. Mauritium perficiebat. Eius praedicatio non nisi ex postilla brevis explicatio supra Evangelium fuit. Aliqvando ab Officialibus acsi aliter non posset praedicare vexatus, propter senium et labilem memoriam non aliter posse concionari, se excusaverat, cum ante doctissimas fecerit praedicas; revera nulli unqvm molestus, largas eleemosynas, una cum eius praedicantessa largiebatur, de Catholicis nulla scommata, imo omnia bona loqebatur, et forte ob istam causam Catholicus prediger vocatus fuit. Sub obsidione in domo Obeslaviana pro Commandante Georgio Paikul una pulchra Dama servabatur clam. Illis diebus a Caesarianis ferme qvotidie aliquid accidit, et ut plurimum in illa domo. Incendium bis ex granatis; globi ex mordariis tectum deiiciebant, sic freqventer similia fiebant, et Dama ideo qvieta consistere ibi non potuit. Inde murmur inter Officiales, nemo Commandantem monere audebat, minus Damae loqvi. Incitarunt Commandantem per Praedicantem senem, qui in concione doctissima invectivam faciens, ne et alii cum illa domo perirent, ex illa idolum eiicere svasit. Finita concione ad carceres raptus, et qvousque non monstraverit ex postilla, ex qua praedicat, illa, quae locutus est, dimitti non potuit, sed in carceribus publicis ultra medium annum fuit, et alias ex muscetariis in locum eius substitutus est.

Substituitur vices gerens incarcerated Sclopetarius.

Potuit substituere aliud in loco incarcerated Commandans Praedicantium, sed in despectum seniculi mandavit qvaeri unum

per postas muscetarium, ut ex postilla explicationem Evangelicam uti alter possit ex cathedra legere. In districtu S. Iacobi unus Sclopetarius, nomine Michel Witembergensis, qvi utecunqve Witembergae studuerat, inventus fuit, sed supra omnes (cuius opera in cantiunculis Lutheranis utebantur) Bassista optimus. Huic Commendans pallium, et galerum incacerati dari mandavit. Pro 1^{ma} proba aliquot diebus in foro publice, ubi omnes conveniebant milites, concionatus, et brevi ad cathedram pomeridianam in templo S. Annae promotus. Etsi parvum ibi ex concione accidens habuerit, adiunctum ei officium ludi-Magistri, et optimum qvartrium apud unam viduam aciculariam accepit, et si in eruditione puerorum et concione pomeridiana profecerit, eum Commendans brevi ad pastoratum promovere promisit.

Dismissus senex Pastor ex carceribus.

Aliqvt mensibus Praedicantius in carceribus mortificatus ad interpositionem Officialium dimissus hoc modo fuit: iussu Commandantis tres eqvi iuncti currui, et positis rebus Praedicantii, et simul cum eis Praedicantissam ponit ad currum, et ad carceres duci una cum Praedicante in exilium perrecturos. Cum pergerent, auriga fuit subordinatus, ut circum duendo currum circa Curiam ad vigesies se viam non posse tangere dicebat, monstrabatur via, et porta: Ecce! hic pergas hue, ac si mutus et surdus non intellexit; spectantes Officiales et milites discessus ille recreavit; ultimo post longam vexationem ductus ad suum qvartrium, et ei pallium, et galerus restitutus est; Postillam vero illam, qva pro concione utebatur, per tympanistam ei consignabat cum verbis his: ut nonnisi ex illa ut ante praedicit; si secus fecerit, ex civitate cum despectu eiicietur in exilium.

Incepit Michel Witembergensis scholam Lutheri.

Semi-Pastor Michel Witembergensis scholam Lutheri intuitu ulterioris promotionis ut ludi-Magister institutus docuit, et in concione multum proficiebat, et qvandoqve in suffragiis publicis in foro adiuvabat alios Praedicantios, maxime cum pueris militum sat diligenter sylabizabat, et cum eis funera

freqventavit. Propter talem diligentiam in consilio bellico volebant eum Officiales esse praedicantem, uti omnium votis pro approbatione Wratislaviam ad Superintendentem cum recommendatione est ablegatus, ubi ter praedicando est habitus approbatus, et pro tali Olomucensibus Svecis remissus.

Lutherus Michael uxorem duxit.

Reversus Wratislavia Lutherus Michael, pro pastoratu approbatus, sed needum habens uxorem nominatus tantum, legitimare itaque suum pastoratum et uxorem propriam habere oportebat, alioquin cathedralm ei ascendere non lieuisset. Optavit igitur non aliam quam suam hospitam Nadlerin, seu aciculariam viduam. Facta pro nuptiis praeparatoria, hospites invitati, post copulationem multi invitati, celebrant laeti nuptias; post primam diem nuptiarum (uti iam legimus) praedicam fecit primam, sequentibus diebus continuando nuptias, sed iuxta illud verissimum: Extrema gaudii luctus occupat; nam in saltu sponsa omnium oculis exposita gravida proclamata. Ad Commandantem rumor venit, qui, von expectando nuptiarum finem, Neo-praedicantem sponsum suspendit ab officio, nec ad S. Annam praedicare audet, tantum simplex ludi-Magister manet, et togam cum galero pastorali deponere debuit publice, cum tali casu reservato, ut ad adventum alicuius Generalis domini Witemberg vel Königsmark absolutionem et dispensationem expectet. Post annum Generalis Witemberg vieniens, a tali quidem casu reum absolvit, et pastoratum restituit, sed pallium et galerum uti pastoris signa portare (nisi beneficium aliquod acceperit) non fuit ausus. Nam inter Svecicos Pastores nec in provinciis Moraviae, Austriae, Poloniae, et Silesiae data ei erat licentia praedicandi, uti similes patentes, vel dimissoriales a domino Generali Witembergo accepit, et cum illis patentibus cum sua sposa perrexit in Ungariam, et ibi non habita conditione rediit ad patriam.

Incipit Schola Catholica.

Sub iugo acatholico nemo praesumpsit aliquid de Scholis incipere Catholicis. Cum Lutheranus Michel Witembergensis scholam Lutheranam incepit, dedit ausam et exemplum huius

hominis Michaëli Catholico studioso, ut scholam Catholicam (nemine contradicente) inciperet. Hinc isti scholae catholicae et Lutheranae uterque ludi-Magistri a suis nominibus recte vocati, unus Catholisch, alter Lutherisch Michel. Unus iuventutem Catholicam in collegio instruebat, et alter apud aciculariam. Nominatum studiosum Catholicum, Michaëlem, Pater Rector Societatis I. in discessu ad exilium inspectorem Collegii praefecerat, et ut ibi, si fieri posset, permaneret, ordinaverat; et si perseveraverit fidelis inspector, post liberationem civitatis etiam susceptionem ad Societatem certo promiserat. Fuit tandem bono Michaëli in collegio tam diu esse solum, sociam sibi ad custodiendum collegium assumere cogitavit, solicite qvaesivit, et hac inventa ipsas nuptias celebravit.

Catholisch Michel uxorem duxit.

Fuit olim Olomucii recte penes turrim novam arcularius, post eius obitum superstes vidua, bona vitae foemina cum suis filiabus. Hae soli Deo servire, vitam perfectam traducere insti-tuerunt, et votum castitatis emiserunt solemne. Illis adiunctae aliae quoque puellae et viduae nulla prorsus devotione praetermissa ecclesiam P. P. Soc. freqventarunt devotissime, extra devotionem exercitiis honestissimis et laboribus, lotione vestium, et factura candelarum pro ecclesiis se occuparunt, gratis omnia. Hoste superveniente ob inopiam victus, deserunt omnia, et exularunt. Una ex illis omnium pauperrima, nomine Marianna, media pro itinere non habens remansit solitaria. Supra nominatus Michael studiosus fuit illius Congregationis puellis bene notus, unicus in collegio. Fors bullam Gregorii XV. (qvae fuit in perpetuam rei memoriam) legit, vel ipsi aliquis narravit, et sat bene intellexit verba illius Pontificis: similis (talium puerarum) congregationis si emiserint vota castitatis etiam solemnia, eam dispensasse; quod si voluerint monasterium S. Monialium intrare, et votum servare indulssisse. Si secus, cui velint, nuberent. Illa vero Marianna ut pauper, dotem pro monasterio non habens Catholico studioso ludi-Magistro nupsit; ille pueros, illa puellas legere erudiebant.

De novitiante pro Pastoratu.

Porrexerunt Sveci modum Praedicantibus Wratislaviensibus, eos, qvi praetendebant pastoratum, approbandi, et promovendi, ut supra nominatus Michel primo Muscetarius Wratislaviam pro approbatione missus, vicissim Superintendens Wratislaviensis suos Novitios (ut ipsi appellant) Olomucium mittebat approbandos. Veniens inter alios cum patentibus unus, qvi suum exercitium et publicam in foro concionando probam faciebat, Officialibus, et Praedicantibus, ac toti auditorio ita placuit, qvod non solum approbatum Wratislaviam miserint, sed pro suo Praedicantio (dummodo sit unius uxoris vir, et dimissoriales habeat a suo Superintendente) petierint. Absqve ulla remora Wratislaviae sponsam sibi elegit; cum illa prima nocte primitis absolutis cum dimissorialibus se contulit Olo- mucium, et a primo principio peior qvam aliarum nationum praedicantes erat. Eius praedica semper scabiosissima contra Catholicos scommatica, et ipsismet auditoribus scandalosissima fuit. Praedicavit tribus annis, et propter eius multa scandala exosus apud omnes, ultimo privatus officio, et ex civitate electus et pulsus, ut infra.

Eiectus ex civitate Praedicantius.

Recte ipsa die Corporis Christi (1647), dum Catholici tale festum cum magna solemnitate et devotione (ut moris est) celebrarent, plane post vesperas Praedicans totus potus ad ecclesiam veniens ex altari candelas frangebat, et inter homines proiiciebat, candelabris populum percutiebat, ex templo expellebat etc. intra tales actiones nemo potest explicare, qvales insolentiae et blasphemiae fiebant. Canis talis rabiosus benevole admonitus nihil curabat, et magis qvam mente captus latrabat, demum a Patre Qvardiano admonitus cui etiam Commendante minabatur; tunc primo relinqvens alios, verbis dishonestis, blasphemis, iniuriosis contra Commendantem assurrexit, qvod nihil euro talem etc.; supra verba illa inhonesta protestatio facta fuit. Altera die Commendanti relatum, omnes illi praesentes ad consilium bellicum citati, audit, qvi et verba, qvae audiverant, iuramento approbarunt. Absente Commendante res diligenter examinata, sententia lata; ipsa hora ipsi praedica interdicta; post

24. horas cum sua pastorissa exire ex civitate, et exulare coactus est. Post tres annos pace publicata adveniente Generale de Witemberg poena talionis proclamatur: In templo nempe S. Mauritii publice cum magna prostitutione, et pudore revocare debuit. Facta revocatione ut infamis nullibi sistendo exulavit. Petit gratiam Commandanti deprecandi, sed Generalis non consensit.

De exercitio Neo-prae dicantium publico.

Exercitia, seu suffragia Sveci publica habuerunt de die bis, mane hora 8^{va} apud Commandantem, et apud alios Supremos, vel Capitanos ante domum in atrio aliquo, et ibi praedicantes conveniebant, et alii, qui volebant per medium horam. Hora autem 4^{ta} pomeridiana ex omnibus postis, seu districtibus, omnes ante domum suorum Officialium comparuerant; inde armati cum vexillis, et tympanis una cum Officialibus ad maius forum ad preces, et suffragia, ibique suo ordine compagniae stantes vexillis suorum regiminum simul in loco deputato collocatis, arma deponebant ad terram, et se ad audiendum verbum disponebant. In loco deinde eminentiori (simul tympanis positis) unus interim Neo-prae dicantius vel pro pastoratu licentiatus, aut aliquis novitians (si fuit) apostata, etiam in defectu iuniores Praedicantii id ipsum faciebant, praedicabant, et se exercebant, et Seniores Pastores advertebant ad eos. Talis novitiatus fuit, et proba praetendentium pastoratum. Nominati stantes inter tympana facta reverentia domino Commandanti, et Supremis, ac maioribus Officialibus e regione in domo praesentibus, dein versus totum Conventum militum brevem sermonem Lutheranum faciebant, quem precibus, et suffragiis pro regno Sveciae, pro Generalissimo, et aliis Generalibus, Colonellis, Officialibus, nec non felici successu in civitate, et externis regnis persolutis publice, finiebant. Ultimo canticum decantando verbum seu parola pro nocte disponebatur. His finitis tali ordine, quo veniebant, pergebant ad postas, et loca excubiarum suarum.

De Apostatis.

Primo: Quidam Dominicanus sacerdos statura longissimae Austriacus annorum 40. circiter vir doctissimus ad portas civitatis veniens, ab excubariis quid velit? interrogatus respon-

debat, se habere aliquva secretissima cum domino Commandante conferenda, admissus, cui intentum aperuit suum; vocavit ergo eo momento dominus Commandans ad se Praedicantium religiosis inimicissimum, ipsique Dominicanum tanquam Novitiantem ad probam commendavit (1645), et apud eum qvartrium consignavit, et ut ipsius opera ad placitum, et servitio uteretur. Revera rigorosum Magistrum Novitiorum habuit; in domesticis ut puer ipsi inserviebat, et in medio civitatis hora 4^{ta} pomeridiana pro exercitio praedica ipsi assignata; inter tot millia cogitet unus qvam magnum scandalum, qvanta confusio religionis! in habitu Dominicano, pallio nigro pulcherrimo, publice ultra qvadrantem anni praedicavit, et diutius fecisset, sed Magister eius Praedicantius non libenter eum apud se habuit, et ut ipsum amoveret, diligenter ad vitam eius attendit et tam ille qvam familia, occasionem eum eiiciendi qvaesivit.

Eiicitur Dominicanus a Praedicantio.

Qui qvaerit percutere canem, invenit lapidem. Hoc dictum verificatum in Praedicantio; semel nimis sero Dominicanus ad qvartirium venit iam sub tenebris, et videns praedicantissam in culina coquentem ascendendo sensim per gradum sursum paululum (ioci gratia) eam terruit, licet illa adverterit, qvis esset, exclamavit: Praedicans cito qvis est? qvis est? qvaerit? Strepitus; lumen; lumen; fur; fur; qvaerite furem, qvaerite; eiicie eum. Antehac pueri, et familia subordinata habita occasione fustibus, lignis ad forum eiiciunt Dominicanum, tumultus factus foris, accurrunt milites, et communis plebs non advertentes qvis esset, cum strepitu magno fugientem inseqvuntur, lapidibus, luto percutiunt ad ianuam usqve Comendantis; Commandans ex fenestris prospiciens clamavit: adhuc plus; adhuc plus; portam clausam videntes, fugiebat ulterius ad domum Commissarii Generalis Svecici.

Dominicanus fugit ad Commissarium.

Tumultum extra Generalis Commissarius inaudivit, Dominicanum fugientem intellexit, ianuam aperiri iussit, eumque recepit hospitio, tunc primo cessavit qvassatio. Ad eum Confessarius, id est: Commissarius: Ecce Dominicane! non

habuisti forte talem novitiatum utpote apud nos habes nunc? Si de illo Commendans scire noluit, nec Praedicantii; Commissarius igitur eum in suam tutelam accepit, et videns totum pallium in fuga laceratum, aliud ad instar Praedicantium fieri mandavit, apud se tenuit, sed ab illa die infamis, et exosus apud omnes, nec ad illam publicam in foro praedicam amplius est admissus, alius novitians est substitutus.

Dominicanus quaerit modum ad priorem redire statum.

Sat bene vidit Dominicanus, qvod male fecerit quadrantem anni probationem in Lutheranismo explevisse; vix non factus desperatus, in fuga bene concussus semi-valetudinarius summe poenitebat, et modos possibles redire ad priorem statum quaesivit. Liberius qvidem qvam a Magistro Praedicantio exire licuit, pro curanda salute exire ad medicum Winklerum se apud Commissarium licentiaverat, et saepe sub praetextu curandae sanitatis ad Patrem Gvardianum pro consilio excurrebat. Prima vice ad Conventum S. Iacobi veniens ductus poenitentia flexis genibus et cum profusione magna lacrymarum se errasse lachrymabatur, et saepe bis de die, ubi potuit se absentare, occludendo se in ecclesia disciplinas faciebat. Pater Paulinus videns hominem errantem et severam poenitentiam facientem, occasiones varias eum iuvandi quaerebat. Hochwaldii in bonis Capituli Olomucensis tunc Reverendissimus dominus Mercurianus, serenissimi archi-ducis episcopi bonorum Administrator residebat, qvi propter excursiones Svecorum militum cum Commendante notitiam contrahens uti non parum subditis profuit. Illi domino Pater Qvardianus statum errantis exposuerat, et per ipsum totum negotium Admodum Reverendo Patri Provinciali Dominicanorum provinciae Austriae fuit notificatum, ita qvod si rediisset, placatum Provinciale habuisset.

Probavit apostata Dominicanus redditum, et non successit.

Certior factus Dominicanus de gratia Provincialis sui probavit redditum ad istum modum. Fuit moris Praedicantibus extra civitatem ad certos passus spatiare relicto tantum pallio in porta apud excubias; etiam Dominicanus bis vel ter exiverat taliter, sed semper impedimentum habuit aliquod, vel Officiales,

aut excursiones ipsum offendebant, et cum ipsis redire debuit. Ultimo exeundo fecerat iam ultra quadrantem milliaris. Videns Capitaneus, qui praeferiebat excubiis, post ipsum duos scoloparios dimisit, et eum redire coegerunt, potuit se facile explicare, se terminos, vel passus non scivisse, vel non numerasse, sed non adeo imposterum ipsi credebant, quia nunquam postea eum extra dimiserunt.

Dominicanus apostata uxorem ducere debuit.

Quem malus Genius ligat, difficile solvere eius catenas. Sic media Dominicanu ad statum suum redire defuerunt, paullatim zelus eius, et poenitentia cessabant, post carnem abiit, caro decepit eum, et carnis opera facta sunt manifesta. Fuit coqua apud dominum Commissarium non bonae famae, imo in illa domo apud omnes suspecta. Hanc Dominicanus adiit, absque illa nulla conversatio iucundior; inde notabilis de eis suspicio, quod magis in culina ipsi blandiri, et assaturam vertere visus est. Similia ad aures Commissarii pervenerunt, a quo vocatus, ipsique verbum ioco vel serio dictum; Domine Pastor melius est nubere, quam uri. Egregie tibi cum coqua Ursula quadrat. Non est bonum hominem esse solum. Accipe illam, iuvabo. Ad unicum verbum assensum praebuit; Ursula vocata manus ad manum non differendo facta sunt sponsalia.

Nuptiae factae sunt Dominicani apostatae.

Egit dominus Commissarius Generalis Patronum bonum Dominicanu apostatae sponso, et coquae suae sponsae, et expensas pro nuptiis fecit magnas, et diem dominicam Sexagesimae pro tali actu assignavit; occasione enim illarum nuptiarum ab illo pro omnibus Officialibus, Supremisque bacchanalia erant sumptuosa instituta a Commissario. Pro istis nuptiis triginta domus fuerunt invitatae. Intuitu domini Commissarii nuptiarum Patroni nemo se excusaverat. Pro confirmatione matrimonii (cum nemo ex Praedicantibus domesticis nihil cum infami Dominicanu habere voluit) Sternbergensis Pastor, vocatione textor, vocatus fuit; facta copula licet invitatus pro convivio, propter Pastores alios recusavit. Delegati a Commissario Invitatores; pro tot, et tantis viris splendidissimum

convivium parabatur: primo Commendans non habens affectionem ad Dominicanum haud difficile se excusavit, si ille recusavit, etiam Commissarius non venit et consequenter, maiora capita, etiam nullus Officialium venire praesumpsit. Musici in civitate in favorem domini Commandantis, et domini Commissarii, erant paratissimi. Sed si ipsi non, etiam illi remanserunt, uno verbo neminem habuit praeter Commandantis filii praceptorum. Confusus sponsus ex simplicioribus, quosque novit, invitavit, sed et ipsi venire nolebant. Dominus Commissarius magis contristatus, ubi constituit bacchanalia laetitiae, haec omnia nulli quam Dominicano adscripsit.

De revocatione apostatarum Dominican et Iesuitae.

Paucis diebus post Dominicanum venit unus in eum ungarico vestitu indutus; hic sciens non esse affectum apostatis Commandantem, apud locum tenentem unius Colonelli dominum Rittefort sese insinuavit; et quis esset, praeter illum solum dominum nemo sciebat. Culinae praefecti officium interim agens ad omnia, quae Dominicano contingebant, diligenter advertebat. Ut Culinae Magister domi pluribus se occupavit cum caeteris; aliquo casu parruca ex capite cecidit, assistentes ex signo, et corona Iesuitam esse adverterunt, et venerabantur ut talem. Omnes Reverendum Patrem intitularunt, huiusmodi rumor venit inter multos, licet ipse negaverit, gratis totum fuit. Negotia ex officio perficiendo in foro a suis patriotis (fuit enim Kornayburgensis) agnitus, et ab ipsis Societatis Iesu proclamatus. Ab illa die caute se gessit, foras non multum exivit, edocitus a Dominicano clam per dominum Rittefort eius pastoratus apud maiores, et revocatio promovebatur. Duae dies pro revocatione duorum assignatae (cadebat illo anno festum S. Mathiae apostoli sabbatho) quae erat pro Iesuita, et die sequenti dominica Quingvagesimae pro Dominicano; in templo Sancti Mauritii publice in concessionibus suis revocarunt, et posito tormento uno ex minoribus iurarunt. Ista duorum revocatio fecit omnibus Officialibus bacchanalia laetissima, persolutis bacchanalibus dominus Commissarius Generalis clam utrumque ex civitate expedivit, et in Pomeraniam alegavit.

De duobus apostatis Augustinianis.

Experientia docuit Commandantem qvantas cum apostatis habuerit tribulationes maxime cum Dominicano. Ad instantiam dominae uxoris Commandantis (de domo, et familia Münqvitziana), olim bonae Catholicae, Commendans nihil habere voluit cum Ecclesiasticis, imo militibus foras excurrentibus, si deprehenderent similes in via, libere ut transire permetterent, mandavit, et ad civitatem captivos ducere prohibuit. Et si necessario, et ob iustas rationes eos capere haberent, arestum in monasterio Bernardinorum pro talibus ordinavit, sed apostatas nullatenus ad portas admittendos demandavit. Venerant duo discalceati Augustiniani Wienna, sacerdos sacristanus, et laicus hortulanus, de istis certior factus est Commendans, et praetensio eorum ei notificata. Ad eos suum latinum Secretarium misit, et eos interrogare voluit; si testimonium vitae, et ad Lutheranos vel Calvinos transeundi licentiam habeant? et si non habeant, redeant, et secum ferant, qvod si ergo haec tria tulerint, id, qvod petierint, conseqventur; audita hac resolutione perrexerunt Unczoviā, et a domino Danckfort (ibidem commendante) suscepti, et Calvini facti.

Augustinianus Gewicžensis apostata factus.

Est oppidum non procul ab Olomucio qvinqve milliaribus distans Gewicžium vocatum, ubi Augustiniani antiquissimum habent coenobium. Illius loci pro tempore Superior homo doctus, non adeo longae statura, sed pinqvissimus, cum Gvardiano civitatis Unczoviensis uti vicino optimae conversationis erat. Occurrentibus festis ordinis S. Francisci, S. Antonii, Portiunculae, et ultraqve solemnitate S. Crucis in Patrocinio ordinarie divina perficiebat. Ille vicissim in solemnitate S. Augustini. Diversorium Unczoviae apud civem, apud qvem Commendans in quartirio iacuit, cui etiam optime ille innotuerat, imminente festo Exaltationis S. Crucis (titulo ecclesiae) invitatur pro missa cantanda, et concione peragenda, laetus comparuit; in diversorio intra conversationem pro concione Commendantem invitavit, et ubi Commendans, ibi etiam Officiales alii simul comparuerunt. Hoc unum mirabantur homines, qvod in nova rheda ornata

cum bonis qvatuor eqvis ultra consuetudinem venerit, et mysterium nesciebant. Ante solemnitatem diei illius confessus, devotissimam missam decantavit, et in concione Catholicae fidei turpiter (cum magna admiratione omnium, et scando) resignavit. Qva finita non ad suum Conventum (qvem spoliaverat) reversus, sed sumpto a domino Danckfort testimonio post prandium (sciens Olomucium venientem dominum Generalem de Witemberg) qvam citius cum suis rebus eo se contulit, a qvo benigne exceptus, et ab eo investitura pro parochia acqvisita perrexit in Pomeraniā; vix tribus horis se Olomucii detinuit.

De Uncžovia.

Uncžovia, seu Neostadium in Moravia, tribus milliaribus a civitate Olomucensi distans civitas munitissima, non est, qvod multum scribatur de illo loco, cum notitiam rerum ibi gestarum non habeam. Incolae civitatis illius scientes metropolim Olomucium a Svecis captam, et ipsi se sponte tradiderunt hosti. In illo praesidio Generalissimus Sveciae Dorstenson reliquit proprium Commandantem cum uno regimine tantum Dragonorum, sed optimo milite. Commandans cognomine Danckfort miles antiquissimus, sed in Catholicos crudelissimus, qvi per suos milites, habens multa oppida et arces versus Bohemiam, suis excursionibus non multum impediebat per Moraviam excusiones Olomucensium Svecorum.

De crudelitate Danckfort contra Ecclesiasticos.

Non mirum, qvod Ecclesiastici Olomucenses tantas habuerint persecutiones, qvas causaverat proditio Patris Michaëlis Pomer Bernardini. Sed Uncžoviae dominus decanus, et P. Georgius Chalanius(?) Gvardianus Franciscanorum Conventualium cum uno, et altero Patre sine causa tanta passi fuere. Commandans Danckfort, avidus pecuniarum, dominum decanum Adamum miris modis affligebat; primo rantione, postea exactionibus, licet semper ab illo, qvidqvad voluit, habuerit, sed satis non habens duris carceribus eum mortificavit ad mortem usqve, qui in carceribus mori debuit.

Incendium in civitate Unežoviae.

Casu, qvo non constat, civitas Neostadiensis ultra media incendio consumpta fuit. Post obitum domini Adami decani Commandans Danckfort, multam pecuniam habens, forte poenitentia ductus, ecclesiam cum turri exustam, et decanatum post incendium de integro restauravit, et sumptibus magnis reaedificavit.

De persecutione P. Gvardiani Unežoviensis.

Pater Georgius Chalanius Gvardianus nimis zelosus, mortem innocentis domini Adami decani Svecis obiiciebat; id ipsum Danckfort, Commandans, sciens nunquam rectis oculis ipsum aspiciebat, et diebus, et noctibus non fuit de vita securus; semel circa vesperum visitando infirmum ab aliquot militibus, forte subordinatis, in via offensus est et sine ulla causa ad lutum profundum tractus; extrahentes eum per chordam ex illa spurcitie per plateas traxerunt, et absqve misericordia percusserunt. Toga in illo lacerata, semivivum deseruerunt per noctem. Ab aliquot civibus collectus, in domo una lotus, vulneratum ad Conventum deduxerunt. Commandans se volens iustificare, chyrurgos, qvi eum curaverunt, solvit, habitum novum ipsi dedit, et pallium. Ex concussionibus illis plene sanari non potuit, pro recuperanda sanitate licentiatus a Commandante ad medicum dominum Wincklerum Olomucium venit, cuius opera, et magna sollicitudine utebatur, et optimas medicinas doctor adhibebat, non tamen convaluit. Redux Unežoviam continuo valetudinarius, ad exitum Sveci paulo post obiit. Qvem cum civibus flentibus, et multis aliunde convenientibus P. Paulinus Gvardianus Olomucensis in ipsius monasterio ad Sanctam Crucem sepelivit faciente sermonem Admodum Reverendo domino decano civitatis, proposito themate S. Pauli: cursum consummavi, fidem servavi, in reliquo reposita est mihi corona iustitiae, qvam reddit mihi iustus.

De convivio solemni apud Commandantem.

Dives iam factus dominus Valentinus Winter, Commandans Olomucensis, placuit ipsi semel suas ostendere divitias. Recte

secunda die Paschatis magnum instituit convivium, supremos omnes, et omnes prorsus Officiales maiores et minores cum foeminis eorum invitavit, totumque senatum Olomucensem, etiam captivos Officiales Caesareanos, qui nullo modo se excusare poterant; Patrem Paulinum Gvardianum ad S. Iacobum, licet se excusaverit, mittens Secretarios, et Officiales non semel, invitavit, qui nolens volens comparuit. Invitati advenientes, cum se in palatio cum suis discursibus ante convivium occuparent, solus interim Commendans cum sua domina dispositionem tabulae, et requisitorum in altero palatio visitarunt; in atrio eiusdem palatii musici sua musicalia accordantes inaudiverunt Comendantem submissius cum Domina colloquentem in haec verba: hic talis supremus, et hic talis sedebit, et conseqventer omnes invitatos Officiales supremos de nomine specificavit. Primum locum hic pro monacho relinquo, et ipsum oportebit tractare, et quod Caesareanos ex muro dimiserit, solutionem hodie accipiet; debet mihi bene haurire, et cum inebriatus fuerit, ex hac fenestra eiiciam ipsum foras. Et cum se Domina interponeret pro ipso, iuravit: non aliter facturum. Recedente Comendante paulo post cum hospitibus daretur ingressus ad locum, et P. Paulinus cum illis; dominus Georgius Rudecius, philosophiae Magister, simul et director musicae Patrem Paulinum ad partem advocavit, et quae conclusa fuere a Comendante, recensuit.

Locantur ad loca sua hospites.

In collocatione hospitum ad sua loca inter alios primus Patri Gvardiano oblatus est locus, et non aliter: scivit ille mysterium, et humiliter se excusando, innixus tandem domino doctori Wincklero, ac per intercessionem Dominae cum Wincklero est positus. Unicam filiam cum Münqvitziana habuit nomine Eleonoram, et haec quotidie morbum patiebatur caducum. Assistebat puellae domina Dorothea Aureliana optima Catholica, et Sancto Antonio devotissima. In illo morbo maximo obtulit filiam S. Antonio, et quoties illam portarunt ad missae sacrificium, et S. Antonio obtulerunt, res mira! omni die tali libera fuit ab infirmitate sua. Ea filiola illis in occasionibus sat bene nota fuit, sciebat bene Domina, quid pro posuerit Commendans cum Patre in convivio, eumque a malo

liberare cupiens, dispositus Aurelianam, ut ubique sederit P. Paulinus Qvardianus, Eleonoram ad tabulam adferat, et puella ipsi blandiebatur. Advertebat tempus Aureliana, et horam, qva commode veniret cum puella; ubi incepérunt potitare in sanitatem regni Sveciae, in sanitatem Imperatoris, Papae, regis Hispaniae, Galliae, Poloniae etc. et ecce! inter illa pocula adest Eleonora, et ubi innotuerat Patri Paulino, cum capillis eius capit is ludere et blandiri ei incepit. Advertens Commendans summe delectabatur, et ipsa Domina. Impatiens ipse proripuit se ex loco, et veniens ad Paulinum clara voce exclamavit audientibus omnibus: iam video Pater! mutavi sententiam, pro tuo bene placito sis laetus, quando placuerit, abire, non tenebo. A principio Paulinus in angustiis, nec gustare voluit de vino, postea aureis poculis occurrentibus non curabat, nec parcerbat vino hispanico, malvasico etc.

Dismissus P. Qvardianus liber ex convivio.

Pro illo tam solemnni convivio musica, qvae potuit esse melior, in civitate fuit invitata tam pro tabula, quam etiam in civitate ante domum collocata, tormenta quoque in foro duodecim, ubi propinatum fuit in sanitatem alicuius Principis etc. continuo explodebatur. Omnes hospites licet non fuerit eis ad gustum (maxime Senatoribus) laeti esse debuere, nec dimittebantur vix post medium noctem; ideo triplices sortes excubiarum erant positae. Nec fuit potestas exire alicui, nisi cum consensu Commendantis. Solus Qvardianus propter filiam Eleonoram habita gratia, et dispensatione Commendantis licentiatus, per duplices excubias quidem pertransivit, sed in ultima custodia a praefecto excubiarum arrestatus, et superius ad Commendantem reductus, cui se benevolum monstravit, et si ei placeret ulterius remanere, laetum esse voluit. Interea rheda cum sex equis ante portam constituta, in qva ad Conventum dimissus fuit Qvardianus cum assistentia.

De Admodum Reverendi P. Provincialis Conventualium arrestato.

Sub hoste Sveco licitum fuit (non tamen absqve salvo conductu seu passo) mercatoribus hinc, et inde cum mercibus

transire, et pertractare sua. Occasione igitur aliquorum mercatorum (cum passo Generalis Svecici) in Silesiam ex Austria per Olomucium transeuntium Admodum Reverendus Pater Provincialis Austriae, Krizelius Pancratius, cum suo Secretario et socio Fratre Vito laico Silesiam visitare volens, occultando se inter currus cum fratre libere transire cogitabat; inter visitationem omnium personarum, circa currus famulorum, et aurigarum, et Pater cum laico deprehensus, qualis fuerit, negare non potuit, et passum non habuit, qvi eo qvod in talem propripuerit ansam, ad arestum a militibus ductus fuit, per qvos se Patri Gvardiano insinuavit. Hic factus certior, possibilem modum qvaesivit, qvomodo suum Superiorem ex debito officii accederet, clam tamen accessit eum, et cum diutius secum conversarentur, nocturnae excubiae interim supervenerunt, hinc egredi non potuit usqve mane, et recte ad propositum, non enim habuissent tempus sufficiens secum pro discursibus de occurrentibus sub Sveco, qvam tota nocte illa. Et hora sexta matutina excubiis abeuntibus invicem sibi valedixerunt, ac si se non tam cito vel nunquam amplius visuri.

Mutarunt Sveci Provinciali arestum.

Qvod Gvardianus in aresto per noctem cum suo Superiore et eius socio permanserit, totum ad aures Commandantis pervenit; ablegata ideo cohors militum, ut omnes tres simul ex aresto Bernardinorum ad Generales excubias tollerent, et arestant; Gvardianum tamen iam non deprehenderunt, sed celebrantem ab altari acceperunt, et ut latronem duxerunt, et ad Provincialem arestarunt. Factus tunc rumor, milites qvivis volebant maxime Officiales unum Provinciale Franciscanorum videre, totam domum excubiarum impleverunt, et non alium, qvam fratrem pauperem Franciscanum Provinciale viderunt. Propter qvem mercatores arrestati, et qvod non insinuarint Provinciale mulcati, tandem cum Provinciale propter interpositionem Supremorum ex civitate sunt dimissi. Gvardianus qvoque post severam admonitionem, ne altera vice inconsulto Commendante arrestatos visitet, cum consensu eiusdem Patri Provinciali cum fratre usqve ad portam Cathedralem dedit comitivam.

Reditus P. Provincialis ex Silesia.

Facta visitatione in Silesia Pater Provincialis cum socio Vito per aliam viam reversi sunt in Austriam; satis enim Olomutii vexati viam Uncžoviensem acceperunt, nec ibi civitas fuit aperta eis; sed per mera stagna, seu Morast, quae sunt circa muros illius civitatis, cum magno periculo transire debuerunt. Littoviam venientes, quae est civitas principis Caroli a Lichtenstein, declinarunt ad Iudicem dualem, bonum dominum Magistrum Münich, et cum se reficerent, et madidi toti siccarent, ecce a domino Thoma, Maiore Commandante praesidii Ailenbergensis, superveniente, pergebat enim Olomucium ad Superintendentem omnium praesidiarum in Moravia Commandantem ibidem, hic scire voluit a domino hospite, qui sint illi Patres? intellexit bene, sed plus a solo Provinciali, et qualiter recepti fuerint Olomucii. Illa adhuc nocte Olomucium perrexit, et cum magna commiseratione Commandanti Olomucii totum exposuit, fecitque ei scrupulum, quod non noceret aliter cum talibus pauperculis religiosis procedere. Eadem hora Commendans misit ad Patrem Paulinum Gvardianum suum Secretarium, ut cito volante sigillo Provinciali Littoviam scriberet, et nomine Commandantis eum avocaret Olomucium; adiunxit quoque mandatum Iudici ducali per bonam commoditatem illum transmittendi, et tanto citius tubicinem expedivit.

Pater Provincialis advenit Olomucium.

Adveniente Patre Provinciali cum honore ex Civitate, ab Olomucio duobus milliaribus distante, Litovia porta civitatis aperta, et duae compagniae a partibus cum armis ordine suo dispositae; admissus. Provincialis in medio illorum cum suo fratre ibat, quem comitabantur illarum compagniarum Officiales ad palatium Commandantis usque; anteqvam loqueretur Provinciali, interrogavit Gvardianum iam ibi praesentem, utrum sit Provincialis iste? Gvardiano annuente vocat ipsum, et post brevem discursum ad se vocavit Consulem et Senatum, mandavitque, ut cum suis civibus tanquam Tali honorem exhiberent, ipsum revereantur, et ei bene faciant; libere, et licite ad eum accedere, et conversari indulxit. Certe, licet fuerit magna penuria in civitate, pro viribus tractati fuimus; etiam ipse

Commendans qvotidie aliquid speciale ex sua tabula ad monasterium mittebat, et pro beneplacito, ut maneret, et qvam diu velit, concessit. Intermiscendo ultimo iocos lepidissimos dimisit ad Conventum S. Monialium.

Obtulit Senatus vitae testimonium Patri Gvardiano.

Inter fercula Admodum Reverendo Patri Provinciali ex civitate oblata placuit amplissimo Senatui Olomucensi motu proprio intuitu laborum, fidelitatis, et mortificationum gratitudinis ergo unicum praesentare ferculum Patri Paulino Gvardiano in parchmentina sub sigillo civitatis, vitae scilicet testimonium, ut copiam huius Originalis documenti de verbo ad verbum scribere placuit.

Nos Consules, Caesarisqve iurati civitatis Olomucensis. Universis, et singulis cuiuscunqve status, conditionis, dignitatis, ac praeeminentiae fuerint hasce literas visuris, lecturis pariter, et audituris paratissima nostra obseqvia, officia, ac studia deferentes. Latere neminem arbitramur, qvatenus mox ab exordio nascentis Seraphici Ordinis gloriosus Deus non pro suis tantum obseqviis, sed sub varietate temporum etiam animabus lucrandis servos suos ex familia beatissimi Patris Francisci omni tempore designaverit; huiusmodi personas vocationis hac nostra lamentabili aetate qvoque non defuisse, qvod in persona Admodum Reverendi Patris Matthaei Paulini Zac̄kowitz, S. S. Theologiae baccalaurei, poenitentiarii S. Monialium S. Clarae, Praedicatoris Generalis, Gvardiani ad S. Iacobum in praeturio Olomucensi, Ord. F. F. Minorum Conventualium, afflita civitas nostra Olomucensis abunde experta est, dum nimirum is ex caeteris Regularibus unicus iusto infirmitatis suae interveniente impedimento (non sine dispositione divina) hic detentus, solatio suo nobis afflictis subvenerit. Qviqve in praesentis temporis disturbii post regimen animarum susceptum, munia Ecclesiastica magno cum fructu nullis adversitatibus fractus qvam patientissime non solum obierit, sed etiam tunc, cum in obsidione civitas haec, fame intolerabili premeretur, hic Pater nihilominus deficientibus vitae almoniis, Dei opus, et cultum eius minime deseruerit. In infirmitatibus triennaliibus existens adeoqve pestentiali vulnere tactus, ingravescente qve huiusmodi infirmitate in lectum decidens postposito tamen

notabili suae salutis detimento, solo animarum zelo ductus nullam penitus animam Christi sanqvine redemptam perire permittens, omnibus sacramentum poenitentiae, et viaticum SS^{mæ} Eucharistiae subministraverit; in convertendis haereticis inter militem Svecum degentibus assiduum semper, ac diligentem sese demonstraverit. Praeterea modestia religiosa, patientia, et morum integritate non tantum nobis, et comunitati Olomucensi multum profuerit, verum etiam hostibus ipsis ansam ad Deum diligendum porrexerit. Qvapropter cum cuivis reipublicae Christianae semper in more fuerit, eos, qvi doctrinae salutaris singularibus, consilio, atqve aliis dotibus, seu virtutibus praediti censemur, encomiorum titulis condecorare: Nos qvoqve ne bene nominato Patri ingratiti videremur, memores potius obseqviorum circa nos id temporis studiose ab eo expensorum, deficiente nobis praeterea condigna pro eius persona mercede, seu remuneratione, ex affectu sincero, motuqve proprio hoc ei praesens publicum saltem instrumentum, nec non conversationis exemplaris documentum exhibere merito voluimus, huic sacro etiam Ordini, eius debitibus favoribus aliquando recuperaturi et recompensaturi. Authoritate igitur praesentis nostri testimonii omnibus Illustrissimis Principibus, nec non episcopis, praelatis, et aliis, qvorum interest, Seraphici praesertim Ordinis: Reverendissimo Patri Generali, Admodum Reverendo Patri Provinciali, totiqve provinciae eum commendamus. Praestat enim tales, qvi ob exantatos labores pro fide, et religione, ac prorsus universa Christi vinea vires expendere, gradibus, ac dignitatibus, pro meritorum qvalitate, iure esse remunerandos, atqve exaltandos. Facturi in eo rem suo qvisqye liberali animo dignissimam, a Nobis vero vicissim gratitudinis studio qvam cumulatissime (ubi occasio tulerit) recompensandam. In qvorum omnium, ac singulorum ampliorem, certioremqye fidem praesentis maioris sigilli nostrae civitatis appensione roborari, ac communiri mandavimus. Data Olomucii die 23. Novembris Anno Virginei partus millesimo sexcentesimo quadragesimo octavo.

L. S.

Hoc testimonium Wiennae fuit authenticatum in cancellaria Apostolica iussu Illustrissimi domini Camilli Meltii archiepiscopi Capuani a latere Nuntii Apostolici Anno 1648. ut supra.

Egressus Patris Provincialis Olomucio.

Qvatuordecim diebus Admodum Reverendus Pater Provincialis permansit Olomucii, qvi postqvam intellecterit utriusque Conventus tam ad S. Iacobum, qvam ad S. Claram Monialium statum, Wiennam versus discessum instituit, et se apud Commandantem insinuando, anteqvam illi valediceret, omnes Supremos pro consilio ad se advocabit ut infra.

Sveci Conventum S. Francisci restituere volunt.

Aliqvit annis tractabatur de universali pace, et reete paulo ante discessum Patris Provincialis Olomucium novalia ex imperio (ubi pax tractabatur) supervenerant. Aliqva novalia in valedictione Patri Provinciali sunt communicata, inter alia: qvomodo non in imperio solum, sed in multis provinciis monasteria, collegia, hospitalia, qvae non iure possidebantur, restituebantur illis, qvorum a multis fuerant annis. Hinc dominus Commendans ad Provinciale: Fortuna vestra est, recte ex consilio nostro bellico literae expediuntur in imperium, ut scimus locum, qvem P. P. Societatis possident, qvi olim vester erat; intuitu P. Gvardiani, et in temptationibus eius perseverantiae conclusimus vobis debere restitui monasterium; qvidqvad hic concluditur, ad instantiam nostram certo certius inter conditiones pacis ponetur tam ab Imperatore vel Papa, et toto mundo ratum, et approbatum; sciat, nostrarum partium erit sollicitari de his, et vobis optimam dare resolutionem. Pater Provincialis multa dubia proposuit, nec se determinare potuit. Adiunxit Commendans: Si non consentire vultis, et dubitatis, consultite omnes Wiennae, qvatuordecim dies voluntatem, et solummodo assensum expectabimus, assensu habito Patrem Qvardianum introducemos ad Collegium. Nullo modo disponere potuit consilium bellicum Patrem Provinciale, ita ut mirarentur adstantes Supremi. Infecto negotio Pater Provincialis facta gratiarum actione cum honore discessit.

De Patre Provinciali Dominicanorum.

Qvidam Pater Henricus ordinis Praedicatorum, olim Capituli Olomucensis, et S. Monialium ad S. Catharinam

Ordinarius Confessarius, aliis Ecclesiasticis exulantibus ipse totus podagricus ad S. Michaelem remanserat. Illi Patri multi, qui exiverant ex civitate, ad conservandum sua magni momenti concrederunt. Aliqua ex argento apud Iudeos unus, cuius fuit, agnovit ex signo parvo, et alia vendita, et distracta intellexere. Non erat alias modus, quam apud Patrem Provincialem conqveri; hinc ad instantiam ferme quotidianam aliquorum, Pater Provincialis introitum ad civitatem a Commandante petiit, et sat difficulter obtinuit. Non in Conventu eius proprio ad S. Michaelem, sed in monasterio ad S. Catharinam ei quartirium assignatum. Per interpositas personas omnes res Patri Henrico concreditas intellexit iam totaliter venditas et distractas. Creditoribus unde solvere non fuit possibile, sic Pater Henricus non luit in aere, debuit luere in pelle; ad perpetuos carceres fuit datus, et ibi morte sua solvit. Alia fuit causa Patri Provinciali veniendi Olomucium, illam ovem errantem Dominicanum apostamat a via erroris reducere cuperbat, at fuit iam tarde, nam irretitus carnis desideriis cum sua Pellice iam abiverat in Pomeraniam; duobus tantum diebus fuit consensus manere Patri Provinciali Olomucii, et non ultra. Inde discessit tertia die Brunam.

De P. P. Capucinis cum brevi Apostolico venientibus.

Post devastationem monasterii in suburbio Olomucensi Patrum Capucinorum data fuit eis potestas a Svecis aliquo alio se cum omnibus suis recipere mobilibus. Migrarunt ergo ad civitatem ad domum Illustrissimi Comitis de Salmis, ibi fuit eorum in uno palatio Capella, et devotione sed non plus, quam uno anno. Deprehensus est enim ipsorum Gvardianus, de nomine Theodorus, habens cum Caesareanis correspondentiam literariam, ideo citius fuit electus, quam alii. Alii Capucini tardius propter contributiones pecuniarias cum caeteris Ecclesiasticis exularunt. Baptisaverant aliqui Patrem Paulinum ad S. Iacobum Gvardianum, Olomucii remansisse Capucinum, non Conventualem. Sciebant bene P. P. Capucini nullum remansisse Olomucii Capucinum, sed rumor hominum extraneorum fuit talis, supra illum se fundarunt, et Romae a sede Apostolica in aliquo domo, vel ecclesia deserta pro hoc Capucino, celebrandi licentiam et breve

Apostolicum obtinuerunt. Cum huiusmodi Breve, et aliis favorib[us] literis Imperatoris, Serenissimi, et aliorum venientes Capucini Olomucium admissi, et a Commandante audit[is], post magnum Capitulum confusi, et ad carcerem sunt dati.

Eiiciuntur Capucini extra civitatem.

Ilo vesperi, qvo veniebant Capucini cum Breve Apostolico, paulo post Dominus Commandans vocavit hora 1^{ma} noctis ad se visitando excubias Patrem Gvrdianum, et totum de Capucinis enarravit, et ut se fingeret visitare captivos et ipsis se monstraret, demandavit, qvod et factum est. Notus Patri Gvrdiano Pater Theodorus ante, mirabatur, qvod adhuc viveret; hoc factum erat summo mane; cum illi adhuc ita conversarentur, unus Officialis cum gvardia muscetariorum venit, et nomine Commandantis eos increpavit, ut amplius se non faciant stultos, nec vexent imperatorem, Papam, et Commandantem cum talibus mendaciis, qvod hic non habeant ullum Capucinum. In maximo frigore cum tympanis, et magna confusione educti sunt extra civitatem. Et cum educerentur, dedit eis P. Paulinus comitivam ad medium fori; habentes aliquas secretas literas ad qvosdam cives, eas Pater Theodorus dedit clam distribuendas, et bene factum, exeuntes in porta sunt visitati, et si aliquid apud eos deprehendissent, fuissent peiora prioribus.

Bacchanalia Svecica.

In abundantia omnium rerum apud Svecos conclusum tandem aliquando in bacchanalibus aliquot diebus solemnissima celebrare convivia. Ex aliis praesidiis Officiales maiores cum Dominabus et filiabus invitati. Item ex diversis locis: Nicolsburgio, Ruzinow (Rausnitz), Prostanna etc. cum suis foeminis et saltatricibus puellis Iudei (adiuncta eorum musica) comparuerunt. Ex omnibus monasteriis Positiva, Regalia, instrumenta ad forum exportata, et omnes, qvot qvot poterant Organistas, et musicantes invenire, advocarunt. In foro maiori qvatuor loca theatrorum pro musica, et spatia pro saltu accomodata. Civium Dominae qvoqve, et filiae qvotidie facto solemni convivio saltus mirabiles, aliqui Iudaici, alii Ungarici, Germanici, Polonici, Svecici fecerunt. In medio civitatis posita aliquot tormenta, inter

saltus in favorem regni Sveciae, imperatoris, explosiones, histrio-
nesque suas exercebant, quales poterant excogitare, stultitias.
Gregarii milites, qui adesse non poterant in foro, etiam illi in
postis habuerunt suam laetitiam, cerevisiam sufficientem et ex
proventibus multiplicatam portionem.

De directore chorearum publicarum.

Inter maiores Officiales fuit quidam Supremus Kopi lae-
tissimus, et lepidissimus. Ille fuit author omnium bacchana-
liorum, et saltationum; qui postea erat in Austria Kornayburgii
a Generalissimo Svecorum Commendans institutus; uxorem non
habens, et miles egregius. Peractis aliquot diebus bacchana-
liorum, conviviis et saltibus publicis, etiam ille cum suo
regimine laetus esse voluit.

De particularibus bacchanaliis domini Kopi.

Debuit fuisse dominus Supremus Kopi occultus Catho-
licus, vel Ecclesiasticus aliquis; perquam optime noverat omnium
mores regularium; si nemo ex regularibus in convivio vel foro
adfuit, etiam in locis, seu monasteriis illorum instituit facere
bacchanalia. Ipsi quoque suis temporibus solent esse laeti aiebat.
In convictu primo incepit, licet nonnisi unus, vel alter fuerit.
Cibos domi paratos eo portari demandavit; Officiales sui regi-
minis invitavit; finito convivio choreas cum dominabus et filia-
bus etc. secunda die similiter ad Patres Capucinos totum Gi-
neceum sui regiminis invitavit. Musica solemnis cum tubis et
tympanis. Omnes invitati laeti, etiam P. P. Capucini nolentes
volentes saltare debuerunt. Item apud P. P. Bernardinos, ibi
adhuc maius convivium. Exceptis sui regiminis Officialibus,
foeminis, et aliis omnes, qui volebant, sponte veniebant, et
in refectorio, uti heri, et nudius tertius laetissime comedenter,
biberunt, saltarunt.

Impedita bacchanalia ad S. Claram.

Praemonitae Moniales ad S. Claram a domino Kopi, quod
illas ut alios Religiosos tractare, et eis bacchanalia laetissima
facere instituerit, et fuit dies determinata iam; cum timore et
tremore ingratum hospitem expectarunt. Advenerat recte in

bacchanalibus ex castris Wittembergensibus qvidam magnae nobilitatis Colonellus iuvenis, et domino Kopi semper adhaerbat, et inter alios hospites semper fuit primus; apud Bernardinos cum aliis existens subolefaciebat in crastino ad S. Claram celebranda bacchanalia. Incalescens ex vino non salutando dominum Kopi assumptis suis tantum sociis et famulis perrexit ad monasterium; a milite, qvi ibidem pro salva gvardia fuit, qvid velit? interrogatus; at ille: animum se habere videre Moniales, et ipsis loqvi, respondebat, et qvomodo hoc fieri potest? petiit; miles ad ipsum: habent suum Confessarium, a qvo tota directio; mittitur ad Patrem Confessarium, is veniens dicebat: se non habere potestatem intrandi monasterium, minus alicui dare; ut autem Moniales videat institit; ad instructionem Confessarii Abbatissa octo ex Senioribus, et non speciosis in collocutorio monstravit dicens: se plures adhuc Seniores, claudas, caecas, qvas adducere ob defectum earum non potuit, habere; illas, si non fuerunt ad propositum, despexit et abivit. Avertens se illusum fuisse, assumptis pluribus neqvieribus, qvi magnis lignis portam frangebant, et si ab intus Virgines lignis, lapidibus, et aliis modis possilibus non munivissent, violenter monasterium intravissent. Hanc violentiam salva gvardia advertens ad Commandantem currebat, ex Haubtwacht Officiales cum muscetariis Commandanti insolentes pepulerunt, et Colonellus debuit ire ad arestum. Postqvam edormivit suam crupulam, mane ad sua castra discedere coactus fuit.

Suspensa bacchanalia.

Sciens dominus Commendans de particularibus bacchanalibus, et in illis dominum Kopi Supremum inscio Commendante multa, qvae non decent, agere, respiciens personam ad tempus discrete dissimulavit, habens iam aliam occasionem absqve offensa domini Kopi. Convocato consilio bellico promulgavit iam finita bacchanalia esse et ne amplius fiant in claustris maxime Monialium interdictum fuit.

Repetit musicalia a domino Kopi P. Gvardianus.

Author solemniorum bacchanaliorum, et Caeremoniarius in eis, qvi pro suo libitu omnia disponebat colligendo musicalia

per Conventus, et eos, qvi sciebant ludere in illis, ex choro S. Iacobi unum Positivum, et duo instrumenta acceperat, et nunquam restituerat, imo alia huius modi Positiva, et instrumenta Officiales sibi applicaverant; de his P. Paulinus Gvrdianus informatus omnem lapidem movit, ut sua repeteret. Aliqvo die Veneris ubi vidit dominum Kopi Supremum non impeditum, et in optima stella resolvit se, assumptoqve fratre Martino Mahn laico novitio eum visitavit, sat benigne acceptus, Positivum, et duo instrumenta restitui mandavit non tamen absolute, sed qvibusdam conditionibus.

Invitatus ad coenam Gvrdianus cum fratre a domino Kopi.

Recte venisti, et apud me nunquam fuisti Pater, debes apud me coenare, taliter invitavit: licet se excusaverit ieunio et die Veneris, non admisit; habeo pisces sufficientes, et carnes; domum oclusit, et coëgit manere. Illo vesperi convivium magnum mandavit parari. Omnes Officiales cum foeminis eorum invitavit. Musica cum tubis et tympanis. Inter dissensus qvalis devotio, et musica apud Religiosos? Incipiendo a P. P. Societatis usqve ad Conventum Sti Iacobi, ubi non fit Missa cantata nisi diebus festivis solemnioribus, et Concio; et ad ephebum ait: dicas tu, Mathis, ut ante multa locutus es.

De proditore ephebo Domini Kopi.

Habuit dominus Supremus Kopi aliquos iuvenes civium filios in servitio pro ephebis; inter eos fuit unus nomine Mathis omnium puer insolentissimus, proditor civium, et omnium monasteriorum, qvi post exitum Sveci factus Religiosus Praemonstratensis in monasterio Hradiscensi, et cum tempore loci eiusdem provisor, fac totum, et author omnium ibidem malorum. Nominatus Mathis tunc ephebus qvidqvad aliquando in omnibus monasteriis factum vidi, vel audivit, ascendens eminentiorem locum, turpissimam, et scabiosissimam fecit concionem in praesentia multorum hospitum; exprobravit vitia Religiosorum pessimam, et vix factu possilia.

De alio Ephebo.

Non multo melior Ephebus domini Kopi publice, et omnibus mensae assidentibus hospitibus narravit, se non semel audivisse fratris Martini, qvi socius fuit Patris Gvardiani, eius concionem germanicam, et qvales invectivas in eis faciebat contra Svecos, et contra sui Ordinis fratres etc. omnia insolens puer narravit. Frater ille laicus non habens domi concionem, alias conciones freqventabat, illasqve domi in locis clandestinis repebat, et concionabatur. Licet se absconderit cum suis concionibus, auditus tamen fuit ex vicina Kurdiguarda seu excubiarum domo a qvibusdam sub tecto Svecicis, uti etiam in excubiis; saepe de fide cum eis disputabat, et contendebat, et tales contentiones etiam ad aures domini Supremi Kopi perveniebant. Recte Pater Gvardianus cum fratre illo venerunt ad sackum, cui omnia ipse dominus palam exprobavit.

Obiectiones domini Kopi.

Licet P. Qvardianus dominum Supremum Kopi summe rogarerit, ut latrantes ut canes ephebos impeditret, nullo modo potuit; imo ipse dominus Kopi Colonellus de statu laicorum omnium religionum multa publice loquebatur; revera debuit fuisse aliquis Religiosus, et non amicus laicorum; latine, germanice, anglice sciebat acsi de industria studisset. Statum sacerdotum supra modum extollebat, multo dignos honore appellabat, et male habuit, qvod religiosi tanto digni honore ad suum collum laicos suscipiant, qvi sint vocatione sartores, sutores etc. si maneat professus, et mittatur, ubi non fuit notus, negent se fuisse tales; spernant sacerdotes, p[re]ferant se illis, eos decipient, et superbiant etc.

De vexatione Fratris Martini.

Post zelosam, et longam concionem de statu laicorum fratrum allocutus sartorem Martinum, ut et ipse repeteret unam ex concionibus suis, qvas sub tecto contra Svecos faciebat, vel potius aliquam aliam de statu, vel tribu sartorum et qvod non eius sit vocationis aculeatas facere conciones contra Svecos aliosqve. Et hinc annuente Supremo cum tubis et tympanis saltus mirabiles pueri multi insolentissimi fecerunt; saltantes

circa tabulam et in saltu despectuosam adorationem Patri unusquisque dabat, et Fratri laico Martino ictum vel aliquem alium despectum; hoc totum fuit pro consolatione domini Kopi, et eius hospitum per aliquot horas.

Dimittuntur ad Conventum P. Gvardianus et socius.

Occasio Positivi et instrumentorum illius convivii causa fuit. Omnes enim illi hospites minime sperabant tantam laetitiam ad medium noctem usque. Bene igitur tractati omnes, antequam dimitterentur. Videns male contentum Fratrem Martinum propter vexationem nimiam magis adhuc et eum dominus Kopi confundere voluit. Curavit sibi dari biblia, et legit hospibus librum Ester Capitis sexti de Haman, qui iussu regis Assveri Mardochaeum vixerat per plateas etc. Adductus equus, in quo ipse dominus equitaverat, et Patrem Gvardianum in eo fecerunt sedere, quem Frater per civitatem ducere coactus fuit ad Conventum usque, et Officiales regiminis cum magno silentio quoque comitabantur. Nominatus Frater non ferens ignominiam, ipsa nocte misit se per funem ex muro civitatis, et amplius non comparuit.

Restitutum Positivum, et alia musicalia.

Altera die post tractationem, et ut verius dicam, vexationem dominus Kopi Positivum regale et instrumenta remisit ad Conventum Sti Iacobi, et cum portatoriis suum Secretarium cum his verbis: Ut Pater Qvardianus non pueris domini Colonelli, sed aliis hominibus ratione devotionis non aequa atque apud alios religiosos adscriberet, prout et ipse aliunde audiverat aliqua similia. Restituit vobis haec musicalia, et si deinceps aliquam devotionem non inceperitis, ista omnia vobis iterum accipiet, et non restituet.

Instituitur devotio Confraternitatis S. Francisci.

Inter scripta diversa cum tempore Pater Gvardianus ad S. Iacobum invenit olim a Reverendissimo Patre Ioanne Baptista Generali ordinis S. Francisci impressam literam, et licentiam etiam Olomucii ad S. Iacobum erigendi S. Francisci Archiconfraternitatem. Motu Svecorum adhuc in civitate existentium,

Admodum Reverendum Patrem Magistrum Ambrosium Herl, Provincialem Austriae, Gvadianus salutavit, et licentiam ab eo instituendi Archi-confraternitatem obtinuit. Cum consensu igitur Commandantis (sine qvo nec se aliquis movere potuit) ipso festo Conceptionis B. M. V. Octava Decembris cum tali solemnitate, qvae tunc fieri potuit, dictam Confraternitatem erexit. Sunt die illa 56. personae ad Confraternitatem inscriptae, inter qvas etiam aliquot occulti Catholici se insinuarunt, et chordam publice suscepereunt. Eodem die huius Confraternitatis S. Francisci Officiales fuerunt electi. In protectorem: Reverendissimus Brainer episcopus Wiennensis. In Rectorem: Reverendissimus dominus Ioannes Christophorus Orlik licet absentes. Caeteri: Secretarius et assistentes huius Confraternitatis ex civibus insignioribus. Commandans et Officiales praesentes riserunt. Sed dominus Kopi inde consolationem habuit magnam. Ab illa die usqve ad praesens, laus Deo, Confraternitas in suo vigore est; qvia ante irruptionem Sveci Patres de observantia apud S. Bernardinum ad Confraternitatem susceperebant, et promovebant.

De Ieiuniis.

Sveci qva Lutherani, Calvinii, Ariani, et aliarum Sectarum, nulla unquam habuerunt ieiunia, et illis diebus, qibus Catholici ieiunare consueverunt, splendida ordinarunt convivia, diebus vero Dominicis, et solemnitatibus Paschatis, Pentecostes, Nativitatis domini ut plurimum piscibus vescebantur. Apud Catholicos autem strictius, qvam ante observabantur ieiunia utpote diebus Veneris, in vigiliis, qvatuor temporibus, in quadragesima. Diebus autem Sabbathinis, et ante festa, qvae sunt de praecepto B. M. V., diebus rogationum, et per totum adventum in illis abstinentia a carnis; sed fame incipiente sub Sveco ob defectum alimentorum, habitu consensu Venerabilis consistorii, etiam benedictione Nuntii Apostolici Pater Qvardianus cum omnibus dispensavit, ut cogente tanta necessitate (nullis ieiuniis, vel vigiliis exceptis) carnis, vel aliis qibusvis vesci possint, et valeant, dummodo retineant vitam, sed aliqui optabant potius mori, qvam esu carnium vivere, nec talibus Confessarius aliter persvadere potuit.

De fabro ferrario non ieunante.

Qvidam civis faber ferrarius in praeturbo Olomucensi in opificio perfectissimus, durante obsidionis fame, alebat se, qvomodo potuit, multo melius tamen qvam caeteri hominum; utebatur opera eius Svecus circa tormenta, rotas, currus, et aliam munitionem, contraxerat ideo notitiam cum sibi similibus Svecis fabris ferrariis, constabulis, et tormentorum fusoribus, et simul cum eis vita eius communis fuit. Hic soluta obsidione habens ut omnes cives qvoad vitae rationem pisces, butyrum, et alia levi pretio, diebus ieuniorum ut caeteri nunquam abstinuit a carnibus, et cum scandalizarentur Catholici, imo ipsi Sveci, illis esculentis, qvae proprie non vocantur carnes, utebatur: caponibus, gallinis, anseribus, capitibus vitulinis, farciminibus, intestinis etc. gloriabatur non ideo se comedisse carnes; proditus et ad Commandantem citatus, inde ad civitatis iudicem, ultimo ad Patrem Qvardianum (ab eo muletandus) alegatus fuit.

Muletatus faber ferrarius.

Fuit puteus ad S. Iacobum in praeturbo Olomucensi olim ab Eminentissimo domino Cardinale a Dietrichstein principe episcopo Olomucensi eius sumptibus sat profunde aedificatus, abundantem, et saluberrimam aquam habens. Adveniente Sveco propter fossas post moenia civitatis ab eis profundissime factas puteus non sufficientem subministravit aquam, ita, ut vix pro excubiis districtuum in praeturbo sufficeret; ideo tam propter inopiam aquae, qvam fractam, et rubigine, ac diuturnitate consumptam catenam excubiae exponerentur, et extraneis postis aqua venderetur. Faber ferrarius, ut supra, a Patre Gvardiano muletari debuit, instantibus Officialibus districtuum et assensu Commandantis pro mulcta non solum puteum expurgavit, ad aliquot ulnas profundius fodit, sed etiam rotam novam cum suis ferramentis, et catenam novam, qva trahitur aqua, suis sumptibus fabricavit.

Tormenta ex campanis fusa.

Devastata Moravia, spoliatis templis, et oppidis, ac pagis ruinatis, vel combustis in pluribus locis remanserunt campanae in curribus; ab introitu Sveci anno circiter quinto per Moraviam

edictum datum, et in diversis locis promulgatum, ut oppidorum, pagorum incolae sese Olomucium conferrent, et suas campanas ex turribus deponerent, et conservarent, et datus terminus ad unum annum; si secus fecerint, elapso termino campanas non visuri amplius. Homines per loca diversa dispersi, et alii correpti timore non comparuere, supra annum addidit mensem unum; expeditis igitur in hyeme per loca trahis, et curribus Commendans campanas Olomucium advehi mandavit, et convocans omnes civitatis fabros ferrarios, serra-fabros (sic), fusores tormorentorum seu Glocken-giesser, fractis campanis tormenta bellica, et mordaria fieri mandavit. Una magna campana dum frangeretur, totum sonitum edebat, ac si fuisset ex adamante, per duos dies vix fracta fuit.

Unus civis exhaereditavit filium.

Qvidam civis Olomucensis, de nomine et cognomine Tobias Kržecžeck, pellio, unicum qvidem filium habuit in deliciis educatum, et vitae malae quasi desperatae parentibus septuaginta annos excedentibus nullum honorem, nullam prorsus reverentiam exhibuit, correctionem non admisit; furiosus, mali-tiosus, lusor, potator etc. conversatio eius nisi cum perversis muscetariis Svecicis; parentes non audebant ipsi neqvidem verbum loqui; habuit dictus Tobias apud se in quartirio unum vexilliferum seu Fendrich Svecum; saepius filius percussisset parentem, si non impedivisset miles, qvidqvad domi capere potuit, exportabat, dilapidabat; alter Evangelicus prodigus fuit. In despectum propter maiores libertatem inter Svecos nomen dedit militiae, iam sclopetarius multo peior, domum veniens quasi executor pessimus. Miles Fendrich lacrymas parentum capitaneo suo retulit, admonitio nihil iuvabat. Sciens unam perversam olim parentum famulam pro maiore vexatione eam in uxorem duxit, tunc primo erant peiora prioribus; licet parentes nulli conuerebantur, per aliorum relationem Commendantem non latebat; citato enim iuvene, Mathia filio cum uxore Anna sub poenis magnis domum paternam ambobus redire prohibuit; paulo post senicula mater mortua est peste, et Tobias graviter infirmus non ab aliquo, qvam a Patre Gvardiano inspectionem, et sustentationem habuit usqve ad mortem. De testamento multum sollicitus, consensum per Patrem Paulinum

Gvardianum a Commandante petiit; dein qvatuor convocatis Senatoribus motu proprio filium exhaereditavit Mathiam, et in loco eius Patrem Gvardianum ad Stum Iacobum filium adoptavit, et liberam domum, et omnia, qvae in domo fuerunt, ei legavit, et haeredem intuit. Reclamavit filius, et ad Commendantem recursum fecit, cum indignatione reiectus est, imo prudentia senis laudata, et testamentum his verbis Commendantis confirmatum, et roboratum: Quidqvid Tobias ordinavit, et scripto reliquit, bene ordinatum, et bene scriptum est.

De obitu Tobiae Krzeczeck.

Testamento facto extractum Patri Gvardiano consignatum a Senatoribus, et originale in cancellaria civitatis observatum. Dominus Commendans vexilliferum penes ancillam posuit, et eis inspectionem domus, et rerum commendavit, et filio prodigo, et faeminae eius expresse eam interdixit; qvoad vitae rationem Gvardianus ut filius parenti omnia pro viribus subministravit ad mortem, et in Spiritualibus servivit ex obligatione usqve ad exitum animae.

De sepultura Tobiae Krzeczeck.

Facta dispositione ecclesiae, sacramentis munitus Tobias in manibus sui Confessarii Deo animam reddidit. Per militem Svecicum vexilliferum dominus Commendans de eius obitu certior factus ordinavit, ut unam cameram reservet pro congregacione rerum mobilium, et suo sigillo obsignari iussit. Pater autem Paulinus Gvardianus filius adoptivus non ingratus beneficii in ecclesia ad S. Iacobum solemnissimam (qva potuit fieri) parenti fecit sepulturam. Dominum Commendantem, et aliquos maiores Officiales, senatum, et aliquos benevolos parentes, seu patronos invitavit. Constitit sepultura ad ducentos florenos, expensa haec funebralis venditis pellibus diversis soluta est.

Executores testamenti lupi rapaces.

De more solito testamentum pie defuncti publicatum in curia et in eo contenta lecta publice; iurati executores testamenti viciniores cives Schwartz faber, et faber serrarius Schwab; eis camera serrata, et obsigillata aperta, locus in Conventu S. Iacobi, ubi res, seu mobilitatem deposuerit, demonstratus,

et serra cum clave ad occludendum concredita. Proh dolor! non testamentarios, sed lupos rapaces famelicos Senatus pauperculo Gvardiano deputavit, non curarunt iuramentum; vestes varias, res praestantiores, telam et biancariam maxime de nocte ad suas exportaverunt domos, et rebus vilioribus cameram impleverunt. Etiam inde, dum missa celebraretur, iterum exportabant, et ad libitum distrahebant. Non multum ex rebus illis remansit, praeter vasa stannea et cuprea ac lectisternia. Proditi postea lupi rapaces, et fures illi, sed tardius. Conqverebatur apud Senatum Gvardianus, sed illi etiam participes furti; multae enim pretiosae pelles apud illos visae. Dissimularunt, semper distulerunt. Animadvertisset in his Commendans, et fuisset certo inqvisitio, sed ob respectus iustos turbare eum non licuit. Etiam de pecunia 70. aureos inter res inventas sibi applicarunt, et de argento illi et Senatus participarunt, et haeres inde nihil habuit. Nemo prosperatur ex iniuste acquisitis, et rapina; adveniente egestate, fame periverunt. Superfuerat adhuc aliquid de pecunia pro pellibus venditis praeter expensas funebrales ut supra; debita, a pie defuncto Godefrido Dambroch antecedente Qvardiano contracta, soluta sunt. Domus vero post defunctum Tobiam vendita, et pecunia braxatorum tribui pro censu perpetuo posita est.

De conservatis rebus in templis.

Sub tempus irruptionis Sveci homines civitatis Olomuccensis res suas ad monasteria, magis ad ecclesias ad observandum dederunt. Cum tam diu hostis permansit, in visitatione quidquid placuit, sibi applicuit. Si aliquva in terra, vel cryptis non inventa, diuturnitate temporis putrefacta, vel a tinea, seu vermibus corrosa. Si in sicco deposita maxime mercatorum res utpote aromata varia non tam multum nocuit, sed non amplius inserviebant usui, tota insipida, etiam materiae pretiosae integrae, sed foetidae, et diu durare non poterant. Mobilia, casulae, et paramenta maxime in templis derelictis licet intacta non valebant multum, eo quod maxime in quibusdam ecclesiis munitionem Svecus servavit: globos, pulveres, carbones, sulphur, vel fassinas. Omnis mobilis sacristiae contraxit odorem similem, et non absque nausea in talibus sacerdos celebrare potuit; purgavimus saepius, thurificavimus, non iuvabat.

In Conventu S. Iacobi conservata et restituta.

Cum fuerit hostis acatholicus Svecus, non fuit consultum eo Olomucium intrante aliquid monasteriis aut ecclesiis, vel ad Conventum ad observandum dare; quisque sibi imaginari potuit, si Sveci aliquid spoliatur, certe a Regularibus incipient; simile quid Patri Gvardiano ad S. Iacobum obvenit; ideo recurrentibus pro conservatione rerum aliquibus recusavit, non suscepit; si violenter et instanter, nolle se respondere pro rebus protestationem fecit. Fuit peroptime volens Conventui S. Iacobi quidam dominus, Mathias Lauez, coriarius, cuius domus in suburbio igne consumpta est; uti Patrono servire, et res eius suscipere non denegavit, et defendit. Hoc modo depositit omnia ad unum locum in camera. Recepit se tunc ad Conventum dominus quidam Casparus Barthowsky, olim apud P. P. Canonicos Regulares Capitaneus, ubi etiam peste infectus obierat; cum infirmaretur graviter, et diu, super omnes res illas lectus ipsi fuit fabricatus, advenientes Visitatores a longe clamavit se peste infirmari, et hoc modo omnia salvare potuit. Item Carnoviensium res de stanno, cupro, de tela et penes Admodum Reverendi Patris Magistri Cornelii cistae, quas in fuga ulterius evehere non potuit, fuerunt optime conservatae, et soluta obsidione paulatim certe cum periculo vitae ad instantiam Admodum Reverendi Patris ut supra de integro Carnoviam transmissae. Obligarunt se esse beneficij memores, et pro ratione Patri Gvardiano partem bonam tribuere, nihil fecerunt, nec gratias egerunt. O! ingratitudo.

De bibliothecis.

Notam omnibus, et famosam patrum Societatis Iesu Olomucii olim fuisse scio bibliothecam, et non paucis millibus constantem, uti et ipse Pater Georgius Pelinka eiusdem Societatis ad S. Mauritium Concionator asserebat. Cum ergo interrogaretur a Commendante ioco, vel serio: Cur ipse, cum eius cathedralm Sveci Lutherani teneant, et pro tunc utilitatis non est, ac miseriam aequve, atque alii Religiosi patitur, Olomucii remaneat? non aliam causam suae remansionis asserebat, quam bibliothecam tot constantem millibus, et si, inquit, omnia amiserimus, et sola bibliotheca manebit, magnum conservabimus

thesaurum. Sermone eius Commendans edoctus assumptis aliquot literatis Officialibus bibliothecam a Patre Pelinka laudatam visitavit, quo animo, potuit bene Pater intelligere ex circumstantiis, quae inter se conferebant; utinam bibliothecam non laudasset!

Commissarius disponit cum bibliothecis.

Ex certis conjecturis Pater Pelinka haud obscure suspicabatur aliquam cum bibliotheca dispositionem, et non male fecit ponendo ad partem aliquos selectissimos authores. Post unum circiter mensem ex Svecia deputatus Commissarius propter aliquas causas veniens, etiam cum bibliothecis disponendi habuit facultatem. Absqve dilatione unam Societatis Iesu bibliothecam vidit, et quam maxime in ea sibi complacuit, et ne aliquid ex libris exportetur, excubias posuit. Item: vix non similis Celsissimi principis a Dietrichstein Nickolspurgii a Commendante ibidem laudabatur. Commissarius eo perrexit, archivium cum privilegiis simul, et bibliothecam Olomucium advexit. Item Olomucii in singulis monasteriis bibliothecas videre voluit, apud Dominicanos, Bernardinos, ad omnes S. S., Capucinos, qui authores ipsi placuerunt, posuit ad partem, et notari, ac custodiri mandavit.

Ad cistas libri positi.

Deputatis non paucis revisoribus omnium authorum in praesentia aliquorum Officialium facta conscriptio cuiusque loci separatim, cistae novae fabricatae, et opera cum suis titulis in ordine composita, numerus in omni cista cum inventario librorum positus, dein occlusis cistis Commissarii Svecici sigillo signati, ultimo ipsi Commissario specificatio cistarum, et universorum librorum praesentata. Item omnia archivia, et privilegia tam Nickolspurgii, et in aliis locis in unum collecta cumulum, et ad quem spectant, notatum totum, et in singulari arca occlusum, et sigillatum. Omnibus itaque signatis prope centum currus onerati, et in Sveciam vecti. Illa quoque occasione aliquorum Officialium thesauri erant dimissi in Sveciam. Auditum fuit certo omnia dimissa in mare fuisse submersa, uti fuit probabile, quia Officiales auditio nuncio de submersione summe contristati lamentabantur. Itaque Sucus, qui se pro

ablatis sperabat multa talenta accepturum, contrarium accidit; verificatum illud: male parta, male dilabuntur.

Catholisch Michel notarius librorum.

Ille Michel studiosus, qvi exulantibus Patribus Societatis inspectionem habuit Collegii, cum aliis pro notario librorum assumptus fuit. Certe se fidelem servum Patribus exhibuit; ex libris enim modo suo clam non paucos libros magni momenti, et praeclarissimos observavit. Etiam in aliis monasteriis aliqui praesentes si fuissent, vel de tali damno in libris providissent, libros aliter observassent, sed de huius modi spoliis neqvidem somniarunt. Nec ipse Svecus de bibliothecis cogitasset, nisi Pater Pelinka Georgius pretium librorum commendasset. Non male factum in Conventu S. Iacobi paucos habens libros, qvando ex Conventu Hradicensi et cathedrali ecclesia afferebantur, et ex illis insignibus operibus patroni pulverarii pro bombardis fiebant, ea occasione Pater Gvardianus plurimos a muscetariis levi pretio coëmebat, et restituebat, qvorum erant, vel retinebat.

De obsidione soluta Olomucii.

Sub Ianckau pugna Caesarianorum cum Sveco facta, miles Caesarius profligatus, in qva ipse Generalis egregius Huchapel (sic) occubuerat in conflictu; hinc bene obsidentes civitatem Olomucensem tam diu succursum Svecos suos qvantocvys datus adverterunt, et castris combustis fuga sibi consulerunt Caesariani, tormentis acceptis et munitione quantum licuit, per loca varia dispersi, alioqvin si expectassent, non substitissent.

Stratagemata in exustis castris constituta.

Postqvam obsidentibus civitatem die 6. Martii (1645) conflitus sub Ianckau, et infortunium Caesarianorum innotuerit, strepitus magnus in castris extra auditus fuit, et in omnibus circa civitatem propugnaculis tam ex tormentis, quam muscetis terna vice Salve, vel fortes explosiones, et paulo post incendium de media nocte advertimus. Sveci inde consternati, qvid sibi velint illa? mysterium non sciebant, nullas postea excubias in pro-

pugnaculis videntes tertio die primo exploratores dimissi numero viginti non redierunt. 2^{da} vice plures, et 3^{to} adhuc fortiores; tandem adverterunt fuisse stratagemata aliquva, laqueos, et decipulas, incidebant enim in eas, et peribant, vel capiebantur. Evacuatis castris, tormentis ac munitionibus Prostannam et ultra amotis, operaे pretium iudicarunt, qvoqve comeatum, et graviores, maiorisqve momenti res, qvantum possibile fuit, amo vere, et hosti ad praedam non relinqvere; cogitabant enim, si ex civitate adverterint facile castra esse evacuata, spoliatum egredientur; ut ergo securior huiusmodi rerum amotio ex castris fieret, ad trecentos subordinarunt audacieores milites, qvi in castris exustis inter rudera, et in aliis diversis locis absconditi latitabant ut mures, et vel aves in laqueis mactabant, et spoliabant excurrentes Svecos. Id ipsum faciendi habuerunt spatium decem dierum anteqvam truppaе Svecicae comparuerunt.

Pergit Olomucium versus Svecicus exercitus.

Pacta victoria ad Ianckau Generalissimus a Dürstenson redeundo cum suo exercitu in Moraviam, totam ferme Austriam penes Danubium maxime peragravit, et ad pontes prope Wiennam veniens illud magnum propugnaculum occupavit, et in illo suum posuit militem, et ulterius Moraviam versus arcem altissimam, et munitissimam Statz, item Feldspergum, etiam in ipsis confinibus Moraviae Nicolspurgium possedit. Brunam cum exercitu veniens, cum magna resolutione eam tentavit, octodecim septimanas consumpsit, et ibi magnum damnum maxime ex Spillberg passus cum rubore cessit Kremzirium.

Kremzirium conflagratum.

Kremzirium civitas est et residentia episcopi Olomucensis qvatuor milliaribus distans Olomucio sat munita. Eo se receperant ex circumiacentibus locis multi hominum, ita, ut totam civitatem illam impleverint. Fuit qvidem promptissimus omnium animus se ad funera defendendi, prout qvatuor horis resistebant; sed videntes magnum exercitum, et ex 12. tormentis magnis ad fundamentum murum ruinatum, iam pusillanimes effecti, in aliquot partibus civitatem accenderunt. Paulo post praessa in muro perfecta, dum turmatim hostis ingreditur, incendium ita

invalescebat, qvod tota civitas cum plateis arserit. Multi civium, sed plures Iudaei (qui se in illo incursu in cellariis occultaverant) suffocati sunt. Ille vero peregrinus populus, qui se ad civitatem ob metum hostium receperat, liber ex civitate exivit, salvum conductum a Generalissimo petiit, et obtinuit; iverunt, quo voluerunt. Pro praeda 4. horae a Generalissimo Svecorum militibus ordinatae, sed propter ingentissimum incendium et calorem vix una hora continuarunt, et parum lucrati sunt. Gloriabantur (ut fuit auditum) incendiarii civitatis: Nec mihi, nec tibi, qvod hostis non depraedavit, illud ignis consumpsit.

Castra Svecica prope Kremzirium.

Non procul a civitate Kremzirium inter Koietain et Towacovium Generalissimo Svecorum cum suo exercitu qviescere per sex hebdomadas placuit, et vere ad propositum: ille enim districtus omnium rerum abundabat, inde qvoqve Svecis suis Olomucii communicare de proventibus omnibus abundantissime potuit; hoc notatu dignum: Per omnia loca in Moravia, ubi transierat Sucus, Gallas Generalis Caesarianus cum suo sat forti exercitu eum seqvebatur. Et ubi se vallis Sucus muni- verat, ille similiter, et nunquam dare pugnam voluit, licet fuisse sufficiens, uti in loco nominato inter Koietain et Towacovium habuisset Svecum in cavea, et ipsemet Svecorum Supremus consternatus, qvod in tam periculoso loco posuerit castra; si conflictum habuissent, propter paludiosa loca ex duabus partibus (seu Morast) non effugissent; imo fuit amabilis correspondentia inter Dürstensonium et Gallas; habebant enim maiores Officiales inter valla Caesariana et valla Svecica cum Svecicis familiarissima colloquia. Et non semel ex tormentis in castris Caesarianis ad favorem Dürstensonii Salve dabatur, et vice versa in castris Svecicis in gratiam Generalis Gallassii.

Movit Sucus castra Prostannam versus.

Facto Generalissimus Dürstensonius praesidio ex oppido penes arcem Illustrissimi Comitis a Salmis, et ibidem pro Commandante cum uno regimine Dragonnerum domino Colonnello Wancka constituto, suum inter Olomucium et Plomloviam

exercitum direxit, in eo itinere Prostannam Celsissimi Principis a Liechtenstein civitatem occupavit; Turres eius omnes, et portas suppositis minis evertit, arcem incendio ruinavit, et vacuam spoliatam civitatem reliquit, et abivit. Taliter fecit Plomloviae eiusdem Principis opulento oppido; recte e regione arcis in coemeterio collocatis tormentis arcem concussit, munitionem in ea, tormenta etc. accepit et eqvos multos generosissimos turcicos, et oppidum spoliavit.

De praesidio Eulenberg.

Inter montes, qui dividunt Moraviam et Silesiam, fuit arx munitissima Cruciferorum Thevtonici Ordinis. Gubernator eiusdem arcis convocatis sui domini subditis, habens comeatum et munitionem sufficientem, in arce se conclusit, et se toti exercitu integris duobus mensibus defendit. Varie Sveci tentarunt, ut illud praesidium expugnarent, insultum, seu Sturm facere propter altas petras, et inter eas praecipitia profundissima, fuit impossibile. Arcem concutiebant die et nocte ex tormentis et multi inde lethaliter vulnerabantur, et aliqui occidebantur, ut ipse Commendator mortaliter laesus, non multum tamen efficiebant Sveci. Petras violenter minis frangebant, et licet non successerint aliquoties, non parcendo pulveribus continuarunt; pervenientes ad muros ipsos arcis debilitati milites, diebus et noctibus non dormientes, et multi vulnerati non amplius subsistebant. Ex arce illa inter petras incognitus egressus, et ingressus fuit ad medium usque quadrantem milliaris, saepius apud Generalem Gallas, qui non procul sua castra habuit, succursum petierunt ad quinquaginta solum muscetarios, differebat semper, ultimo ad se nuntium non admisit, potuit optime locis illis succurrere, sed quia noluit, non misit. Commendator ut infirmus ex gravissimo vulnere per accordum tractando cum Generalissimo, quidquid petiit, habuit, cum curribus, famulis, eqvis, et subditis, pecoribus, vel quidquid ferre potuit, exivit, et Sveco praesidium tradidit.

Fons in arce Eulenberg.

Receperat se magna multitudo subditorum cum omnibus suis substantiis et pecoribus ad arcem; proventum medioarem

omnes habuerant. Sed penuriam aquae propter pecora patiebantur. De vino plena celaria, et de cerevisia providebatur, inde cuiuslibet portionaliter, etiam pecoribus de vino, et de cerevisia dabatur, sed ex potu inusitato pecora infirmabantur, et moriebantur. Plebs rusticana Moravica constituit sibi preces pro pluvia; dum cum fletu, et devote orant, in medio arcis fons mirabiliter emanavit, ex eo homines et pecora potarunt sufficienter. Occupante autem Sveco arcem nec signum fontis apparebat.

Dominantur Sveci in Moravia.

Post solutam obsidionem Olomucensis urbis, et exitum ex Moravia Svecorum, de aliquo Caesareo, et Svecico exercitu nihil diu auditum fuit ferme usque ad conclusionem pacis. Tunc primum Olomucenses Sveci fimbrias suas dilatarunt. In Moravia, Austria, et Bohemia promulgatum, Sveco Olomucium dari tributa; et ut oppida, pagi, arces pro securitate a Commandante salvam gvardiam personalem, vel scriptam peterent et quantum quis debeat contribuere, se Olomucii sisterent, et obligarent. Iam tunc omnibus bonis, vel malis exulantibus Olomucii mercimonia, nundinae ubique, ut ante, negotiationes, et securissimus viarum transitus et redditus liber publicatus fuit.

De foro publico ad Olomucium.

Sat procul ex promulgatione libertas et securitas cuiuslibet Olomucium veniendi innotuit, inde non solum in exilio existentes, sed multi non ex necessitate, plures curiositatis causa veniebant. Prima quidem die ad aliquot horas licitum fuit, sed nulli per noctare praeter olim domesticos permissum. Altera die autem Commandans videns frequentem advenientem populum, ne intromitterentur ad civitatem, mandavit. Initio desuper cum bellico consilio ob iustas causas considerationesque aliter institutum, immissis Commissariis extra civitatem, qui a muris una explosione musecti forum designarunt, et in medio fori in loco eminentiori recte ut olim fuit Capucinorum monasterium excubias posuerunt fortes, ubi deinceps vendentes conveniebant et ementes. Et non male factum. Fuit iam in civitate pestilentialis infectio, needum apud omnes cognita, sed esculentorum occasione, quae in foro vendebantur. Multi ex civitate

avide non usitatos diu tales cibos, fructus, vinum, et similia sumpserunt, potarunt; inde febres, dissenteriae, collicae, vel malignae febres magis ac magis augebantur. Extranei vero vestes putridas, et infectas emebant, et inficiebantur, inde magna pestis et corruptio aëris.

De studioso Centenario capto.

Erant constituti a Generali Caesareo venatores peritissimi pro Officialibus dati Walachis seu Schnoponibus rusticis, qui attenderent ad excursiones hostis ex civitate. Inter illos quidam Philosophus generosus supra 100. Walachos commendam habuit, inde illum centenarium appellabant. Certe multum Svecis nocuit, nemini, quos accipiebat, quartirium dedit, praesertim natione Svecorum sine misericordia trucidavit. Extra civitatem in foro inter ementes et vendentes deprehensus captus ad Commendantem ductus, et examinatus, dum illi proponerentur patrata ab illo, confessus et non negavit, cui pro responso: proprio Te ore iudicasti, quod nemini ex Svecis quartirium dederis, nec tibi dabitur; absque omni mora ad palum condemnatus. Tribus diebus in palo vixit, et cum transeuntibus locutus est. Ex mandato Commendantis carnifex exire, et ut citius moreretur, ex bombarda in ipsum iaculari debuit. Expleto opere, quod carnifex nunquam pro suis laboribus solutus, amplius ad civitatem non rediit; alio se cum uxore (quae eum paulo ante praecedebat) contulit. Habuerunt male Sveci, quod alius executor iustitiae non fuerit ipsis datus.

De iustificata una civissa.

Deficientibus vivendi rationibus Olomucii unius arcularii civitatis uxor, ut vitam conservaret, cum aliis exulavit, virum tantum domi reliquit solum, et uti iuvenis extra civitatem pessimam duxit vitam. Sciens illa liberum accessum Olomucium, redire instituit, et a pluribus informata maritum priorem non vixisse, alium, cui recenter nupserat, accepit secum, et secure reversa est. Accidit, quod ipsum viventem, et sanum deprehenderet, territa coram ipso non virum suum, cum quo domum reversa est, sed nuntium simulavit. Interea quomodo priori vitam adimeret, cogitavit de medio; informavit igitur famulam,

ut pro certo remedio contra mures ad Agricolam pharmacopaeum curreret, sic saepius factum; prudens apothecarius ab ancilla quaerit, cur tam frequenter pro tali veneno veniat, et quomodo talia paret? et addidit: qvia non contra mures tantum, sed et venenum attingere periculosem; at illa simplex: tamen mea Domina etiam cum iuscule utitur. Hinc vacuam dimisit famulam, imo illi, et domesticis tale prohibuit iuscule, concredidit arculario totum famula, et ne de tali sumeret iuscule. Sic igitur hoc veneno interficere maritum utpote fortioris naturae non potuit. Una nocte dormientem in lecto cum iuniore suffocare coeperunt; expergefactus violenter se eripuit ex eorum manibus, per fenestram ad plateam saltavit, et recte e regione domus ab excubariis; strepitus auditus, imo saltantem advertentes, ab ipso rei statum intellexerunt. Eadem hora foemina cum iuvene capti Iudici civitatis iussu Commandantis traditi sunt. Negotium examinatum; foemina torturas timens benevole fassa est, post exitum ex civitate iam qvatuor viros se tam veneno, qvam aliis modis interfecisse. Vir ille iuvenis ex civitate per carnificem eductus, illa vero gladio perimenda adiudicata. Sciens decretum iudicis, gratias egit iudicio dicens: Se severiorem promeruisse sententiam. Confessarium vocavit, poenitentiam flens perfecit. Anteqvam educeretur, curavit sibi adferri vestes pulchras, decentissime se ornavit, devotissime, et laetissime ad locum iustitiae properavit, ubi decollata est. Arcularius vero eo qvod ancilla, ne biberet iuscule venenatum, eum praemoneret, non ingratus beneficii accepit eam in uxorem, sed degustato veneno, anteqvam praemoneretur, totus fuit valedicarius, tantum duobus annis vixit. In domo Reverendissimi domini Mercuriani obiit 1650.

De Kalkopff Corporali.

Qvidam Corporalis, seu Kopral Caesarianus, a Svecis captus, nomine Carolus Kalkopff dictus, ita calvus, qvod in capite, et barba nec ullum capillum habuerit, ideo ab omnibus ita nominatus est, natione Italus, linguae germanicae, ungaricae, bohemicae, gallicae gnarus, mediocris statura, subnigrae faciei, astutissimus et egregius miles, ad carceres ductus diu ranzionem ferme qvatuor mensibus expectando, sed si nemo ex Caesarianis fuit, nec se apud Svecos insinuavit, ut ipsum

redimeret, propter miseriam, qva patiebatur, Sveco se pro servitio tradidit. In eodem servitio ut apud Caesarianos hosti fidelissime servivit. Cum foras in persona excurreret, semper multos aducebat captivos Olomucium; cum paucis exibat, et semper impar: qvintus, vel septimus, aut nonus, undecimus, vel decimus tertius, et nunqvm cum pluribus, qvam tredecim redibat. Non fuit novum, etiam 50. personas adducere etiam supremos. Est ibi non procul Wischkovia aliquis prope sylvam ponticulus, et illa via omnes, qui pergebant Wischkoviam, vel Brunam, transire oportebat; qvando venari aliquos voluit, ponebat in eminentiori loco vel altiori arbore excubias, ad planitiem ubique advertentes, in sylva cum tympano aliquo eqvites posuit, et se sub ponte, caeteros circa pontem in fossis, non procul unum ab altero cum tubicine occultavit; signo dato ab excubario de advenientibus, tympano, tubis, et clamoribus timorem incutiebant, capiebant, spoliabant, qvandoque ad instar Turcarum ligatos adducebant captivos.

De pluribus a Kalkopff captis.

Habuit semper calvus Kalkopff Italus aliquos exploratores rusticos, qvos optime solvebat, venerunt ipsi avisa per unam sylvam qvemdam dominum N. N. collectorem contributionum cum multa summa pecunaria transiturum, et pro salvo conductu ad 60. tam eqvites, qvam pedites habentem. Kalkopff per dies tres cum suis tredecim vigilavit, et exspectavit. Adveniente illo exactore ita rem ordinavit, ut milites eum et currus primo spoliarent armis et dein eum caperent. Item aliquae Comitissae illa occasione Brunam pergebant; omnes adducti Olomucium capitivi, erant personae ultra centum. Omnia pecuniam, et spolia Commendans accepit, et adhuc personalem ranzionem repetiit. Etiam ipsi Sveci non poterant satis mirari, et aesi habuerit aliquem inclusum, aut magiam ei adscripterunt.

Non habebat Kalkopff inclusum, vel magiam.

Expurgabat se Kalkopff, qvod non habuerit inclusum vel magiam, imo ipse mirabatur, qvod ei ad manus omnia veniant, et solam poenam Dei in illis advertebat, qvos capiebat; omni tempore qvando excurrere voluit, ut Catholicus semper pridie

confessus est et communicavit, et quasi illam diem pro festo honoravit, et protestabatur apud Confessarium, velle capi a Cae-sarianis, si foret absqve damno aliquo corporis, et libentius inserviret Imperatori, qvam hosti. Domi existens nunqvm missam, et concessionem, ac bona opera negligebat.

Kalkopff captus a Walachis, seu Schnophonis.

Ut Catholicus Kalkopff habuit scrupulum serviendi Sveco, Caesaris hosti, capiendo Caesarianos licet haberit occasionem mactandi aliquem, non fecit, qvia pro voto ipsi omnia succe-debant; qvaesivit igitur, ut caperetur, et captus hoc modo. Ceperat Centurionem seu Capitaneum Walachorum illum, ut supra nominatum, et libere dimisit eum hac conditione: Cras in tali loco cum pluribus tuis venies, et ego non fortis comparebo, et capies me; factum ut ordinavit; Centurio cum 40. Walachis venit, et Kalkopff cum 4. suis capi se permisit. Caesariano Generali praesentatus, Compagnia ipsi fuit data. Rittmeister existens, multum Svecis nocuit, multos capiebat, et plures oc-cidebat.

De Beser Pauer milite Corporali.

Multi ex oppidis et pagis homines, toti in suis locis ruinati, ad sylvas certas, vel montes sese recipiebant, ibique ad exitum hostis habitabant. Optime hoc advertit qvidam Corporalis ex Svecicis astutissimus, et mille artifex; multos tentabat in sylvis capiendo, et spoliandi rusticos. Assumptis sibi similibus ex eius compagnia eqvitibus sciens loca, ubi habitabant, venabatur multos, et pecora eorum; si non potuit multum efficere eqvitando inter sylvas, mutando vestes relictis suis ad partem sociis, ipse solus exibat, et linqua eorum, et pronuntiatione (erat enim Moravus) loqebatur et eos decipiebat, capiebatqve.

Beser Pauer Ianio.

Sciebat Corporalis omnia loca per totam Moraviam, et assumpto uno vel altero socio, in sylvis tuguriola, in qvibus morabantur cum suis gregibus rustici, circuibant, et de venalibus pecoribus inqvirebant, et ut fides eis daretur, ex tali opido, vel tali pago se esse appellabant. Semel habentes empta pecora non pauca, Beser Pauer sociis pellenda ante se commisit;

postquam ea solverit brevi secuturus, cum rusticis paululum progreditur, quasi locum, ubi eis numeraret pecuniam, quaerens. Interea socii ad alios pervenientes equites, tuba terrorem rusticis iniiciunt, cito occurrentes eos, et pecora accipientes, eosque, ut Olomucium pellerent, coegerunt.

Beser Pauer mendicus.

Ne agnosceretur Kopral, Beser Pauer, semper alio vestiebatur habitu. Aliqvando cum sociis suae compagniae eqves exiverat, et in nemore eqvis uni vel alteri custodiendos traditis, cum reliquis mendicorum laceris vestibus indutus per sylvas apud rusticos mendicatum de die, et magis exploratum ibant, et ubi aliquid viderint, de nocte ut fures et latrones furabantur, ex caulis homines expellebant, spoliabant, et si fuit resistentia, interficiebant pauperes, et cum praeda revertabantur ultimo ad suos eqvos.

Beser Pauer rusticus malus.

Non amplius potuerunt esse securi rustici in montibus et sylvis maxime propter Besen Pauer; constituerunt ergo tempus, ut ubi venerint ad sylvas, ipsum caperent, vel occiderent; hinc multi milites conducti, et ipsi rustici scientes esse cum suis eqvitibus in sylvis, eum venabantur. Videns in periculo se esse, ex sylva non potuit cum circum circa excubiae fuerint; iam iam vix non captus ad densum nemus secessit cum suis, pelliceum seu Zipelpeltz induit, alios in nemore reliquit stare, ipse vero in via, qvae erant transituri, arborem ascendit, ut videri possit; mox transeuntes eum viderunt, et quid faciat in arbore hic interrogarunt? at ille: qvod fugerit malum rusticum, qui hic et nunc praeterivit, et non procul abest. Cum illi cursum continuant, Beser Pauer cito descendit, ad suos vadit, et ita manus eorum effugerunt, imo illas excubias, qvae erant propter Besen Pauer et eius socios eqvites positae in fine sylvae adduxerunt secum Olomucium captivos. Hinc in proverbium venit ille astutus Corporalis, qvod in specie rusticana se ipsum appellavit malum rusticum, vocatur igitur Beser Pauer usqve hac.

Beser Pauer hospes.

Facta pace fuit liberum etiam Svecicis militibus remanere, ubi voluerint. Abeuntibus Svecis Pomeraniam et in Sveciam remansit Beser Pauer (ut Moravus) in sua patria, bonus alioquin Catholicus, uxorem duxit Olomucii olim domini Samuelis Zub, apothecarii, filiam seniorem Rebeccam. Conduxit publicum diversorum apud illustrissimam dominam comitissam de Salmis Kralicci ad tempus. Interea in suburbio Olomucensi aedificavit sibi publicum hospitium, et agit hucusque hospitem, et ex pessimo rustico hominem omnibus acceptabilem et bonum Oeconomum, affabilem et polyticum Olomucense acquisivit suburbium.

De Bibliopola, seu Impressore.

Unica in marchionatu Moraviae impressio Olomucii antiquissima erat. Illis diebus Impressor privilegiatur dominus Nicolaus Hradeczky de Krusnaw, vir senio confectus, et eius domina Dorothea, ambo prope nonagenarii. Erat is nummosus, sub hoste si voluit esse liber ab oneribus omnibus, a milite in domo, a propugnaculis, et aliis occurrentibus exactionibus, illi Officiali, cui sorte ad ipsum venerat quartirium, iuxta conventionem cum illo factam, singulis diebus quatuor aureos dabat; duravit hoc ad medium annum, postea ad medium annum tres; deinde ad annum unum duos aureos omni die, seqventibus annis minus singulis diebus, ad exitum Sveci quotidie unum aureum. Licet is laborem sub hoste non habuerit, tenuit tamen unum et alterum socium, his peste morientibus, ne solus sit, de aliquo alio sollicitus fuit.

Impressor Nicolaus obiit.

Obierat dominus Hradeczky impressor recte in discessu Svecorum, superstes vidua Dorothea habens iam aliquaque imprimenda, socii quidem adveniebant, sed imperfecti et pro correctura non sufficientes. Sollicitabatur enim vidua a quibusdam Ecclesiasticis propter non sufficientiam et satisfactionem in imprimendo thesium, vel aliorum librorum, ut potius ipsis stampam venderet, vel de alio impressore intelligente sibi provideret, alioquin apud suam Caesaream Maiestatem querelam

deposituri. Ad persvasionem itaque benevolentium domina Impressorissa per postam non semel literas scribere mandavit, ac ubiqunqve locorum sit Vitus Ettel, eum vocavit ad se. Coloniae Agrippinae inventus, ad verbum viduae Olomucii comparuit, impressionem sat bene rexit, et cum tempore reformavit.

Puer Nicolai Impressoris.

Dederat qvidam in oppido Kostelecz filium suum opificium sutoriale discere, qvi dum suam probam triennalem terminabat, deprehensus parens in furto suspensus fuit. Puer innocens Vitus Ettel a sutoribus electus, Olomucium veniens ad Patrem Gvardianum declinavit, et ibi aliquo modo legere, et scribere didicit. Puerum ingeniosum dominus Hradeczky impetravit; intra octo annos perfectus socius impressoriae artis factus est, qvem optime vestitum ad terras alias iuxta contractum dimittere debuit.

Vitus Ettel in uxorem viduam accepit.

Fideliter Vitus Ettel (ac si matri filius) dominae sua inservivit; adverterunt multi fidelitatem boni iuvenis, pro parte sua habuit eos, et ut procuretur seniculae svaserunt, et dominam (licet difficulter) disposuerunt amici a iuvene alegati facere sponsalia. Facta, et contractus matrimonialis, promisit ei ita se gerere, ut filius, et maritus; et illa impressionem legavit ei cum tota substantia multorum millium constantem. Paulo post factae nuptiae solennissimae. Domina adhuc uno circiter anno vixit. Ille vero per eam magnus dominus, et in sua arte perfectissimus, et famosissimus Impressor factus est. Accepit postea in uxorem domini Sebastiani apothecarii seniorem filiam Elisabetham, et cum ea paucis annis vixit; habens annos prope quadraginta mortuus est circa annum 1668.

De qvodam pago Magno-Senitz.

Est pagus unus Magno-Senicensis distans uno milliari Olomucio spectans ad Capitulum Olomucense; illius pagi rusticu intellecto negotio, qvomodo procedebant Sveci cum Olomucensibus, facta aliqua, quantum poterant, provisione, suum pagum bene muniverunt vallis, et propugnaculis circumcinxerunt; dein

suis armis instructi, in sua gromada seu Conventu inter se concluserunt, nihil Svecis contribuere, imo se resolute, et unanimiter illis defendere usque ad mortem, et insuper iuramentum deposuerunt omnes, et continuarunt prope novem annis in tali fidelitate. Aeqve atqve aliis annis agros suos colebant, seminabant, et colligebant in messe. Qvae illis erant in campis facienda, pro securitate in eminentioribus locis excubias solebant ponere, et si aliquaque hostis excursio videbatur, audito in excubiis bombardae signo, omnes rustici cum suis aratris, eqvis, bobus, curribus etc. ad munitionem se recipiebant, et fortiter, si opus fuit, se defendebant. Notatu dignum prout Svecis sal fuerunt in oculis, saepius illos probarunt, nihil effecerunt, imo cum disgustu, et magno damno revertebantur. Ille Carolus Italus Kalkopff, quemdiu apud Svecum fuit, nunquam laesus, et inde durus vel inclusum habens putabatur, vel carathericus, ad pagum Magno-Senicium ex bombarda traiectus fuit, et altera die hasta lethaliter vulneratus, et alii non pauci ex propugnaculis interficiebantur.

Non petierunt Magno-Senicenses salvam gvardiam.

Amota obsidione Olomucensi ex tota ferme Moravia volentes esse securi, omnes salvam gvardiam petierunt vel personalem, vel scriptam, ipsi soli non curarunt, nec petierunt. Mirabantur praesumptionem Commendans ac alii rusticorum, qui facto consilio bellico ad Senicenses rusticos expedivit tubicinem, ipsisque offerebat benebole salvam gvardiam, quam voluerint vel personalem, vel scriptam; ast nec excubiae volebant eum audire dicentes: se non intelligere Svecice. Convocatis igitur maioribus incolis ex pago, qui ad portas venientes bombardas tubicini monstrarunt; in Deo primo et in his spem habere, et usque ad sanguinem se velle defendere responderunt. Haec nostra salva gvardia. Cum tali resolutione tubicen rediit Olomucium.

Pace publice promulgata deprecantur Commandanti.

Post solennem promulgationem pacis (1650) colligebantur per Moraviam currus, quibus eveherentur Sveci; etiam ex Magno Senicio suas vecturas debuerunt Olomucii praesentare. E medio igitur illius pagi rusticorum Communitas tota Magno-Senicensis

duos ambassatores intelligentes, loqvaces, et audaceſ rusticos elegit, et cum curribus ad Commandantem Olomucium ablegavit, qvi audacter accedentes audientiam petierunt, et obtinuerunt. Oratione facta lingva Moravica si forte Commandantem, vel illius milites elapsis annis offenderint, petierunt sibi condonari, et ut simplicitati rusticanae et crassae adscribere velit. Curiositatibus gratia multi Officiales Magno-Senicenses heroes advenientes videre volebant, in qvorum praesentia cum respectu excepti, et quod se tam egregie defenderint, fuerunt collaudati. Et addidit Commandans: tales oportet habere Imperatorem fideles subditos, et egregios milites. Curavit ipsis dari crematum, qvantum volebant. Et ad portas civitatis scribi mandavit in haec verba: datur Magno-Senicensibus fidelibus Imperatoris ad civitatem introitus, et exitus securus. Signum bonae expeditionis in scriptis ex cancellaria Commandantis suae Communitati acceperunt, et abiverunt.

De libertate Patris Paulini Gvardiani.

Qvomodo tractaverint Sveci Ecclesiasticos, iam superius scriptum, aliisque in exilium expulsis, unico remanente Patre Paulino ad S. Iacobum Gvardiano; causa nulla data in eum omnem hostilitatem exercuerunt per septem annos, qui neqvidem pedem movit ex Conventu, sed semper habuit tales, qvi advertebant in eum. Anno tandem ab ingressu Sveci septimo, paulo mitius tractabatur. Emanatum enim fuit decretum in consilio bellico, et publicatum, cuius tenor talis. Primo conclusum, obstetricibus, qvae inserviunt parientibus foeminis die et nocte absqve insinuatione libere transire. Pro 2^{do} parantibus, et siccantibus polentam, polentariisque. Pro 3^{to} Monacho a Sto Iacobo, ubi fuerit ad infirmos vocatus; transeuntibus autem absqve lumine de nocte, ad interrogationes excubiarum, ubi audiverint (Wer da) obstetrix: Baba, Polentarius: Meltzer, Monachus: Pfaff; et hi, cum audiverint: lass einpassiren, abibunt ut volunt. Iam tunc Pat. Paulinus superbire debuit, transeuntibus enim vetulis et polentariis non assurgebant excubarii, sed cum transiret ille, et audirent Pfaff, Officiales et alii cum armis assurgebant stantes in ordine.

P. Gvardianus vocatus Wiennam.

Adveniente hoste Olomucium, in illo magno tumultu a fugientibus multis ex civitate, et alii ex Senatu territi exulaverunt, qvi de remanentibus domi multa et minus vera sparserunt, quae non conveniebant; etiam aula Caesarea Wiennae fuit plena his rumoribus incertis. Hinc Illustrissimus dominus Camillus Meltius archiepiscopus Capuanus apud Caesaream Maiestatem a latere Nuntius apostolicus occasione futuri Capituli Provincialis, in qvo authoritate Reverendissimi Patris Generalis eiusdem capituli Austriae provinciae Praeses institutus, Patrem Paulinum Gvardianum Olomucensem pro capitulo dicto citavit et ab eo de occupatione, et traditione civitatis informationem habere voluit, et intellexit, ut alibi notatum.

De Capitulo Provinciali Wiennae anno 1649.

Propter rationabiles causas delegata est licentia a Reverendissimo Patre Generale non alicui alii, qvam Illustrissimo domino Nuntio apostolico, ut supra, praesidenti in capitulo provinciae Austriae Wiennae. Hic iuxta praeceptum Urbanarum Constitutionum per literas omnes, ad qvos electio spectat, ciatavit, utpote diffinitores tam perpetuos, qvam temporaneos, Magistros in theologia, Custodes, Discretos, etiam Patrem Paulinum e medio Svecorum ut vocalem advocavit, imo Comendanti literas propter dimissionem dignatus est scribere, qvas eidem praesentando non solum eum Wiennam licentiavit, sed interim inspectionem Conventus habuit usqve ad redditum.

Ante inchoatum Capitulum scrutinium.

Iuxta mentem Reverendissimi Patris Generalis loco visitationis Provinciae cum vocatis ad Capitulum scrutinium fuit qvatuor diebus ante principium Capituli; a iunioribus vocalibus ad palatium unum par post aliud cum palliis veniebant, et a Nuntio examinabantur omnes separatim, et a Cancellario apostolico notabantur, qvae narrabantur. Facto scrutinio ad Conventum S. Crucis perrexit, et convocatis omnibus fratribus Patentibus sibi a Reverendissimo Patre Roma missas legi mandavit, et diem seqwentem pro 1^{ma} sessione instituit.

Sessio prima.

Altera die mane media 8^{va} sacro celebrato Nuntius apostolicus in refectorio sermonem doctissimum habuit ad fratres, qvo finito omnia officia sibi resignari fecit. Et cum ei multa et continua Suae Caesareae Maiestatis, et qvandoqve Apostolica incurvant negotia, propterea se non posse bonis Patribus semper inservire. Unum e medio Fratrum Capituli Inspectorem seu Gvardianum instituere in loco sui decrevit, et, ut aiunt Constitutiones Urbanae, duo ab ipso propositi fuerunt: Pater Paulinus, et alter; et cecidit sors super Patrem Paulinum, cui praeter benedictionem dato pastorali bis de die in puncto hora 8^{va} antemeridiana, et post prandium hora tertia se de sessionibus certiorem reddere iussit, uti factum usqve ad finem Capituli.

Gvardianus Capituli Pater Paulinus.

Ex debito sui officii Gvardianus Capituli in medio maioris refectorii facto throno ornatissimo singulis diebus et horis institutis Illustrissimum Praesidem per duos ex Senioribus Doctoribus ad sessionem invitavit, qvi cum ipso revertabantur. Interea ad signum campanae omnes fratres convocati processionaliter obviam procedebant, eos subseqvebatur cum duobus ceroferariis et acolytho aquam benedictam portante induitus superpellicio Hebdomadarius. Procedebat autem Pater Gvardianus Capituli, et Praesidem cum honore recipiebat, qvi stantes omnes per ecclesiam et ambitum ad refectorium aqua benedicta aspergebat.

Electio Ministri Provincialis.

Sunt clarae constitutiones Urbani VIII. in capite VIII. Regulæ de electione Ministri Provincialis modum, et dispositionem docent. Ante electionem ergo aliquot praemissæ sessiones, in illis Illustrissimum Praesidem esse oportebat, et in principio cuiuslibet sessionis gratia spiritus Sancti (ut est moris) implorabatur. Hac expleta termini novae electionis causa et iuramento de probiori eligendo deposito, nec non decreto de qualitate ministri Provincialis perfectis, missa fuit solemnis decantata. Dein schedulis datis scriptis suffragiis, et a duobus separatis perfectis fuit actualis electio. Qvi votis ultra medie-

tatem excesserit, censetur legitime electus Provincialis, et si paria vota duo, vel tres habuerint, feruntur denuo suffragia. Et si non receperit aliquis illorum ultra medietatem, nullatenus tertio, tunc iam devolvitur ad Generalem.

Concurrunt duo in electione.

In illo Capitulo concurrebant duo in electione: Admodum Reverendus Pater Magister Cornelius Oytweiler, et alter: Admodum Reverendus Pater Magister Ambrosius Fornator. Ambo paria vota acceperunt. Secundo similiter vota dabantur in illis quoque similia. Revera consternatus Praeses Capituli, quod Provincialem non elegerint. Fecit sermonem lamentabilem ad Capitulum dolenter accipiens, quod ipsi non successerit, ut voluit, et suo adscripsit infortunio, et haec protulit verba: O! me infelicem, quid dicet Sua Maiestas Caesarea? quid dicent Principes Wiennae praesentes? quid aula dicet? quid dicet Reverendissimus Pater Generalis? qui mihi commisit negotium tantum, quando devolutio ad Eum veniet, et vobis fratres confusio.

Cessit unus alteri.

Commoti duo electi illa tristissima exhortatione, secum collocti, et unus alteri cessit. Admodum Reverendus Pater Magister Cornelius Admodum Reverendo Patri Magistro Ambrosio, et vice versa Ambrosius illi. Collaudavit Praeses sapientiam utriusque, et quaerit: quis eorum sit Senior? confessi qualis aetatis fuerint, at ille: cedat ergo iunior Seniori, et pro futuro triennio alteri reservetur gratia. Approbavit itaque Admodum Reverendum Patrem Magistrum Cornelium, et Admodum Reverendus Pater Magister Ambrosius post tres annos fuit electus.

Terminatur electio Magistri Provincialis.

Pro conclusione Capituli Illustrissimus Nuntius apostolicus ad fratres facta oratione domino Cancellario apostolico (qui omnia acta praesens in Capitulo conscripserat) electum Provincialem Magistrum de nomine, et cognomine publicari mandavit. Pater Gvardianus Capituli aperto refectorio et ante

praeparata musica, dato signo campanae omnes fratres ex Conventu ad refectorium vocavit, qvibus processionaliter ad ecclesiam pergentibus Praeses Capituli decantandum incipit: Te Deum laudamus, qvo finito, et gratiarum actionis oratione facta novus Provincialis Magister ante maius altare in manibus Nuntii apostolici in sella sedentis fecit professionem fidei, ipsique Provinciali penes Nuntium in alia sella sedenti omnes, et singuli debitam praestiterunt obedientiam. Pro ultimo: ipse Illustrissimus Nuntius missam in gratiarum actionem de SS^{ma} Trinitate solenniter celebravit, et finem Capituli posuit.

Doctoralis laurea Patri Paulino SS^{tae} Theolog. Bacc. oblata.

Ex Collegio Pržikoviano qvondam Cracoviae Pater Paulinus cum aliis a Reverendissimo Patre Generali in Italiā vocatus pro studiis, et Romae examinatus est; sed ob auram ipsi contrariam, et magnam infirmitatem ad studium Wiennam missus et collocatus, ibidemque sub Octaviano, publico Theologo et Conventus Gvardiano, maxima inter Italos et Austriacos turbatio, et conseqventer distractrio tunc exorta fuit ut in studiis ita in aliis, uti alibi dicetur. Stantibus his Patrem Paulinum provincia Austriae non absqve consensu Reverendissimi pro officio eiusdem provinciae applicavit. Post aliquos vero annos Reverendissimus in capitulo Generali pro Doctorali laurea duos, Reverendum Patrem Franciscum Kayserspek, et Patrem Paulinum licentiavit, authoritatemque Illustrissimo domino Nuntio apostolico eis conferendi Doctoralem lauream dedit. Patri Francisco, uti Wiennae existenti Concionatori ordinario, citius, sed Patri Paulino primum occasione Capituli (in qvo idem Nuntius apostolicus praesidebat) praenominata laurea Doctoralis oblata fuit.

De caeremoniis in conseqvenda laurea Doctorali P. Paulini.

Anno a partu Virginis 1649 die vero 14. Septembris peracto Wiennae ad S. Crucem Provinciali Capitulo Illustrissimus Nuntius apostolicus missam solenniter (utpote in patrocinio exaltationis Sanctae Crucis) celebravit. Et in praesentia totius Capituli, et magna multitudine populi (ut in Constitutionibus praescribitur) servatis servandis lauream Doctoratus P. Paulino contulit. Interim Caesarea solennissima musica Te Deum

laudamus etc. cum tubis etc. decantavit. Qva finita Neo-Doctor publicam orationem gratiarum actionis tam Promotori, qvam etiam omnibus Principibus, et Praelatis, ac omni populo, qvi aderat, gratitudinis causa perfecit.

Invitatus a neo-Doctore Nuntius apostolicus ad prandium.

In principio Capituli Provincialis Sua Caesarea Maiestas pro tractatione fratrum per Cancellarium Nuntii apostolici Patri Paulino uti Gvardiano Capituli trecentos misit florenos. Hanc pecuniam Patri Cornelio, Procuratori Conventus Wiennensis, dispensandam tradidit. Intuitu huius eleemosynae annuente Admodum Reverendo Patre neo-Provinciale, facta oratione publica ut supra, Illustrissimum dominum Nuntium apostolicum Pater Paulinus neo-Doctor in ecclesia ad prandium invitavit; qvod nunquam fuerit in prandio, a qvo est Wiennae Nuntius, se taliter Nuntius excusavit, imo ipsum novum Doctorem cum caeteris in prandio habere voluit ut seqvitur.

Convivium apud Nuntium apostolicum.

Praeter provisionem de cibis et vinis, qvam fecerat Illustrissimus dominus Nuntius apostolicus sub Capitulo excusando se Patri neo-Doctori Paulino a prandio, potius ipsum cum Admodum Reverendo Patre Magistro Provinciale in erastinum ad convivium, et alios omnes nostros Doctores invitavit, et modo tali: Admodum Reverendum Patrem Provinciale cum neo-Doctore Paulino; Admodum Reverendum Patrem Magistrum Ambrosium et Admodum Reverendum Patrem Henricum Dens. Seqventibus vero diebus similiter qvatuor Doctores, et sic omnes usqve ad ultimum tractavit. Praeponebantur ibi cibi portionaliter unicuique nihil cocti, sed diversissimae et recentissimae pastetae optime conditae, de assis cibus ultimus, omnibus separatus phaseolus saccarro, et aromatibus conditus. Post pastum: fructus multiplices, et de saccarro species plurimae; de vino duae lagenulae, de hispanico una, et de Rhenensi altera; Singuli habebant vitrum qvoqve aquae plenum, et minus vacuum, qvi voluit temperare vinum cum aqua, potuit.

In valedictione privilegium.

Finito convivio valedicenti Patri neo-Doctori Paulino Dominus Cancellarius privilegium Doctoratus nomine Illustrissimi Praesidis Capituli praesentavit. Adiungit Illustrissimus, ut Pater Paulinus peteret, quid velit; sed ille, nisi gratiam, et benedictionem petiit. Magnas partes de reliquiis S. Martini P. et M. et S. Lucii E. M. et authenticum obtinuit de super praedictis reliquiis cum viatico, qvas pro memoria habuit. Item una cum Admodum Reverendo Patre Provinciale uti Decano Carnoviae in Silesia, ubi sub Sveco a fide Catholica multi ob eius absentiam aberraverant, licentiam relapsos, et in Bulla coenae Domini, imo Pontifici casus reservatos absolvendi in scriptis (durante tantum sua nuntiatura) impertivit Nuntius et concessit.

Copia Doctoratus Patris Paulini.

Camillus Meltius, Dei et apostolicae sedis gratia archiepiscopus Capuanus, Sanctissimi Patris, et D. N. Innocentii divina providentia Papae X. ac eiusdem Sanctae Sedis apostolicae apud Sac. Caesaream Maiestatem Ferdinandum III. in Imperatorem electum, nec non per Germaniam, Hungariam, Bohemiam, Austriam, Styriam, Carinthiam, Croatiam, Carniolam, Goritiam, universumqve I. R. districtum cum Facultate legati de latere Nuntius etc.

Reverendo Patri Fratri Paulino Zaczkowicz de Gniażdow Ord. Min. Convent. Sancti Francisci, A. L. et SS^{tæ} Theologiae Doctori salutem et prosperitatem.

Virtus et honos ea cum sint necessitate coniuncta, ut sola virtus ad honorem mortalibus aditum praebeat et accessum, honor vicissim virtutem nutriat, foveat, et augeat, neque vera videatur virtus, cui iure non succedat honos, nec honor verus, qui non ex virtute conceditur, optima ratione penes antiquae sapientiae Patres certissimum semper fuit, virtutem aut rebus omnibus anteire, perinde solam sibi sufficere, vel certe (quod proemium dari queat) id unicum existimarunt honorem. Qvorum prudentissimam sententiam Seraphica religio laudabili semper prosecuta instituto in dilectos suos filios, quos multiplici virtutum et scientiarum cumulo ornatos agnoscit, Magistrali Doctoratus laurea decorare consuevit, ut et eos ad

maiora acqvirenda promptiores faciat, et qvi adhuc in stadio currunt, ut ad metam altiori animo properare intendant.

Nos igitur tibi Reverendo Patri Fratri Paulino Zaežkowicz, qvi Sacrae Theologiae, nec non ingenuarum artium studia aggressus et a venerabili Diffinitorio Generali admissus, et approbatus, Tibi, inqvm, hodierna die, qvae est decima qvarta Septembris ipso duntaxat Festo Exaltationis S. Crucis anni millesimi sexcentesimi qvadragesimi noni Wiennae Austriae post habitum sacrum, praesentibus pluribus praedictae tuae Religionis Patribus et Fratribus, nec non aliis Admodum Reverendis, Perillustribus, et Nobilibus dominis et populi qvam plurima multitudine post fidei professionem emissam Sacro codice tradito, biretro nigro, annulo digitis imposito, cathedrali sessione exhibita, Magisterii et Doctoratus signa publice contulimus; Teqve A. L. et SS^{tæ} Theologiae Doctorem et Magistrum pronunciavimus, et declaravimus cum omnibus, et singulis praerogativis, gratiis, privilegiis, indultis, immunitatibus, honoribus, gradibus, et praeeminentiis, qvibus alii Doctores et Magistri de iure, vel approbata consuetudine in qvavis Ordine, potiuntur et gaudent. Praesentes faciendas in signum mandavimus, easqve nostro sigillo obsignari iussimus, propriaeque manus subscriptione munitas dedimus ad honorem Sanctissimae Trinitatis, Sanctae Romanae ecclesiae, religionis tuae et Seraphicae propagationem. Wiennae Austriae in residentia nostra die, et anno ut supra.

Camillus
Archi-Episcopus Capuanus.

locus
pendentis
sigilli
maioris

Petrus Petruccius N. A.
Cancellarius.

De conclusione pacis.

Nihil potest esse charius, qvam pax. Hanc et ipsi Sveci desideranter exspectabant Olomucii; de hac diu tractabatur in imperio inter Principes, tandem Deo disponente uno vespero conclusa fuit. Uno vespero circa occasum solis innumerabilis plane multitudo Ciconiarum advolavit Olomucium, et supra tecta omnium ecclesiarum, supra Curiam civitatis, et omnes

domos Canonicorum in praeburbio, et quae erant altiores domus in civitate, ordine pulcherrimo se posuerunt, et compositae sederunt per totam noctem, et mane in ortu solis iterum avolarent. Sveci omnes nunquam visa tanta multitudine huius speciei avium, aspicientes aves mirabantur, imo consternati insomnem habuerunt noctem illam. Positis ubique fortioribus excubis discursus varios habuerunt, et aliquid novi denotare consuluerunt. Altera die tam in concilio quam in bellicis postis divinarunt. Quæstio facta inter reliqua, ex qua parte venerint, et quorū ad volaverint? viderunt multi a parte occidentali ad volasse, et ad partem septentrionalem avolasse. Multi præsignarunt, si ex occidente ubi pax tractatur, et Sveciam versus ad volarent, certe pax conclusa in Imperio et nos post ciconias in Sveciam abituri. Et post quatuordecim dies verificatum, quando Commendans accepto exemplari tractationis pacis et conclusionis, quod illa die, qua ad volaverant ciconiae, et ipso vespero pax conclusa fuit, et ut se paulatim cum suis præparet pro discessu, Commendans admonitus est.

Promulgatio pacis.

Edictus ex literis Commendans, Consilium bellicum ad vocavit, et quid sint facturi, antequam veniet ulterior dispositio, consultabant. Per Officiales suis militibus laetum nuncium pacis promulgare mandavit. Item Consulem et Senatum, et per eos totam civitatem consolatus est, ut bono animo sint, libere omnia sua exercerent, confidentiam habeant ad Svecos et affectum sincerum, non iam ut hostes, sed amicos. Suis etiam Officialibus et militibus, ne amplius alicui ex civibus vel minimam faciant molestiam interdixit; si secus fecerint, severe punientur. Talis concordia, et unanimitas per Praeconem ex decreto consilii bellici in omnibus plæteis promulgata et commendata fuit. Interea parabantur reqvisita pro triumpho, tormenta advehabantur ad medium forum, et similia.

Triumphus pacis solemnis.

A Generali Svecico dies gratiarum actionis assignata, in qua triumphum totius diei Olomucenses Sveci celebrarunt ad istum modum: in primis mane illa hora, qua pro Ave Maria,

seu salutatione Angelica, pulsatur, ex omnibus simul tormentis, qvae erant tam in propugnaculis, qvam etiam in civitate et vallis disposita terna vice datum Salve, intra ternum dictum Salve, musica cum tubis et tympanis in turribus distributa fiebat; post dictam salutationem omnia regima suo ordine armis instructa, cum vexillis, tympanis ex suis locis progrediebantur, et in punto tertio quadrante ad horam septimam in foro comparuerunt. Ab hora illa iterum ex tormentis in locis omnibus cum alternata omnium militum (intermedia musica) fiebant explosiones usqve ad horam octavam. Ab illa hora campanis in turribus, ecclesiis, capellis, vel domibus, si reperiebantur, pulsabatur tota illa hora. A nona omnes Catholici (etiam Lutherani in suis ecclesiis) Te Deum laudamus incipientes in gratiarum actionibus devoti hora integra perseverarunt. A decima per plateas musica, et cantica spiritualia, et per domos tam apud Catholicos, qvam Svecos pro cuiuscunqve voluntate, vel devotione constituebantur. Ab hora undecima ad duodecimam silentium, et milites tamen in foro stantes, nec illa hora descenderunt a suo ordine. Post prandium qvoqve auditio magnae campanae sonu in Cathedrali et Parochiali ecclesiis pro Ave Maria ex tormentis omnibus ut mane dabatur Salve. Hora 1^{ma} pulsus campanarum. Hora 2^{da} vesperae solennes, et hoc modo usqve ad finem diei, acsi festus aliquis, dies in triumpho et magna laetitia terminatus fuit.

Laetitia in promulgatione pacis.

Nemo crederet, qvanta fuit laetitia in triumpho, seu publicatione pacis. Pulsus campanarum, et horologia omnia toto tempore a Svecis prope novem annis fuit interdictus, pro missa solum vix aliquod signum campanae dabatur, nec tempore sepulturae alicuius demortui; pulsum campanarum ipsi Sveci sciebant causam, cur prohibuerint. Similem pulsum omnibus campanis, qvotqvot erant in civitate audientes, prae nimia laetitia populus flebat. Aliqui ac si essent extra se, vel mente capti, pulsus si aliquos deprehendit in plateis, in terram eadebant; aliqui lachrymantibus in coelum manus levabant, et Deum benedicebant.

Non solabatur aliquos pax.

Svecicus miles, maxime foeminae, incredibiliter in illo triumpho flebant, nec ex pace conclusa, et publicata fuit eis consolatio. Et ego ex curiositate videns tantam lacrymarum effusionem Svecarum foeminarum causam inquisivi, pro responso accepi: Si pax est, natus sum in bello, domum non habeo, patriam nescio, amici mei nulli, bellum totum meum bonum, hic et nunc quovsum? militissae cum liberis ac si stultae per plateas incedentes lamentabantur: Sub Dio tota vita mea, inter milites fui, liberos habeo tot, et nullus maritus certus. Mater dicebat: Filii mei in tanta necessitate nec Matrem, nec Filios agnoscunt esse suos, quid faciam? Ad petitionem aliquarum Svecarum commiseratione aliqui ducti cives, dono accipiebant filios, et filias.

Liberi incarcerated.

Olomucii, et in omnibus praesidiis, quae Sveci tenebant in Moravia, si aliqui tenebantur captivi cives vel milites Sveci, aut Caesariani ex carcerebus dimittebantur, et libertate donabantur. Satisfactione tamen facta, prout potuit fieri, ibant, quo volebant. Item si alicui militum in Moravia, Austria, Silesia remanere placuit, tempestive sibi providere de literis dimissorialibus, seu Abschiedt debuit; fuit ad placitum, sed cuique suas literas apud Officiales servare oportebat, et non citius, nisi postquam venerint ex provinciis his, abituri, uti multi post exitum Sveci redierunt, et se in Moravia collocarunt.

De processionibus publicis.

Oportebat quidem inter alia etiam simul de processione publica, ab ingressu Sveci anno 1644 in praeburio Olomucii celebrata, aliquid perscribere, sed ad aliam solemnitatem, quae post publicationem pacis in ipso die Corporis Christi facta est, transferre visum fuit.

Anno igitur 1644 in favorem occultorum Catholicorum Officialium, et aedificationem acatholicorum Svecorum, qui nunquam viderunt devotionem Corporis Christi, solemnem processionem, resolvente se Patre Gvardiano ad S. Iacobum, et

imminente solemnitate Corporis Christi, celebrare voluit. Com-mendantem accessit, et consensum obtinuit.

De requisitis pro processione Corporis Christi.

Multa reqvirebantur pro hac solemnitate necessaria. Praeter alia arbores, seu rami virides de more solito in plateis pro ornamento Processionis ponendae. In illo statu miserrimo pro his acqvirendis difficultas magna. Cum consensu igitur Com-mendantis Pater Gvardianus assumptis aliquibus civitatis pueris qvaesitum res huiusmodi extra muros civitatis perrexit, et ibi nihil ad propositum repertum est. Ultra prohibitionem ex-cubiarum eqvestrium ad pagum Chwalkowitz properavit ad nemora proxima; vix intravit principia nemorum, quinque Wa-lachi ex monte illos intrantes adverterunt, securibus et bombardis armati, eos ceperunt, et qvid velint, in sylvis inquisiverunt.

Captus a Walachis Gvardianus.

Captus cum caeteris et ductus ad ecclesiolam in monte sitam, qvid sint facturi inter se? consultarunt. Intervenit interim primarius Walachus sylvanus, Gallus de nomine, et Patri Gvardiano bene notus, qui post brevem discursum ad unam explosionem ex bombarda multos advocavit alias, cum quibus ad partem consultando ad Gvardianum rediit, et ab eo, quid agatur in civitate, intellexit, adiunxitque: si non fuisses Pater notus, aliter insolentes isti tecum instituissent. Iussit igitur Gallus secari et ligari sufficientes arbores pro processione illa, et ne proderentur Walachi in montibus his, praecepit, et libere eos dimisit, qui sat periculose arboribus acquisitis eas domum attulerunt. In eqvestrium custodia ad Chwalkowitz, utrum vide-rint Walachos, diligenter inquisitum est, et verbum promissum noto Gallo tenuerunt, et Walachos non prodidere.

Altaria pro processione posita.

Non publicam processionem in festo Corporis Christi per civitatem, sed in praeturio tantum impetravit Pater Gvardianus. Fecit ergo quatuor altaria extra ecclesiam S. Clarae. Primum: ad portam Carthusianorum. Secundum: ad portam B. M. V.

Tertium: ad portam Patrum Soc. Iesu. Quartum: in porta hospitalis S. Spiritus; in illo districtu platea arboribus, gramine, et floribus sat pulchre exornata fuit. Pro illa processione Commendans, et alii Supremi invitati, et comparuerunt omnes. In civitate tunc erant alii duo sacerdotes, unus dominus Ioannes Woitius parochus Nebotinensis, secundus Pater: dominus Carolus parochus Odrensis; propter ranzionem centum Imperialium in parochia captus, et in carceribus arestatus, sed hac vice ad petitionem Patris Gvardiani dimissus, qvi ante missam illa die concessionem fecit germanicam; postea isti duo Patri Qvardiano pro Diacono et Sub-Diacono in processione astiterunt, et pro Thuriferario Fr. Didacus, qvi remanserat Olomucii. Premesso itaque solemni sacro cum tubis, et tympanis, conacione Bohemica et germanica pulcherrime solemnitas Corporis Christi peracta est.

Distractio sub processione.

Recte sub statione secunda ultra duo millia militum adfuerunt in processione, et videns Commendans cum Superioribus Officialibus, qvod adhuc plures convenient, timens, ne sub praetextu illius devotionis aliquid mali eveniat, vel aliqua stratagemata fiant, explosione tormentorum mandavit strepitum, seu larmo, fieri; inde commoti milites, et Supremi cum Officialibus ad arma cito cucurrerunt ad postas, et hoc modo decepti dolebant maxime Catholici, qvod ad finem non continuaverint, sed reliquus populus devotus usque ad finem processionis perseveravit.

Processio maior in festo Corporis Christi.

Post publicationem pacis ante discessum Svecorum imminente festo Corporis Christi audiens Commendans de illa famosa et gloria processione, hanc cum suis Supremis cupiebat videre. Et in hoc debuit illis fieri satisfactio. Admoniti itaque a Senatu omnium tribuum (qvi sunt quingvaginta) Zech-Magistri, ut omnia sua pretiosa vexilla, quae in diversis ecclesiis in suis cistulis sub fornicibus, ne putrefiant, appendi solent, deponant, et cum illis in publicum ipso festo prodeant. Processio ordinata de more solito, Ecclesiasticis necdum convenientibus tantum Pater Gvardianus ad S. Iacobum, Pater

Ioannes Woitius, qvi parochialia administrabat, duo Capucini sacerdotes et Frater Didacus, Bernardinorum laicus, illi soli ut mos antiquus, finita solemni missa cum Venerabili ad forum maius, ubi erant altaria pro stationibus exornata, coelo sereno exiverunt.

Tempestas sub processione.

A mane illa die nulla sperabatur tempestas, et ultra spem exeuntibus ex ecclesia exorta parva nubecula perrepente coruscationes, fulgura, ac tonitrua, et mox insperata maxima pluvia; dum venitur ad stationem primam, cessavit pluvia; vix se moverunt ab altari, similis tempestas ad secundam usque stationem, iterum sub Evangelio cessavit, finito Evangelio cum progredi opus, similiter pluvia in progressu; ad tertium altare optime, et post, uti ante; consequenter per totum forum pessimum tempus, et sub Evangelio optima fuit serenitas. Populus, qvi comitabatur Venerabile, a partibus in domibus salvare se poterat, soli Ecclesiastici cum monstrantia licet se sub baldachino coniunctim servaverint, parum iuvit, toti madidi redierunt. Omnia Tribuum populus, viri maxime, qvi penes vexilla mansit, toties tempestas in processione venit, relictis extra vexillis, ad partem aufugiebat. Revera in suis sumptuosis vexillis magnum eis fuit damnum factum.

Praeviderunt Sveci tempestatem.

Talis dispositio aëris illa die non sperabatur; a summo mane ad nonam usque nullum signum apparebat tantae inopinatae tempestatis, uti finita processione tempus fuit serenissimum usque ad vesperum. Bene praesagiverunt et ipsi Officiales Sveci, et suos praemonuerunt, ne in processione multum comparerent, constituerunt enim sibi loca et fenestras, ubi videntes hanc comoediam, suam ridiculosam haberent laetitiam, uti plus risus resonabat Svecorum, quam musica illa solemnis; prout auditum fuit, et se Sveci laudarunt, quod magia fecerit similem pluviam, ut se recrearent.

Nupsit Lictorissa Nobili.

Captus qvidam eqvestris Ordinis Nobilis (egregius miles Caesarianus) a Svecis de nomine et cognomine Adamus Wolsky

Bohemus, eqvis, armis, et rebus aliis privatus, in carceribus diu redemptionem expectavit. Cum nulla spes liberationis, vitam tantum servare volens, Lictorissae viduae fideliter servivit, et quasi rustici labores exercuit. Vidua intuitu tantorum servitorum prae omnibus captivis quasi pro filio eum habuit; procus cum pro tempore factus, propriis sumptibus vidua pulchre illum vestivit, ranzionem Svecis, quantum yolebant, solvit, et ex civitate dimisit. Nemini innotuerat secretum, qvod voluerit Wolsky cum Lictorissa; factus enim liber memor beneficiorum ipsius perexit Brunam ad regium Tribunal, Indigenatum sibi in Moravia procuravit, et a Nuntio apostolico legitimatatem et dispensationem Wiennae, dein penes Prostannam coempto bono praedio, ultimo avocata Olomucio Lictorissa vidua, eam in uxorem accepit, vixitqve cum ea diu ut nobilis.

Revocationes Monialium ab exilio.

Exulaverant Moniales Ordinis S. Clarae, ut dictum supra, paucis domi remanentibus, primo se Brunam receperunt, inde in Silesia Oppaviam, et postea Koslam, ibique usque ad revocationem remanserant; intra illud tempus una Brunae Francisca Polerin professa obierat, et duae Koslae, virgo nempe Catharina vicaria vitae piissimae, et alia virgo Elisabetha Schwabeckin. De remanentibus Olomucii, pace expectata, ne unica superstes fuit. Cum venerabilis Virgo Abbatissa Anna Opawska inter Svecos sola remaneret, perqvam necessarium fuit, unicam saltem pro socia bonae Matri ab exilio revocare Oppavia. Accessit qvidem domini Commandantis consensus, sed et ipse, qvomodo revocare deberet, multa proposuit dubia. Si in vestitu ut Monialis, propter excursiones tum Svecicas, tum Caesarianas periculosum, nisi esset salvus conductus, et copiosus magnis expensis. De his una, qvae ventura erat, Virgo Margaretha certior facta Oppaviae, ipsius erat cogitare, qvomodo perveniret. Peregrino igitur vestitu induta, et intus reservato religionis habitu, gibosam et turpem se formavit. Colligatis fasciculis lignorum venalibus cum socia ad civitatis portam veniens intromissa ab excubariis recte ad Conventum ligna portavit, vendidit, et a Virgine Abbatissa non citius, qvam deposita veste peregina agnita, et suscepta est.

Alia licentiata Virgo ab exilio rediit ad S. Catharinam. Post exilium nempe Virginum ad S. Catharinam Olomucio propter conservationem monasterii etiam aliquae remanserant; cum tempore tam peste, quam variis oppressionibus angustiatae, praeter unam ex Senioribus Virginem Cordulam, obierunt. Recte ad istum modum unicae et solitariae Virgini Cordulae Priorissa, Hradisci sese cum aliis detinens, succurrere, et ei unam, Helenam professam, adiungere voluit. Consensum a Commandante habens, nominata Helena, aliena veste induita, portas, vel excubias in portis pertransiit, ad Conventum suum venit, sed misericordiae non successit, si se ad portas, qvis esset? non manifestasset. Commandans in stella mala existens aliquos ex compagnia ad Conventum ablegavit, qui pauperculam in habitu vix non semimortuam ad Commandantem adduxerunt. Postquam Commandans cum Officialibus sufficienter eam vexaverit, domum remisit unicam solam; revera in redditu multos habuit spectatores.

Pace publicata revocatae Moniales ab exilio.

Post conclusionem pacis Sveci pellem lupinam in ovina mutarunt, olim inimici, postea amici boni facti. Iam non multum pendebat a Svecis, sed unicuique exire, et redire pro suo arbitrio licebat. Non igitur authoritate Commandantis, adhuc Olomucii existentis, sed consensu Superiorum Ordinis tam Moniales ad S. Claram, quam alterius monasterii ad S. Catharinam ad sua monasteria redierunt.

De Commissariis ad recipiendam civitatem.

In tractatione pacis, cui, vel quibus iuxta praescripta, et conclusa a certo numero annorum quondam, maxime Ecclesiasticis, iniuria illata et satisfactio non fuit, praesidia, monasteria, ecclesiae, hospitalia restituta sunt, uti in aliis quibusvis locis, vel provinciis quies, et tranqvillitas. Etiam ex praesidiis in Moravia Sveci erant amovendi, et abeundi. In huius modi finem ex statibus omnibus Moraviae loco Suae Caesareae Maiestatis Commissarii deputati, penes eos aliqui Illustrissimi domini Comites, et Olomucii commorati sunt, qui simul convenientes de sibi commissis ad recipiendam civitatem iniverunt consilia.

Revisio Praesidii Olomueensis.

Ex parte coronae Sveciae qvoqve Commissarii deputati: Illustrissimus dominus Generalis a Wittenberg; Commendans dominus Valentinus Winter, et qvinque aliquot Supremi. Illis praesentibus muros, propugnacula, valla, tota moenia, pulveres, globos, fomites, sclopetas, deniqve omnem munitionem, et alia, qvae ad defensionem spectant, Commissarii Caesarei lustrarunt. Fabricaverunt Sveci in timoribus sub obsidione sub fundamentis turrium, portarum, moeniorum insidiatorias minas, illis qve adiuncti pulveres, et illa sub Commissione non manifestarunt; ad lucem totum pervenit, sed se facile poterant oblivione excusare; absconditi et levati postea pulveres, sed putrefacti toti.

Tormenta restituuntur.

In occupatione civitatis nonaginta magna tormenta, et de minoribus nonnulla Olomucii Sveci invenerunt, etiam munitionem sufficientissimam; illa omnia cum munitione superflua hostis accepit; etiam de proventibus, farina, et aliis medietatem acceperunt, et residuum remansit. Etiam erant adhuc Svecis alia tormenta et mordaria, qvae Sveci ex suo metallo et campanis in Moravia spoliatis de novo fabricaverant; cogitaverant qvidem Caesarei Commissarii litem movere de his, nolentes autem ultimo excitare carbones, dissimularunt, imo ad instantiam Generalis de Wittemberg de munitione, globis etc. acceperunt, quantum volebant, secum in Sveciam.

Petit Serenissimus a Commandante calices.

Postqvam receperit hostis civitatem per accordo sibi traditam Svecicus Generalissimus eam cum plurimis Generalibus intraverat, et lustraverat. Inter Generales erat unus, dictus Milieczky, Patri Gvardiano Paulino olim notissimus, et Catholicus, cui nominatus Pater de thesauris S. Iacobi et S. Clarae ablatis conqvestus fuit. Dictus dominus Milieczky in reditu ad castra qvidqvid acqvirere adhuc potuit de argento, redemit, et Patri Paulino Gvardiano per duos tubicines remisit, et donavit. Erant ibi capita, et manus argenteae, in eis reliquiae Sanctorum inclusae, et aliqui calices, Reliquiarium ecclesiae Cathedralis

Olomucensis; illa omnia per dominum Stanislaum Cžachoreczky, eiusdem ecclesiae Honoris Vicarium, (excepto Reliqviario gemmis et lapidibus spoliato, sed reliquiis intactis cum duobus leonibus argenteis) praesente tunc Admodum Reverendo Patre Magistro Cornelio Oytweiller restituit ecclesiae. Item recedente Generalissimo Durstensonio ex Moravia in Silesiam cum exercitu, unus mercator, seu markitan, ex spoliatis curribus emptos calices, et argenteas cruces ex castris Olomucium in domo Episcopali congregatis Ecclesiasticis venales tulerat. Cum ille ignota loqveretur lingva, erat enim Polonus, non habentibus pecuniam Ecclesiasticis, ab ipso ut Catholico calices decem, et cruces duas impetravit. Illa omnia spectabant ad cathedralem ecclesiam, et a Canonicis ibidem in sacristia reposita et conservata fuerunt. Item sub assaltu Caesarianorum ad decanatum, utrum a Caesarianis, vel Svecis cathedralis ecclesia spoliata fuerit, nescitur, sed qvae erant alicuius momenti: casulae, albae, mappae ablata, et alia per ecclesiam, et ambitum dispersa sunt. Et qvoniam porta ecclesiae, licet clausa, sed non de integro, nemo de spoliis illis scire potuit. Primo in audita pace pro Commissariis duo Capitanei Svecici, sed Catholici, cum Patre Paulino Qvardiano deputati, ut res suppelletilis ecclesiae colligerent, et conservarent. Inventa una qvoqve parvula clavicula deaurata, fuit a tabernaculo, ea Pater Paulinus tabernaculum aperuit, et in eo magnum ciborium hostiis consecratis plenum invenit, et consumptis particulis incorruptis dictum ciborium in sacristia cum aliis omnibus rebus composuit et ad S. Claram conservavit. Alia suppellelex ecclesiae cathedralis tam de argento, et aliis a Sveco recuperata in sacristia deposita, cum tempore milites excubiarii, qui semper penes, vel post ecclesiam remanserant, perfracto muro ex sacristia calices, et alia abstulerunt, proditi illi mercedem condignam acceperunt. Et Commendans in executione quidqvad a furibus post executionem acqvisivit ut sua propria sibi applicuit. Hoc non latebat Serenissimum archi-Ducem Austriae, qui qva episcopus Olomucensis de thesauris suis fuit spoliatus, et Commendant, anteqvam discederet, de calicibus scripsit, et dominis Commissariis negotium commendavit.

Patri Paulino Gvardiano donati calices.

Acceptis literis Serenissimi Archi-Ducis episcopi Olomucensis dominus Commendans Olomucensis uno mane, facto bellico consilio, cui etiam Illustrissimus dominus Generalis de Wittemberg interfuit, misit pro Patre Paulino Qvardiano, qvo praesente, et assistantibus dominis consilii bellici Suae Serenitatis lectae fuerunt literae. Interim Commendans argentum seu calices adferri mandavit, et ait ad Patrem Gvardianum: ,Ista recuperavi, et iudicio, et approbatione consilii bellici, et confirmatione Illustrissimi hic praesentis Generalis iuste ut mea propria teneo. Non episcopo Serenissimo, sed tibi Pater, qvi perseverasti fideliter nobiscum usqve hue, stantibus his testibus, Tibi praesento, ores pro me. Et qvod tibi dederim ista omnia, recepissee in scriptis praestes mihi.' Dedit ergo Pater Gvardianus in scripto domino Commandanti reversales, et sibi donata aliis conservatis ad S. Claram adiunxit, et ecclesiae Cathedrali suo tempore omnia restituit.

**Visitavit ante discessum dominus Commendans dominos
Canonicos.**

Inaudita in imperio tractatione pacis Reverendissimus dominus Iacobus Mercurianus, iam securus de liberatione civitatis, contulerat se ad arcem seu praesidium Hochwaldense, ad Capitulum Olomucensis cathedralis ecclesiae spectans, eo fine, ut qva Serenissimi Archi-Ducis episcopi administrator subditos Capituli iuvaret, et conservaret. Paulatim cum Commandante Olomucensi incepit aliqualem habere correspondentiam, et qvandoque ex venatione de ferina eidem praesentare solebat. Iam recte ante exitum Svecorum venit cum Reverendissimo domino Gobar (Gebar?) Olomucium; de adventu ipsorum Commendans informatus, qvos a multo tempore videre desiderabat, personaliter in hospitio visitavit. Post discursus varios praesente Patre Paulino Gvardiano interrogavit: qvid fiat huic Patri, qui hucusque in maioribus mortificationibus permansit. Pro responso a domino Mercuriano habuit: Praeter merita, qvae habet S. Religio S. Francisci intuitu fidelis perseverantiae, tales mercedem habent suam. Etiam proponente nostro Capitulo Illustrissimo domino Comite de Santilier meo antecessore Patrem hunc pro episcopo Titulari et Suffraganeo Olomucensi habere volumus. Habuit Pater

Paulinus et alias postea promotiones, promotione Illustrissimi domini Camilli Meltii archi-episcopi Capuani apud Caesarem a latere Nuntii apostolici episcopatum titularem. Item a Sacra Congregatione Missionariorum Apostolicam Praefecturam. Item a Celsissimo Principe Olesnicensi in eius dominiis Sternbergen-sibus prope Olomucium insignem, et ditissimam Schönwaldensem parochiam cum aliis adiacentibus circa Neostadium. Item in dominiis Illustrissimi domini Zastrizli qvoqve ditissimam parochiam in Boskowitz. Item decanatum Ostraviensem. Etiam ipse Serenissimus archidux qvamcunqve parochiam in Mora-via, si voluisset, ipsi obtulit. Omnes promotiones vel resignavit, vel sibi minime applicuit. Omnia amore religionis, et provinciae Austriae sponte dimisit, certo supponendo, Patres Austriacae provinciae respectum, et discretionem sui habituros, ut absqve similibus honoribus ultra septuagenarius in multis, vel paucis adhuc vivat.

Currus congregati pro Svecis discessuris.

Fuit ordinatum per omnes Moraviae districtus currus pro evehendis Svecorum rebus, seu forspann, praeparari, eosqve ad praesidia, seu civitates occupatas a Svecis, dimitti; illos currus proportionaliter distribuebant deputati Commissarii; ubi erant plura vel fortiora regimina, etiam plures vecturae assig-natae, et in quo districtu fuit eiusdem praesidium ut in regia civitate Iglaviae, qvam Sveci tribus annis occupaverant, et possederant, districtus ille subministravit illi currus. Similiter Unczoviensibus consignati currus a Commandante pro ibidem Colonello Danckfort ex circumiacentibus montanis. Item Carnoviae domino Wiercz Commandanti ex districtu Carnoviensi. Olomucenses vero ut fortiores ex qvatuor districtibus: Olomucensi, Brunensi, Unczoviensi et Hradischicensi ultra unum mille curruum a Commissariis acceperunt. Illos currus oneraverunt, prout voluerunt. Ordinatum est, ne qvidem minima fieret resistentia, dummodo illos pacifice et quiete ex-pedirent.

Convocati ex praesidiis Commandantes.

Aliqvot diebus ante discessum Svecorum ex praesidio Sternbergensi, ex praesidio Fulnecensi, ex praesidio Ailenbergensi Commandantes Olomucium venerunt; illa enim praesidia et

Commendantes praesidiorum a Commendante Olomucensi tanquam Superintendente dependebant, ut ipse, quando volebat, reformabat tam Commandantes, quam milites; iis convenientibus omnibus in unum, talibus currus, seu fohrspann unicuique, prout opus erat, distribuebantur.

Discessus Svecorum.

Die assignata pakasche, seu fohrspann cum curribus de toto marchionatu Moraviae summo mane versus Silesiam cum antegvardia militum expediuntur. Interea vocatis pro discessu regiminibus ad forum, eisqve cum vexillis, tympanis, et aliis reqvitis stantibus solus Generalis de Wittemberg in persona legem, et modum se recipiendi Olomucio et expediendi dedit. Item mandatum promulgatum in conspectu Caesarianorum Commissariorum nomine Svecicae Coronae, qvod si aliqui velint valedicere militiae, vel manere in his partibus, postqvam exiverint, seqventibus diebus se insinuare apud Generalem possunt, et licentia buntur.

Discesserunt Olomucio Sveci.

Post exitum Svecorum Olomucio a longe qui aspiciebant, cum curribus videbatur magnus exercitus, extendebant se enim ad unum milliare per longitudinem, dicebant de milite eqvestri et pedite fuisse ad millia decem. Iam eis absentibus non civitas sola, non Moravia, sed aliae Suae Caesareae Maiestatis ditiones laetari potuerunt, et ut qvondam Aegyptii hebraeis abeuntibus psalm: 104. laetata est Aegyptus in profectione eorum, sunt et iuste Olomucii illa die post exitum Svecorum Laudes Deo decantatae; ita et Hymnus Sancti Ambrosii: Te Deum Laudamus.

Post evacuationem restituuntur calices etc.

Ordinatione Serenissimi episcopi Olomucensis non differendo post exitum Sveci altera die deputati fuerunt ex gremio Capituli Reverendissimus dominus Franciscus de Reqvesens, Reverendissimus dominus Ioannes Gobar, Reverendissimus dominus Ioannes Chrysostomus Orlik Canonici Olomucenses; eis adiunctus Reverendus dominus Thomas Felix, cathedralis ecclesiae Sacrista et honoris Vicarius, qui venientes ad Conventum S. Clarae iuxta inventarium a Patre Paulino descriptum Calices, et omnem suppellectilem suae ecclesiae munde compositam, et

conservatam ex Sacristia sanctae Clarae levarunt, ad currum posuerunt, nec gratias egerunt, et qvod maius est, nec dominam Abbatissam salutarunt. Fuit inter res illas conservatas una stola superflua, qvam petiit Pater Paulinus pro ecclesia S. Clarae, et tam rem exiguum ipsi denegarunt. O! ingratitudo.

Reconciliatio Ecclesiarum pollutarum.

Post Sveci exitum libertas pristina civitati Olomucenae est restituta, ita et ecclesiae Metropolitanae Cathedrali, et aliis pollutis, qvae ut in eis honor Divinus persolvatur, reconciliantur. Reverendissimo domino Sigismundo Minutini Olomucensi Suffraganeo mortuo sub Sveco, vacante igitur sede, procurante Sere-nissimo, Patri Paulino Zaežkowitz Gvardiano ad Stum Iacobum Roma a sede apostolica venit Authoritas, pollutas ecclesias reconciliandi. Die igitur pro reconcilianda ecclesia Cathedrali constituta et omnibus paratis requisitis Reverendissimi domini Canonici Cathedralis ecclesiae ante ecclesiam convenerunt, illisque praesentibus, et multitudine populi magna congregata modo, et forma Pontificali praescripta, primo circa Cathedralem ecclesiam coemeterium, dein ipsam ecclesiam, et aliam penes ad S. Annam, expurgatis heri in eis militibus aliquot sub assaltu trucidatis, et aliis immunditiis, una die reconciliavit. Te Deum Laudamus solemniter, et pulsu in omnibus ecclesiis campanarum absoluto, Pater Paulinus Missam de SSma Trinitate pro gratiarum actione ante altare Sancti Wenceslai celebravit. Una Missa tantum hac die in dicta ecclesia fuit. Deinceps iuxta consuetudinem antiquam divinus cultus peragebatur ordinarie. Aliae vero ecclesiae pollutae seqventibus diebus reconciliatae sunt.

Finis.¹

¹ In den meisten Handschriften findet sich zwischen den Aufsätzen „De patre quodam Franciscano captivo“ und „De contributionibus ecclesiasticorum“ eine Abhandlung des Chronisten P. Paulinus, „De apibus“. Beginnt „Anno 1643 12. mensis Maii Deus Omnipotens pro consolatione forte in variis temptationibus P. Paulino examen apum ad conventum S. Iacobi advolare dispensavit“. Ende „Fatigatus ergo iste rex, mortuus est, et aliae omnes apes mortuae sunt“. Die einzelnen Abtheilungen dieser Abhandlung sind „De benedictione in apibus anno 1648; De abundantia mellis Olo-mucii sub Sveco; De alveario seu apirio in horto S. Iacobi; De apibus